

ଅକ୍ଷୟ

ପଦ୍ମବତୀ

# ଉର୍ଦ୍ଦୁମାନୁଲ-ଶମ୍ମିଫ୍



• ସମ୍ପାଦକ •

ଭାଷାସ୍ଥାନୀୟ ଆବୁଲହସନ କାଶମୀ ଆଲ କୋରାସୀ

ପ୍ରତି  
ସଂସ୍କରଣ  
॥ ०

ସଂସ୍କରଣ  
ପ୍ରଥମ ସଂସ୍କରଣ  
॥ ०



# তজ্জু'মানুল-হাদীছ

ষষ্ঠ বর্ষ-পঞ্চম সংখ্যা

১৩৭৫ হিঃ; অগ্রহায়ণ, বাং ১৩৬২ সাল।

## বিষয়সূচী

বিষয় :-	লেখক :-	পৃষ্ঠা :-
১। ছুত আলফাতিহার তফছীর ...	মোহাম্মদ আবদুল্লাহেল কাফী আলকোরারশী ...	১২৯
২। জাতীয়তার স্বরূপ ও আদর্শ ...	ঐ ...	২০৭
৩। "নিজামুল-মুক্ত" ...	সগির এম, এ, ...	২১১
৪। আগে চল আমছার (কবিতা) ...	কাজী গোলাম আহমদ ...	২১৬
৫। পশ্চিম পাকিস্তানে চক্ৰিশদিন ...	অধ্যক্ষ মুহম্মদ আযীমুদ্দীন ...	২১৭
৬। মুছলিম শিক্ষার ধারা ...	মোহাম্মদ আবদুর রহমান ...	২২২
৭। পূর্বপাকিস্তানের সাহিত্য সমস্তা ...	অধ্যাপক আশরাফ ফারুকী ...	২২৩
৮। আদর্শ মানব ...	মোহাম্মদ আবদুর রহমান ...	২৩২
৯। ঈদে-মীলাদুন্নবী ...	ডক্টর-মোহাঃ আবদুল বারী (এম-এ, ডি-ফিল-অক্সন) ...	২৩৬
১০। বিশ্ব পরিক্রমা ...	সহকারী সম্পাদক ...	২৩৯
১১। ইছলামী শাসন-সংবিধান সম্পর্কে পূর্ব-পাক জম্মুতে আহলে হাদীছের আধুনিক কার্যতৎপরতা ...	সম্পাদক ...	২৪৩
১২। সাময়িক প্রসংগ (সম্পাদকীয়) ...	ঐ ...	২৪৮
১৩। রূপ নেতার বিবৃতির প্রতিবাদ ...	ঐ ...	২৫০
১৪। বক্তৃতাদের খেদমতে-পূর্বপাক জম্মুতে আহলে-হাদীছ ...	সেক্রেটারী ...	২৫০

## অনতিবিলম্বে বাহির হইতেছে—

জ্ঞানাব হযরত মওলানা মোঃ আবদুল্লাহেল কাফী আলকোরারশী

ছাহেবের দীর্ঘদিনের বিরামহীন সাধনার অমৃতময় ফল—

নবী মোস্তফার (দঃ) বিখ্যাতনীতি ও চরমপ্রাপ্তি সম্বন্ধে বঙ্গ ভাষাভাষীগণের বেদমতে অমুপম ছওগাত—

সাড়ে তিন শত পৃষ্ঠার বিরাট গ্রন্থ—

**নবুওতে-মোহাম্মাদী**

(১ম খণ্ড)

মূল্য—আড়াই টাকা মাত্র।

প্রাপ্তিস্থান :—আলহাদীছ প্রিন্টিং এণ্ড পাবলিশিং হাউস, পাবনা।



# তজুমানুল-হাদীছ

( মাসিক )

আহ্লেহাদীছ আন্দোলনের মুখপত্র।

ষষ্ঠ বর্ষ—পঞ্চম সংখ্যা



بِسْمِ اللَّهِ الرَّحْمَنِ الرَّحِيمِ

ছুরত্, আল-ফাতিহার তফ্ছীর  
فهم الخطاب في تفسير أم الكتاب

( ৩৫ )

আবাদীয়েতের পূর্ণ প্রতীক ইবরাহীম  
খালীলুল্লাহ

আল্লাহর আবাদীয়েতের সর্বাপেক্ষা উন্নত এবং বিশিষ্ট যে আসন, হযরত ইবরাহীম (দঃ) সেই বিশিষ্ট আসনের অধিকারী হইয়াছিলেন। এ সম্পর্কে তাঁহার হাদীছ যেরূপ অনবদ্য তেমনই তাঁহার পবিত্র জীবনদর্শনও মহান ও অভূতপূর্ব। তৎকালীন জগতের বিশিষ্ট ভূখণ্ডগুলি যখন জড়বাদ ও বহুঈশ্বরবাদের স্থচীভূত অন্ধকারে নিমজ্জিত

ছিল সেই সময়ে তওহীদ, অব্দীয়েত ও একনিষ্ঠার সমুজ্জল প্রতীক রূপে হযরত ইবরাহীম সত্যপরায়ণ ও সত্যজীবীগণের অধিনায়ক হইয়া ধরাধামে আগমন করিয়াছিলেন। তাঁহার পূর্ণ-আবাদীয়েতের স্বীকৃতি স্বয়ং মা'বুদ কর্তৃক কোরআনের মাধ্যমে বিবোচিত হইয়াছে, **وَأَنزَلْنَا إِلَىٰ إِبْرَاهِيمَ رِسَالَتَنَا** এবং যখন ইবরাহীম- **بِكَلِمَاتٍ فَاتَمَمْنِ، قَالَ** কে তাঁহার রব্ব কতকগুলি **أَنزِلْنَا إِلَيْكَ لِنُنَاسِكَ** বিষয়ে পরীক্ষা করিলেন **إِسْمَاءَ، قَالِ وَمَنْ**

এবং সেই সকল পরীক্ষায় **ذَرَيْتِي، قَالَ : لَا يَنْتَظِرُ**  
**عَهْدِي الظَّالِمِينَ -**  
 গেলেন, তখন তাঁহার প্রভু তাঁহাকে বলিলেন—আমি  
 তোমাকে মানব সমাজের নেতৃত্ব প্রদান করিব। ইবরাহীম  
 নিবেদন করিলেন, আমার বংশধরগণও যেন এই নেতৃত্বের  
 অধিকারী হইতে পারে! আল্লাহ বলিলেন, সীমালংঘন-  
 কারীগণ আমার প্রতিশ্রুতির ফল ভোগ করিতে পারিবেনা  
 —আল্বাকারা ১২৪ আয়ত।

ইহা লক্ষ্য করার বিষয়, এই আয়তে দ্ব্যর্থহীন ভাষায়  
 ব্যক্ত করা হইয়াছে যে, নেতৃত্বের প্রতিশ্রুতি শুধু বিশ্বাস-  
 পরায়ণগণ এবং আবাদীত্বের সীমা রক্ষাকারীগণের জুই  
 নির্দিষ্ট। যাহারা অনাচারী এবং আল্লাহর আইনের লংঘন-  
 কারী, তাহাদের আল্লাহর প্রতিনিধিত্ব এবং মানব সমাজের  
 অধিনায়কত্বের গৌরবে কোন অংশ নাই আর ইহাও  
 সর্বজনবিদিত যে, শির্ক অর্থাৎ জড়বাদ ও বহু-ঈশ্বরবাদ  
 সর্বাপেক্ষা জঘন্য ও নিকৃষ্ট অনাচার। ছুরত লোকমানে  
 কথিত হইয়াছে যে, বস্তুতঃ **ان الشرك لظلم عظيم -**  
 শির্কই সর্বাপেক্ষা বড় অত্যাচার—১৩ আয়ত।

অতএব সন্দেহাতীতভাবে প্রমাণিত হইতেছে যে,  
 যাহারা অত্যাচারী এবং মূশরিক, তাহারা আল্লাহর পক্ষ  
 হইতে মানব সমাজের অধিনায়ক হইবার গৌরব লাভ করার  
 কোনক্রমেই যোগ্য বিবেচিত হইতে পারেনা। কাফির ও  
 যালিমদিগকে ভূপৃষ্ঠের বিভিন্ন অঞ্চলে প্রাধাত্যের আসনে  
 সমাসীন দেখিয়া বিব্রান্ত হওয়া উচিত নয়। কারণ,  
 তাহাদের এই প্রাধাত্য অবৈধ উপায়ে অর্জিত। দম্ভা  
 তন্ত্রের গ্রাম তাহারা মানব সমাজের ধনপ্রাণের উপর—  
 বলপূর্বক প্রাধাত্য বিস্তার করিয়া রাখিয়াছে। তাহারা আল্লাহর  
 নিয়োজিত ও মনোনীত ইমাম বা নেতা নয়, তাহাদের  
 অধিনায়কত্ব আল্লাহর প্রতিনিধিত্ব ও খিলাফত নয়। হযরত  
 ইবরাহীম অবুদীয়তের পরীক্ষায় উত্তীর্ণ হওয়ার দরুণেই জাতি-  
 সমূহের নেতৃত্বের আসন অধিকার করিতে সমর্থ হইয়া-  
 ছিলেন। তাই তাঁহাকে ‘খোদা-পরতী’র আদর্শ এবং  
 অগ্রনায়ক রূপে মনোনীত করা হইয়াছিল, তাঁহার বংশধরগণের  
 মধ্যেই আল্লাহ নবুওতের বৃহত্তম নিয়ামতকে প্রবর্তিত  
 করিয়াছিলেন। তাঁহার তিরোভাবে পর ভূপৃষ্ঠের যে  
 কোন অংশে যে কোন নবীর অভ্যুদয় ঘটিয়াছে, তাঁহারই

জাতীয়তার অন্তর্গত ও তাঁহারই রীতির অনুসারীরূপে  
 তিনি আগমন করিয়াছেন। রিছালতের পূর্ণ প্রতীক,  
 নবীকুল সম্রাট, মানব মুকুট হযরত মোহাম্মদ মুহুতফা  
 (দঃ) কেও আল্লাহ আদেশ করিয়াছেন—হে রছুল, আপনি  
 একনিষ্ঠরূপে ইবরাহীমের **ان اتبع ملة ابراهيم حنيفا -**  
 মিল্লতের অনুসরণ করুন—আননহল ১২৩ আয়ত।

এই কথা ছুরত আল্বাকারায় আরো পরিস্কারভাবে  
 কথিত হইয়াছে ইয়াহুদীয়ত ও নাছারানীয়ত প্রভৃতি  
 ফিকাবন্দীর সহিত আল্লাহর প্রকৃত হিদায়তের কোন  
 সম্পর্কই নাই। ফিকাবন্দীর অনুসরণ হইতে বিরত  
 থাকার আদেশ দিয়া আল্লাহ তদীয় রছুলকে ঘোষণা করিতে  
 বলিয়াছেন, আপনি **قل بل ملة ابراهيم حنيفا -**  
 বলুন, ফিকাবন্দীর পরিবর্তে আমি একনিষ্ঠ ইবরাহীমের  
 মিল্লতের অনুসারী—১৩৫ আয়ত।

বুখারীতে প্রমাণিত রহিয়াছে যে, রছুল্লাহ (দঃ)  
 আদেশ করিয়াছেন, ইব-  
**ان ابراهيم خير البرية -**  
 রাহীম সৃষ্টির উত্তম। অতএব প্রমাণিত হইতেছে যে, হযরত  
 মোহাম্মদ মুহুতফা (দঃ) ব্যতীত হযরত ইবরাহীমই সমগ্র  
 সৃষ্টির এবং সমুদয় নবীর শ্রেষ্ঠতম। আল্লাহর নিকট হইতে  
 খলীলুল্লাহর গৌরবান্বিত পদবীদ্বারা তিনি বিভূষিত হইয়া-  
 ছিলেন। ইহা অপেক্ষা সম্মানজনক পদবী আর নাই।

### খলীলের তাৎপর্য

খলীল অপেক্ষা যে অধিকতর গৌরবান্বিত উপাধি  
 আর নাই ‘খলীল’ ও ‘খুল্লতের’ আভিধানিক অর্থ হৃদয়ংগম  
 করিলেই তাহা উপলব্ধি করা যাইতে পারিবে। অবুদী-  
 যতের পূর্ণ পরাকাষ্ঠা রূপে স্রষ্টার সহিত বান্দার চরম অনু-  
 রাগ এবং আল্লাহর রবুদীয়ত অর্থাৎ পূর্ণ প্রতিপালকত্ব  
 গুণের যাহা অনিবার্য প্রাপ্য আল্লাহর সহিত বান্দার  
 সেই পরম প্রেম ও অনুরাগই ‘খুল্লত’ নামে অভিহিত  
 হয় আর পূর্বেই বলা হইয়াছে যে, চরম আত্মত্যাগ,  
 বিস্ময় এবং প্রণয়ের সমষ্টিগত ভাবে অবুদীয়ত বলা হইয়া  
 থাকে। অতএব স্পষ্টতঃ দেখা যাইতেছে যে, খুল্লতের  
 আসন অধিকতর আসন অপেক্ষা উন্নত। হযরত ইবরাহীম  
 ইবাদতের দরুণেই এই উন্নত আসনে সমাসীন হইয়াছি-  
 লেন। কেহ কেহ মনে করেন যে, শুধু হযরত ইবরাহীমই  
 আল্লাহর খলীল ছিলেন আর আমাদের রছুল (দঃ)

আল্লাহর হাবীব ছিলেন কিন্তু এ ধারণা অজ্ঞতার পরিচায়ক। আমাদের রচুল হযরত মোহাম্মদ মুছতফা— (দঃ) যে রূপ আল্লাহর হাবীব ছিলেন, অনুরূপ ভাবে হযরত ইবরাহীমের মতই তিনি আল্লাহর খলীলও ছিলেন। বুখারী ও মুছলিম প্রভৃতি ছহীহ গ্রন্থ সমূহে বিভিন্ন রেওয়াজতে প্রমাণিত রহিয়াছে যে, রচুল্লাহ (দঃ) বলিয়াছেন, নিশ্চয় আল্লাহ আমাকে **ان الله اتخذني خليلا كما اتخذ ابراهيم خليلا** খলীল গ্রহণ করিয়াছেন। যেরূপ তিনি ইবরাহীমকে খলীল রূপে গ্রহণ করিয়াছেন। আরো রচুল্লাহ (দঃ) আদেশ করিয়াছেন, যদি পৃথিবীর কোন অধিবাসীকে **لو كنت متخذًا من اهل الارض خ-ايلا لا اتخذت اياهم خ-ايلا ولا من صاحبكم خايل الله!** আমি খলীল গ্রহণ করিতাম তাহাইলে আবুবকরকেই খলীল করিতাম কিন্তু তোমাদের সহচর (অর্থাৎ স্বয়ং রচুল্লাহ [দঃ]) আল্লাহর খলীল।

আরো রচুল্লাহ (দঃ) বলিয়াছেন, যদি আমি আমার বকর ব্যতীত অথ **ولو كنت متخذًا خايلا غير ربي لا اتخذت اياهم خايلا** কাহাকেও খলীল গ্রহণ করিতাম তাহাইলে আবুবকরকেই খলীল করিতাম।

এই কথাগুলি হযরতের (দঃ) পবিত্র মুখে অন্তিম দশায় উচ্চারিত হইয়াছিল এবং নবুওতের পূর্ণত্ব প্রাপ্তির সংগে সংগেই তিনি এই মহান গৌরবের অধিকারী হইয়াছিলেন। উল্লিখিত হাদীছ সমূহের সাহায্যে একথাও প্রমাণিত হইতেছে যে, ভূপৃষ্ঠের কোন অধিবাসীই রচুল্লাহর (দঃ) খলীল ছিলেননা। কারণ খুলতের তাৎপর্য এই যে, উহা সর্বদা অবিভাজ্য। মানুষ শুধু একজনেরই খলীল হইতে পারে। জনৈক কবি ইহারই অতি সুন্দর বিশ্লেষণ করিয়াছেন :—

فان تخللت مسلك الروح مني

وبذا سمى الخليل خ-ايلا!

আমার প্রিয়তমা আমার আত্মার পরতে পরতে প্রবেশ লাভ করিয়াছে আর ইহার কারণেই (এই তৎকালের ভক্তই) খলীলকে খলীল বলা হইয়া থাকে।

হাবীব ও খলীলের মধ্যে পার্থক্য এই যে, খুলতরূপী অনুরাগে অত্‌ কাহারো ভাগ বা অংশ থাকার উপায় নাই, কিন্তু হাবীবের মহব্বতের জন্ত ইহা আবশ্যক নয়। একই সময়ে একাধিক ব্যক্তির সহিত মহব্বত বা প্রণয় করা যাইতে পারে। আল্লাহর খলীল হইবার কারণে রচুল্লাহ (দঃ) অপর কাহাকেও খলীল গ্রহণ করিতে অস্বীকার করিয়াছিলেন কিন্তু আল্লাহর সহিত মহব্বতের সম্পর্ক স্থাপিত থাকা সত্ত্বেও তিনি অপরপর বহু ব্যক্তিকে হাবীব রূপে বরণ করিয়া লইয়াছিলেন। ইমাম হাছান এবং হযরত উছামা বিনে যয়েদ সম্বন্ধে রচুল্লাহ (দঃ) আল্লাহর নিকট প্রার্থনা করিয়াছিলেন— প্রভু হে, আমি এই দুই জনের সহিত মহব্বত রাখি, **الهام الى احبهما فاحبهما** আপনিও উহাদিগকে **واحب من يهيهما** ভালবাসুন এবং যাহারা ঐ দুই জনকে ভালবাসিয়া থাকে তাহাদিগকেও আপনি ভালবাসুন।

অধীন অকিঞ্চন লেখকের প্রার্থনা, হে আল্লাহ, আপনাকে সাক্ষ্য করিয়া বলিতেছি যে, আমি অন্তরের অন্তস্থল হইতে রচুল্লাহর (দঃ) প্রেয়স, ভগ্নি ফাতিমার ছলল ইমাম হাছান এবং তাঁহার মিত্র উছামার সহিত অনুরাগ পোষণ করিয়া থাকি।

হযরত আমর বিনুল আছ একদা রচুল্লাহ (দঃ) কে জিজ্ঞাসা করিলেন, কোন্ ব্যক্তি আপনার সর্বাপেক্ষা প্রেয়স? **اي الناس احب اليك** রচুল্লাহ (দঃ) বলিল— **يارسول الله؟ قال عائشة! قال: فمن الرجل؟ قال: ابوها!** লেন, আয়েশা! ইবনুল-আছ পুনশ্চ জিজ্ঞাসা করিলেন, পুরুষগণের মধ্যে কে? রচুল্লাহ (দঃ) বলিলেন, তাহার পিতা! হযরত আলী সম্বন্ধে খয়বর সংগ্রামে রচুল্লাহ (দঃ) **لاطين الزية رجلا يهيب الله ورسوله ويحب الله!** একদা বলিয়াছিলেন, আমি মুন্দের পতাকা **ورسوله!**

এমন এক ব্যক্তিকে সমর্পণ করিব, যিনি আল্লাহ ও তদীয় রচুলকে ভালবাসেন এবং আল্লাহ ও রচুলও তাহাকে ভালবাসিয়া থাকেন।

এরূপ দৃষ্টান্ত ছহীহ হাদীছ সমূহে বহুল পরিমাণে বিদ্যমান রহিয়াছে। কোরআনের দিকে দৃষ্টি নিবদ্ধ

করিলেও ইহা সহজেই প্রতীয়মান হয় যে মহব্বত বা প্রণয় বন্ধনে একাধিক ব্যক্তির সহিত আবদ্ধ হওয়া সম্ভবপর। কোরআনের বহুস্থলে কথিত হইয়াছে, আল্লাহ মুত্তকী (সাধু) দিগকে ভালবাসেন, তিনি মুছলিন (সদাচরণকারী) দিগকে ভালবাসেন, তিনি মুচ্ছিং (শ্রায়পরায়ণ) দিগকে ভালবাসেন, তিনি তওবা (অনু-শোচনা) কারীদিগকে ভালবাসেন, তিনি পরিশুদ্ধ-জ্ঞানদিগকে ভালবাসেন, যাহারা তাহার পথে সারিবদ্ধ হইয়া সংগ্রাম করে তিনি তাহাদিগকে ভালবাসেন। বিখ্যাসপরাধরণগণ সম্বন্ধে ছুরত আল্ বাকারায় কথিত হইয়াছে যে, ইমানদায়গণ আল্লাহর সহিত সর্বাপেক্ষা অধিক অনুরাগ সম্পন্ন। এই আয়তের সাহায্যে প্রমাণিত হইতেছে যে, মহব্বত অবিভাজ্য বস্তু নয়। মুমিনগণ আল্লাহর সহিত সর্বাপেক্ষা অধিক মহব্বত পোষণ করিলেও তাহার অপরেরও অনুরক্ত হইতে পারে কিন্তু খলীলের অবস্থা এরূপ নয়। খলীলকে যে অনুরাগ ও প্রেম অর্পণ করা হইবে, তাহাতে আর কাহারো অধিকার বা অংশ নাই।

### ঈমানের আশ্বাদ ও মধুরতা

পূর্বেই বলা হইয়াছে যে, আল্লাহর মনোনীত ও প্রেমসে যে সকল বস্তু, তাহাদের অনুরক্ত হওয়াই আল্লাহর মহব্বতের তাৎপর্ষ্য। শরীহতের আলোকেই আমরা এই তাৎপর্ষ্য উপনীত হইয়াছি। এই প্রসঙ্গে বুখারী ও মুছলিমের হাদীছটি পুনরায় পাঠ করিয়া দেখা উচিত। রহুল্লাহ (দঃ) আদেশ করিয়াছেন, যাহার ভিতর তিনটি গুণ বিद्यমান রহিয়াছে, সে ব্যক্তি ঈমানের আশ্বাদ গ্রহণ করিতে সমর্থ হইয়াছে। যে ব্যক্তি আল্লাহ এবং তদীয়—  
রহুল্লাহ (দঃ) অত্ন সমু-  
দয় বস্তু অপেক্ষা অধিক-  
তর ভালবাসিতে পারি-  
য়াছে, যে ব্যক্তি শুধু  
আল্লাহর কারণেই কাহারো অনুরাগ হৃদয়ে পোষণ করিয়া  
থাকে এবং যে ব্যক্তি কুফর হইতে উদ্ধার লাভ করার

ثلاث من كن فيه وجد  
حلاوة الايمان : من كان  
لله ورسوله احب اليه  
مما سواه، ومن كان  
يحب المرء لا يحبه الا  
لله، ومن كان يكره ان  
يرجع في الكفر بعد ان  
انقذه الله منه كما يكره  
ان يلقى في النار -

পর উহার দিকে প্রত্যাভর্তিত হইবার কার্যকে জলন্ত আগুনে  
নিক্ষিপ্ত হইবার মত মহা বিপদ বলিয়া মনে করিয়া  
থাকে। রহুল্লাহ (দঃ) বলিয়াছেন, এই তিনটি বস্তু  
যাহার মধ্যে রহিয়াছে সেই ব্যক্তি ঈমানের আশ্বাদ প্রাপ্ত  
হইয়াছে। একধার তাৎপর্ষ্য এই যে, কোন বস্তুর প্রতি  
অনুরক্ত হওয়ার পরেই তাহার মিলনের সূত্র অনুভব করা  
সম্ভবপর। ধরুন—কোন ব্যক্তি একটি বস্তুকে অন্তরের  
সহিত ভালবাসে এবং উহাকে অন্তরের সহিত কামনা করিয়া  
থাকে, যখন সে ব্যক্তি উক্ত বস্তু লাভ করিতে সমর্থ  
হইবে, তখনই তাহার মন এক অপূর্ব আনন্দ ও মধুর  
রসে আগ্নুত হইয়া উঠিবে। বস্তুর আশ্বাদ বা লম্ব্যত  
এরূপ অবস্থা বা আবেশের নাম, যাহা স্বীয় প্রকৃতির অনুকূল  
ও প্রেমস। বাঙ্কিত বস্তুর অনুভূতি ও প্রাপ্তির পরেই  
মানসলোকে উহার উদ্ভব ঘটিয়া থাকে।

এক দল অর্বাচীন দার্শনিক ও চিকিৎসক মনে করিয়া  
থাকেন যে, কোন সুন্দর বস্তুর অনুভূতি ও প্রাপ্তিকাই  
লম্ব্যত বা উহার মধুরের আশ্বাদ বলা হইতে পারে। কিন্তু এই ব্যাখ্যা  
সঠিক নয়। অনুভূতি ও প্রাপ্তি, আগ্রহ ও লম্ব্যতের  
মধ্যবর্তী অবস্থার নাম, অনুভূতি ও প্রাপ্তি মাত্রই লম্ব্যত  
নয়। দর্শনেন্দ্রিয় সূত্র বোধ করিয়া থাকে মনোরম বস্তুর  
প্রতি দৃষ্টি নিবদ্ধ করার পর, দৃষ্টি মাত্রই সূত্র বা লম্ব্যত  
নয়। অতএব এ বিষয়ে সন্দেহের অবকাশ নাই যে,  
দৃষ্টিপাত করা এবং সূত্রবোধ করা দুইটি স্বতন্ত্র ব্যাপার।  
বেহেশতের সূত্র ও লম্ব্যতের বর্ণনা প্রসঙ্গে ছুরত আয-  
যুখরুকে কথিত হইয়াছে যে, বেহেশতের নিয়ামত গুলি  
এরূপ, যাহার জন্ত অন্তর **ما تشتهي النفس**  
কামনা করিবে এবং চক্ষু **وتلك الا عين -**  
লম্ব্যত প্রাপ্ত হইবে—৭১ আয়ত।

মানসলোকের সমুদয় অনুভূতির অবস্থাই এই রূপ।  
মনে সূত্র দুঃখের যে সকল অবস্থার উদ্ভব ঘটিয়া থাকে,  
সেগুলি কোন না কোন প্রিয় বা অপ্রিয় ব্যাপারের অনু-  
ভূতির পরিণতি। অতএব ঈমানের আশ্বাদ এবং  
উহার মধুরতা ও আনন্দ আল্লাহর সহিত পূর্ণ অনুরাগের  
ফলেই সৃষ্টি হইতে পারে এবং তিনটি বিষয়ে উত্তীর্ণ হও-  
য়ার পরই এই স্থান অধিকার করিতে পারা যায়। প্রথম,  
উক্ত অনুরাগের পূর্ণতা সাধন, দ্বিতীয়, উক্ত অনুরাগের

অবশ্যজ্ঞাবী প্রভাব, তৃতীয়, উক্ত অনুরাগের প্রতিকূল যাহা, তাহার প্রতিরোধ এবং তাহার প্রতি বিরূপ চেতনার উন্মেষ। অনুরাগের পূর্ণতা সাধনের অর্থ হইতেছে মানুষের কাছে আল্লাহ এবং রচুল (দঃ) সমুদয় বিদ্যমান ও অবিদ্যমান জগত অপেক্ষা সর্বাধিক প্রিয় হইবেন, আল্লাহ এবং রচুলের (দঃ) মোটামুটি প্রেম যথেষ্ট হইবেনা, তাঁহাদের অনুরাগ ও প্রেম সর্বাধিক হওয়া চাই। অনুরাগের অবশ্যজ্ঞাবী প্রভাবের অর্থ এই যে,— কাহারো প্রণয় বন্ধনে মানুষ আবদ্ধ হইলে সেই প্রণয় ও প্রীতি স্বতন্ত্র ও স্বাধীন হওয়ার পরিবর্তে উহাকে আল্লাহর অনুরাগ-সাপেক্ষ করিতে হইবে আর প্রতিকূলের প্রতিরোধ করার অর্থ হইতেছে, জমানের বিপরীত কুফর এবং শির্ক প্রভৃতিকে মানুষ অলস্তু অগ্নিকুণ্ডে নিক্ষিপ্ত হওয়া অপেক্ষাও ভয়াবহ মনে করিবে।

### ইলাহী প্রেমের তাৎপর্যে বাড়াবাড়ি

ফলস্বৰূপে, আল্লাহর প্রেম অর্থাৎ মহব্বত এবং একনিষ্ঠ প্রেম অর্থাৎ খুল্লতের মধ্যেই আল্লাহর আবুদীয়তের তাৎপর্য নিহিত রহিয়াছে কিন্তু হুর্ভাগ্য বশতঃ বিদ্বানগণের একটি দল ধারণা করিয়া থাকেন যে, নীরস প্রণতি এবং চরম বিনয় প্রকাশের কার্যকেই আবুদীয়ত বলা হয়, ইহার মধ্যে প্রেম ও অনুরাগের স্থান নাই। তাহারা মনে করেন, হৃদয়ের উত্তাম বাসনা এবং তজ্জনিত আনন্দের আবশ্যই অনুরাগ ও মহব্বতের নামান্তর, পক্ষান্তরে প্রতিপক্ষের মানাভিমান ইত্যাদি চপলতা প্রেমরসের অপরিহার্য উপাদান। আল্লাহর রব্বীয়ত এবং প্রতিপালকত্ব গুণের ভিতর এ সকল বিষয়ের অবকাশ নাই। আল্লাহকে প্রেমিক বা প্রেমাস্পদ রূপে কেমন করিয়া ধারণা করা সম্ভবপর?

প্রকৃতপক্ষে আল্লাহর মহব্বতের সঠিক তাৎপর্য অবগত হইতে না পারায় দৃষ্টিতে এই ভ্রান্তির উদ্ভব ঘটিয়াছে। একদা হযরত যুসুফ মিসরীর সম্মুখে আল্লাহর মহব্বতের আলোচনা আরম্ভ হওয়ায় তিনি বলিয়াছিলেন, “চুপ করিয়া থাক। এ বিষয়ে কথাবার্তা বলিওনা, এরূপ যেন না হয় যে, তোমাদের কথা শুনিয়া আনাড়ীর দল

আল্লাহর মহব্বতের দাবী করিতে লাগিয়া যায়”। যাহারা ভয়, ধ্যান ও যিক্র ছাড়াই আল্লাহর মহব্বতের আলোচনার প্রবৃত্তি হয়, কতিপয় বিদ্বান তাহাদের সাহচর্য করিতে কঠোর ভাবে নিষেধ করিয়াছেন। এ সম্পর্কে ছাহাবা ও তাবয়ীগণের মধ্যে জ্ঞানিক বিদ্বান যাহা বলিয়াছেন, তাহা স্বর্ণাক্ষরে লিপিত হইবার উপযুক্ত। তিনি বলিয়াছেন, যে-ব্যক্তি শুধু অনুরাগ ভরে আল্লাহর ইবাদত করিবে, সে ধর্ম-ভ্রষ্ট এবং যে শুধু আশাধারী হইয়া ইবাদত করিবে সে মুজিয়া এবং যে ব্যক্তি শুধু ভীত ও সন্ত্রস্ত মনে ইবাদত করিবে সে খারেজী কিন্তু যে ব্যক্তি অনুরাগ, ভয় ও আশার মিশ্রিত ভাব লইয়া আল্লাহর ইবাদত করিবে সে ব্যক্তি মুমিন ও তওহীদ-পরন্ত।

পরবর্তী যুগের ছুফীদলের মধ্যে এরূপ ধরণের অনেক লোক দেখিতে পাওয়া যায়, যাহারা মহব্বতের দাবীতে সীমালংঘন করিয়া চলিয়াছে। এমন কি তাহাদের মধ্যে একরূপ অহংকারের ভাবও সৃষ্টি হইয়াছে। তাহারা এরূপ ধরণের দাবীও করিয়া বসিয়াছে যাহা **এইহা কান্না না'বুদু** অর্থাৎ আবাদীয়তের আসনের পরিপন্থী। তাহাদের হাবভাবের রব্বীয়তের অভিমান প্রকট, তাহারা নিজেদিগকে এরূপ স্থানের অধিকারী বলিয়া প্রকাশ করিতে চাহিয়াছে, যাহা নব্বুত ও রিছালতের আসন অপেক্ষাও সমুন্নত। তাহারা নিজেদের জগৎ এরূপ গুণ ও শক্তির অভিমান পোষণ করিয়া থাকে, যেগুলি নবী ও রচুলগণেরও উপযোগী নয়। এই ভয়াবহ বিভ্রান্তির ফলেই তরীকত পন্থী অনেক বড় বড় পীর ও শযেখ শরতানের ফাঁদে আবদ্ধ হইয়া পড়িয়াছেন। আবুদীয়তের তাৎপর্য আর ইবাদতের প্রকৃত অর্থ হ্রস্বগম করিতে না পারার কারণেই তাহাদের এই ভ্রূদর্শা ঘটিয়াছে। যে ইমামী প্রজ্ঞার সহায়তা ব্যতিরেকে

মানুষের পক্ষে নিজের বাস্তব স্বরূপ অবগত হওয়া সম্ভবপর হয়না, উপরিউক্ত তথাকথিত ছুফীগণের মধ্যে সেই প্রজ্ঞার একান্তই অভাব ঘটিয়াছে। জ্ঞানের অপরিপক্বতার সঙ্গে সঙ্গে ধর্মীয় অভিজ্ঞতার অভাব নিবন্ধন প্রবৃত্তি স্বক্কে প্রেমরসে হাবডু খাটতে থাকে তখন আত্মা তাহার বাস্তব সম্বিত হারাষ্টয়া ফেলে, তাহার সীমা রেখা সে রক্ষা করিয়া চলিতে পারেনা। এই ভাবে প্রবৃত্তি শয়তানের প্রবঞ্চনায় সম্মোহিত হইয়া পড়িলে তাহার মুখ দিয়া বড় বড় বোল নিঃসৃত হইতে থাকে। সে প্রকাজুই বলিয়া বেড়ায়— “আমি আল্লাহর প্রেমিক, আমি যদৃচ্ছ ভাবে চলাফেরা করিব, আমি বন্ধন মুক্ত! শরীঅতের এবং নীতি নৈতিকতার কোন আইনই আমার প্রতি প্রযোজ্য নয়।” কিন্তু ইহা যে খোলাখুলি শয়তানী এবং গোমরাহীর উক্তি তাহাতে সন্দেহের অবকাশ নাই। পূর্ববর্তী ইয়াহুদী ও খৃষ্টান ছুফীর দলকে এই অভিমানই প্রমত্ত করিয়াছিল। তাহারা বলিয়াছিল, আমরা আল্লাহর পুত্র **نحن أبناء الله وأحبنا** ও প্রেমস! ইহা প্রবৃত্তির মায়াত্মক প্রবঞ্চনা! আল্লাহর প্রকৃত প্রেমস যে, তাহার প্রভু তাহার মনোনীত কার্ধেই তাহাকে নিয়োজিত করিয়া থাকেন। বেকার্দে তিনি অসম্ভট, আল্লাহর প্রেমাস্পদ বাহারা, তাহারা কদাচ সে কার্ধে নিমগ্ন থাকিতে পারেনা। আল্লাহ স্বীয় বান্দার উত্তম আচরণগুলিকে যে রূপ সন্তুষ্ণ ও প্রীতির দৃষ্টিতে নিরীক্ষণ করেন, বাহারা মহাপাতকে লিপ্ত থাকে এবং আইনের পর আইন ভংগ করিয়া চলে, তাহাদের অসৎকর্মগুলিকে সেই ভাবেই আল্লাহ ক্রোধ এবং ঘৃণার দৃষ্টিতে দর্শন করিয়া থাকেন। বান্দার ঈমান এবং সাধুতার পরিমাণ অনুসারেই আল্লাহ তাহাকে প্রেমদান করেন।

যে ব্যক্তি এরূপ ধারণা পোষণ করিয়া থাকে যে, আল্লাহর ‘প্রিয়জন’ হইবার কারণে পাপ এবং অপরাধের কোন কালিমাই তাহাকে মসীময় করিতে পারিবেনা, তাহার অবস্থা এরূপ একজন নিবোধ স্বাস্থ্যবানের স্থায়, যে ব্যক্তি স্বীয় স্বাস্থ্যের দূরত্ব এবং শারীরিক সুস্থতার অহমিকতায় এই ধারণার বশবর্তী

হইয়াতে যে, যতই সে বিষপান করুক না কেন, তাহাতে তাহার কোন ক্ষতিবৃদ্ধি হইবেনা। উপরিউক্ত শ্রেণীর বিভ্রান্ত ছুফীর দল যদি কোরআনের পৃষ্ঠায় দৃষ্টি নিবদ্ধ করিত এবং নবীগণের জীবন-কাহিনী অভিনিবেশ সহকারে পাঠ করার সুযোগ পাইত, তাহাইলে তাহারা বৃত্তিতে পারিত যে, মানবসমাজের বরণ্য এই নেতৃবৃন্দের জন্মও কিরণ ভাবে মাঝে মাঝে তওবা, অনুশোচনা, ইচ্ছা ত্রিগকার ও ক্ষমা প্রার্থনার প্রয়োজন উপস্থিত হইয়াছিল। আল্লাহর এই সকল প্রিয়তমদিগকেই আত্মশুদ্ধির জন্তু কেমন করিয়া বিপদাপদের অগ্নিকুণ্ড অতিক্রম করিতে হইয়াছিল। পাপের বিষময় ফল এরূপ নির্বাত এবং নিষ্ঠুর যে, যে যত বড় মানুষই হোক না কেন, উহার বিষাক্ত প্রতিক্রিয়াকে সে এড়াইয়া যাটতে পারেনা। দার্শনিকতার কথা চাড়িয়া দিয়া বাস্তব জগতের প্রতি দৃষ্টিপাত করিলেও এই নীতির সত্যতা মর্মে মর্মে উপলব্ধ হইবে। কোন প্রেমিক যদি তাহার প্রেমাস্পদের কচি ও অভিকচির প্রতি দৃকপাত না করিয়া শুধু স্বীয় প্রবৃত্তির অনুপ্রেরণার অবিরত নর্তন-কুর্দন করিতে থাকে, তাহাইলে সে স্বীয় প্রেমাস্পদের মনোবজ্ঞানের পরিবর্তে তাহার বিরক্তি ও ক্রোধের পাত্রই যে হইয়া উঠিবে তাহাতে সন্দেহের অবকাশ নাই।

কিন্তু দূর্বদৃষ্ট বশতঃ ছুলুক পক্ষীগণের মধ্যে এরূপ লোকের অভাব নাই, বাহারা আল্লাহর মহক্বতের দাবীদার সাজিয়া নানাবিধ ধর্ম বিরুদ্ধ উক্তি উচ্চারণ করিয়াছে এবং ধর্ম বিগৃহিত কার্যকলাপে রত হইয়াছে। কখন বা তাহারা ইলাহী-বিধনের অনুবর্তিতা পরিহার করিয়া চলিয়াছে আর কখন বা ‘হক্কুল্লাহ’কে দূবে নিক্ষেপ করিয়াছে, কখন বা মিথ্যা ও অলীক উক্তি তাহাদের রসনা হইতে নিঃসৃত হইয়াছে। ইহাদেরই কেহ এরূপ **أى مرید لى ترك فى النار احداً فانى منه** কথা বলিয়া বসিয়াছে যে, আমার কোন - **مرید** মরীদ যদি একজনকেও ছবখে রাখিয়া যায়, তাহাইলে আমি সেই মরীদের প্রতি অসম্ভট। কেহ



আক্ষালন করিয়া বলি- **ای مرید ای ترک احدی**  
 যাচ্ছে, একজন মুছলমান- **من المؤمنین يدخل**  
 কেও যদি আমার **الشارف فأنسا بری**  
 কোন মুরীদ দুখেরে **منه -**  
 যাইতে দেয়, তাহাইলে উক্ত মুরীদের সহিত আমার  
 কোন সম্পর্ক নাই। প্রথমোক্ত ছুফী চাহেবের দস্ত  
 এই যে, তিনি মুছলিম ও কাফির কাহাকেও দুখেরে  
 থাকিতে দিবেননা আর দ্বিতীয় ব্যক্তি কোন কবীরা  
 গোনাহর পাপীকেও দুখের চায়া মাড়াইতে  
 দিবেননা আর একজনের খুঁতাত এতদূর চরমে উঠিয়াছে  
 যে তিনি বলিয়াছেন, **إذا كان يوم القيامة نصبت**  
 কিয়ামতের দিবসে **خيمتي على جهنم حتى**  
 আমি দুখের দুয়ারে **لا يدخلها أحد!**  
 আমার শিবির সন্নিবেশিত করিব এবং একজন ব্যক্তি-  
 কেও উহাতে প্রবেশ করিতে দিবনা। এই সকল  
 এবং ইহার অনুরূপ বহু খুঁত উক্তি এমন এমন খ্যাতনামা  
 তাপস ও সাধু সজ্জনগণের প্রমুখ্যৎ বর্ণিত হইয়াছে  
 যে, এগুলিকে তাহাদের মুখ নিঃসৃত বাণী বলিয়া  
 বিশ্বাস করিতে কিছুতেই প্রবৃত্ত হয়না। সুতরাং  
 হয়ত এগুলি সর্বৈব মিথ্যা আর বখার বখা, সত্যই  
 যদি এই উক্তি গুলি তাহাদের মুখ হইতে উচ্চারিত  
 হইয়া থাকে, তাহাইলে এই কথাগুলি সম্পূর্ণ অসত্য  
 এবং ভ্রান্তি মূলক। তাহারা স্বহৃজানে কখনই এরূপ  
 কথা বলেন নাই। ছুরকের উন্মত্ততা (ছুকর) অথবা  
 পরাজয় (গালাবা) কিংবা ফানা অর্থাৎ নির্বাণত্বের  
 প্রভাবেই এই ধরনের কথা তাহাদের মুখ হইতে  
 বাহির হইয়াছে, কারণ উল্লিখিত ত্রিবিধ অবস্থায়  
 মানুষ দিশাহারা হইয়া পড়ে এবং সে যত্নভব করিতে  
 পারেনা যে, তাহার মুখ দিয়া কোন কথা নির্গত  
 হইতেছে? এই সকল ব্যক্তির মধ্যে যাহারা প্রকৃতই  
 খোদা-পরশু, তাহারা তাহাদের 'উন্মত্ত দশা' তিরো-  
 হিত হইবার সংগে সংগেই তাহাদের মুখনিঃসৃত  
 স্পষ্ট উক্তির জ্ঞাত তওবা ও ক্ষমা প্রার্থনাকরিয়া  
 গিয়াছেন।

নেতৃস্থানীয় ছুফীদলের মধ্যে যাহারা অমুরাগ,  
 অগ্রহ, অপবন ও আত্মসমর্পণ প্রভৃতি ভাবাবেশ

সম্প্রকিত সংগীত শ্রবণ করার রীতি অবলম্বন করি-  
 য়াছিলেন, তাহাদের উদ্দেশ্যও প্রকৃতপক্ষে ইহাই ছিল।

### অমুরাগের মান

প্রণব ও অমুরাগের পথ বেশকল বিভীষিকা  
 ও সংকটের কথা এবাবত আলোচিত হইল, সেই  
 গুলি হইতে রক্ষা পাওয়ার উদ্দেশ্যেই আল্লাহ বাস্তব  
 প্রেমের একটি মান নির্ধারিত করিয়া দিয়াছেন। এই  
 মানদণ্ডের সাহায্যেই আল্লাহর অমুরাগ ও প্রেমের  
 সকল দাবীদারকে যাচাই করিয়া দেখিতে হইবে।  
 আল্লাহ আদেশ করিয়াছেন, হে রহুল (দ:) আপনি  
 বলুন, সত্যই যদি **قل ان كنتم تحبون الله**  
 তোমরা আল্লাহর **فاتبعوني بحبكم الله!**  
 সহিত অমুরাগ পোষণ কর, তাহাইলে তোমরা  
 আমার জীবনাদর্শের অনুসরণ করিয়া চল, তবেই  
 তোমরা আল্লাহর প্রীতি ভাজন হইতে পারিবে—  
 আল-ইমরান, ৩১ আয়াত।

অর্থাৎ আল্লাহর রহুল হযরত মোহাম্মদ মুহু-  
 ফার (দ:) পবিত্র পদাংক অনুসরণ করিয়া চলার  
 কার্যকে যে ব্যক্তি স্বীয় জীবনের চরম ও পরম লক্ষ  
 রূপে গ্রহণ করিবে তাহাকেই প্রকৃত প্রস্তাবে আল্লাহর  
 অমুরাগের যথার্থ দাবীদার বলা যাইতে পারিবে।  
 রহুল্লাহর (দ:) অনুসরণই অবদীর্ঘতের সক্রিয়—  
 তাৎপর্ষ। পুনশ্চ কোরআনে আল্লাহ এবং তদীয়  
 রহুলের (দ:) প্রকৃত অমুরাগের আর একটি স্পষ্ট লক্ষণ  
 নির্ধারিত হইয়াছে, ইহা হইতেছে আল্লাহর পথে  
 জিহাদ! জিহাদের অর্থ হইতেছে, আল্লাহর আদেশ  
 সমূহের আসক্তি এবং তাহার নিষেধ সমূহের প্রতি  
 পূর্ণ বিরক্তি। আর এই জুহুই যাহারা আল্লাহর প্রিয়  
 এব যাহারা আল্লাহর প্রতি অমুরক্ত তাহাদের সম্বন্ধে  
 আল্লাহ আদেশ করি **يحبهم ويحبونه، اذلة على**  
 যাছেন, যাহাদিগকে **المؤمنين، اءزة على**  
 আল্লাহ প্রেম করেন **الكانرين يجاهدون في**  
 এবং যাহারা তাহাকে **سبيل الله، لا يخافون**  
 প্রেম দান করিয়া **ارمة لائم -**

থাকে, তাহারা বিশ্বাসপরায়াণগণের প্রতি বিনম্র এবং  
 অবিশ্বাসীদের প্রতি কঠোর, তাহারা সংগ্রাম করিয়া

থাকে আল্লাহর পথে এবং তাহারা কোন ভৎসনা-কারীর ভৎসনার প্রতি দৃকপাত করেন।—আলমায়েদা ৫৪ আয়ত।

পূর্ববর্তী জাতিবর্গের তুলনায় এই উম্মতের মহব্বত অর্থাৎ অমুরাগ ভাব অধিকতর পূর্ণ ও সর্বাংগ সুন্দর। ইহাদের অবদীযত পূর্ববর্তী জাতিবর্গের তুলনায় সম্পৃষ্ট ও অধিকতর পরিপুষ্ট। আবার এই উম্মতের মধ্যে সর্বাপেক্ষা ‘কামিল’ হইতেছেন—রহুল্লাহর (ঃ) সহ-চরবন্দ অথবা তাহারা তাহাদের পরিগৃহীত আদর্শের অনুসরণকারী। এক্ষণে শুধু মহব্বতের দৃষ্ট দাবীদার দলের অবস্থা আল্লাহর প্রশংসিত প্রেমিক দলের অবস্থার সহিত তুলনা করিয়া দেখা উচিত।

ফলকথা—শরীঅতের বিধানের অনুসরণ এবং আল্লাহর পথে সংগ্রামই আল্লাহর সত্যকার প্রেমিক এবং ভ্রান্ত দাবীদার দলের মধ্যবর্তী সীমারেখা। মিথ্যুক প্রেমিকের দল প্রেমের গগনভেদী দাবীর সংগে সংগে শরীঅত-বিরুদ্ধ মানস-কলিত বিদ্‌আত-সমূহের অনুসরণ করিয়া থাকে এবং তাহারা প্রেমের এই মনগড়া তাৎপর্য গ্রহণ করিয়াছে যে, আল্লাহর সৃষ্ট সমুদয় বস্তু, এমন কি কুফর, অনাচার ও মহাপাপ-কেও ভালবাসিতে হইবে। ঐশ প্রেমের শিক্ষা-কোর-আনের মতই তওরাত ও ইঞ্জিল প্রভৃতি গ্রন্থেও মণ্ডজুদ রহিয়াছে। এই সকল গ্রন্থের শব্দ, ভাষা এবং প্রদত্ত শিক্ষা সম্পর্কে ইহাদের ধারক দলের মধ্যে যতই মতানৈক্য পরিলক্ষিত হউক না কেন, ঐশ-প্রেমের শিক্ষার মৌলিকতা সম্বন্ধে ইয়াহুদী ও খৃষ্টানগণের মধ্যে কোনই মতভেদ নাই। ইহাকেই ‘পুণিত্রাত্মা’র সর্বাপেক্ষা শ্রেষ্ঠ এবং বৃন্যাদী উপদেশ রূপে স্বীকার করা হইয়া থাকে। হযরত ঈছা মচীহও এছীয়া করিয়া গিয়াছেন যে, তুমি পরম পিতার সহিত প্রেম কর, তোমার পূর্ণ হৃদয় এবং পূর্ণ জ্ঞান এবং পূর্ণ আত্মা দিয়া তাহার সহিত প্রেম কর। খৃষ্টান ধর্মযাজকদের ভিত্তর বৈরাগ্য ও উপাসনার যে ভাব দেখিতে পাওয়া যায়, তাহাকে যীশু খৃষ্টের এই উপদেশেরই ফল বলা যাইতে পারে। কিন্তু আসল ব্যাপার খানা কি? আল্লাহর অমুরাগের দাবী যত

বড় যোর গলায় তাহারা কখন না কেন, প্রকৃত ঐশ প্রেম হইতে খৃষ্টানরা বঞ্চিত হইয়া পড়িয়াছে আর ইহার কারণ এই যে, যেসকল বিষয় আল্লাহর অভিপ্রেত তাহারা সেগুলির অনুসরণ না করিয়া যে সকল বিষয় আল্লাহর ঘৃণিত ও অনোনীত, ঐশ-প্রেমের অহংকারে মত্ত হইয়া তাহারা সেই দিকেই ঝুঁকিয়া পড়িয়াছে।

তাহারা প্রকৃতই আল্লাহর প্রেমিক আল্লাহও তাহা-দিগকে করুণা পুরঃসর স্বীয় প্রেম হইতে কদাচ বঞ্চিত করেননা। এ কথা সম্পূর্ণ অসম্ভব যে, বান্দার হৃদয় আল্লাহর প্রেমালোকে উজ্জ্বল হইবে অথচ আল্লাহ তাহার প্রতি দৃকপাত করিবেন না। প্রকৃত প্রস্তাবে বান্দা আল্লাহকে যে পরিমাণ প্রেম করে ঠিক সেই পরিমাণ অনুসারেই আল্লাহ স্বীয় প্রেম দ্বারা বান্দা-কেও গৌরবান্বিত করিয়া থাকেন এবং তাহার—অধিকতর অনুকম্পা ও দয়া বান্দার প্রতি এই রূপ হয় যে, তিনি তাহার প্রেমের তুলনায় তাহাকে বহু গুণ অধিক পুরস্কৃত করেন। হাদীছ-কুদছীতে কথিত হইয়াছে, আল্লাহ বলেন, যে আমার দিকে এক—বিষত পরিমাণ অগ্র-  
সর হয় আমি তাহার  
দিকে এক হস্ত পরি-  
মাণ আগাইয়া যাই  
আর যে আমার—  
দিকে এক হস্ত আগা-

ইয়া আসে আমি তাহার দিকে একগজ পরিমাণ অগ্রসর হই। যে আমার দিকে পায়ে হাঁটিয়া আগমন করে, আমি তাহার দিকে দোড়াইয়া অগ্রসর হই। আরো আল্লাহ সংবাদ দান করিয়াছেন যে, তিনি মুত্তকী ও মুহছিন-  
দিগকে ভালবাসেন,  
তিনি ধৈর্যশীলদিগকে  
ভালবাসেন, তিনি  
তওবাকারীদিগকে  
ভালবাসেন এবং যাহারা পরিচ্ছন্ন তাহাদিগকে—

(২০৮ পৃষ্ঠা দ্রষ্টব্য)

## জাতীয়তার স্বরূপ ও আদর্শ

“মুছলমান একটি স্বতন্ত্র জাতি,” এই মতবাদকে ভিত্তি করিয়াই পাকিস্তানের সংগ্রাম আরম্ভ হইয়াছিল। এই মতবাদে যে প্রচণ্ড শক্তি ও বাস্তবতা নিহিত ছিল, তাহার কল্যাণেই পাক-ভারত উপমহাদেশের মুছলমানগণ যুগপৎ ভাবে তাঁহাদের প্রতিদ্বন্দ্বী ব্রিটিশ ও হিন্দুদিগকে পরাজিত করিয়া পাকিস্তানের সংগ্রাম জিতিয়া লইয়াছিলেন। বর্তমানের সুযোগ গ্রহণ করিয়া এক দল লোক, যাহাদের অতীতে পাকিস্তান আদর্শের সহিত কোন সহানুভূতি ছিল না বরং পরোক্ষ ও প্রত্যক্ষ ভাবে যাহারা পাকিস্তান সংগ্রামের বিরোধ করিয়াছিলেন, তাঁহাদের দলভুক্ত কতিপয় হিন্দু ও মুছলমান কিছুকাল হইতে বলিতে আরম্ভ করিয়াছেন যে, মুছলিম জাতির স্বাভাবিক বাণী পাক সংগ্রামের ধ্বনিরূপে গৃহীত হইলেও পাকিস্তান অর্জিত হইবার পর উল্লিখিত ধ্বনির আর আবশ্যকতা নাই। যাহারা এরূপ কথা বলিয়া বেড়াইতেছেন তাঁহাদের অগ্র যেকোন উদ্দেশ্যই থাকুকনা কেন, পাকিস্তানের সংগ্রাম যে কোন মহান আদর্শের জন্ত শুরু করা হয় নাই পক্ষান্তরে ইহার সেনানীরূপ লক্ষ্যহীন আদর্শের উপর হিতাহিত বিবেচনা না করিয়া শুধু খামখেয়ালীর বশবর্তী হইয়া এই রক্তক্ষয়ী ও ধনক্ষয়ী প্রচণ্ড লড়াই পরিচালিত করিয়াছিলেন এবং তাঁহারা এই উপমহাদেশের সমুদয় মুছলমানকে নির্বোধ বানাইয়াছিলেন, মুছলিম জাতির স্বাভাবিক বিরোধী হিন্দু ও মুছলিম রাজনৈতিক নেতার দল জনসাধারণকে ইহাই বুঝাইবার চেষ্টা করিতেছেন। পাকিস্তানের জনক এবং পাক সেনানীরূপ ও পাকিস্তানের মুছলমানগণের বিরুদ্ধে আরোপিত উল্লিখিত অভিযোগটি যতই অসত্য ও অবমাননাকর হউক না কেন, আমরা বক্ষমান নিবন্ধে তাহার আলোচনায় প্রবৃত্ত হইব না। মুছলমানগণ সত্যই একটি স্বতন্ত্র ও বিশিষ্ট জাতি কিনা এবং জাতীয়তার স্বরূপ ও প্রকৃত তাৎপর্য কি, আমরা এস্থলে শুধু তাহাই বিচার করিয়া দেখিব।

ইউরোপের সাম্রাজ্যবাদী আদর্শের পক্ষে ইছলামের ধর্মীয় জাতীয়তার আদর্শ শতাব্দীর পর শতাব্দী ধরিয়া এক

দ্বলংঘ পর্বত পরিমাণ বাধারূপে বিদ্যমান ছিল। ইউরোপের কূটনীতি বিশারদগণের সংগে সংগে তাঁহাদের সাহিত্যিক এবং কবির দলও বহুকাল হইতে মুছলিম রাজ্যসমূহে ইউরোপীয় জাতীয়তা অর্থাৎ স্বাদেশিকতার—[Nationalism] আদর্শ প্রচার করার জন্ত তাঁহাদের শক্তি নিয়োজিত করিয়া রাখিয়াছিলেন। প্রথম মহাযুদ্ধেই তাঁহাদের এই ষড়যন্ত্র বহুল পরিমাণে সার্থকতা লাভ করিয়াছিল। ইহারই ফলে খিলাফত-ইছলামীয়ার বিলুপ্তি ঘটাইয়া তুরস্ক এবং মধ্য এশিয়ায় স্বাদেশিকতার ভিত্তিতে ইউরোপীয় সাম্রাজ্যবাদী দলের আশ্রয়ে মুছলিম রাষ্ট্র গড়িয়া উঠিয়াছিল।

ভৌগলিক বিভাগের দিক দিয়া মানুষের পক্ষে হিন্দী, আরব, জরানী, তুরানী ও জাপানী রূপে পরিচিত হওয়া দোষাবহ নয়। কারণ মানুষ বস্তুন্ধার যেকোন ক্ষুদ্র বা বৃহৎ অংশে জন্ম গ্রহণ অথবা বসবাস করিবে, সেই অংশের সহিত তাহার নাড়ীর যোগাযোগের কথা বিস্মৃত হওয়া তাহার পক্ষে অসম্ভব, কিন্তু ইছলাম মানবত্বের অখণ্ডতার যে যুগান্তকারী আদর্শ পৃথিবীতে প্রচার করিয়াছে, মানুষের নাড়ীর পরিচয় যখন তাহার পথে অন্তরায় হইয়া দাঁড়ায় তখন ‘লাত ও মানাত’ এবং ‘শিব ও চর্চার’ মতই এই ভৌগলিক জাতীয়তা ইছলামের দৃষ্টিতে প্রতিমা পূজার—আকার পরিগ্রহ করিয়া থাকে।

ইছলাম মানব জাতির শুধু নীতি নৈতিকতার আদর্শকে সংশোধিত ও সুগঠিত করিতে আসে নাই। মানুষের সামাজিক জীবনেও ইছলাম একটি বিপুল ও মৌলিক বিপ্লব ক্রামশিক ভাবে বিস্তৃত করিতে আসিয়াছিল। মানুষ্য সমাজের পুরাতন মান্ধাতা যুগীয় জাতীয় ও গোত্রীয় দৃষ্টিভঙ্গীর আমূল পরিবর্তন সাধন করিয়া ইছলাম মানুষের মধ্যে তাহার বিবেক এবং জ্ঞানের চেতনা উন্মোচিত—করিতে চাহিয়াছিল। প্রাচীন কালে মিছরীয়, গ্রীক ও ভারতীয়দের মধ্যে ধর্ম তাহাদের জাতীয় সম্পদ রূপে গৃহীত হইত। পরবর্তী কালে ইয়াহুদীগণ ইহাকে গোত্রীয় সম্পদে

পরিণত করেন। খৃস্টানদের প্রবর্তিত শিক্ষা অনুসারে ধর্ম [Religion] ব্যক্তিগত [Private] বস্তুতে পর্যবসিত হয়। এই আদর্শের অনুসরণ করিয়া উত্তর কালে ইউরোপে— সামাজিক জীবনের সমুদয় দায়িত্ব রাষ্ট্রের [State] স্বন্ধেই অর্পণ করা হয়। পৃথিবীর সৃষ্টির পর মানব জাতির অধিনায়ক হযরত মোহাম্মদ মুছতফা (দঃ) সর্বপ্রথম ঘোষণা করেন যে, ধর্ম যেকোন জাতীয় বা গোত্রীয় সম্পদ নয়, সেইরূপ উহা প্রাইভেট বস্তুও নয়। তিনি ঘোষণা করেন যে, ধর্ম অবিস্মিত সামগ্রিক মানবত্বের নাম। একাধারে প্রাকৃতিক এবং রুচিগত বৈষম্যগুলি মানিয়া লইয়া নিখিল মানব সমাজকে একীভূত ও সংগঠিত করাই ইছলামের চরম উদ্দেশ্য। ভৌগোলিক জাতীয়তা (Geographical Nationality) এবং গোত্রজ জাতীয়তার (Racial Nationality) বুনியাদে ইছলামী আদর্শের কার্যক্রম রচনা করা যেরূপ সম্ভবপর নয়, উহাকে ব্যক্তিগত সামগ্রী রূপে অভিহিত করাও তেমনি নিরর্থক ও অসম্ভব। স্মরণ্য ইছলামে জাতীয়তার সৌধকে শুধু মতবাদের (Ideology) ভিত্তিতেই গড়িয়া তোলা হইয়াছে।

বিশ্বমানবের চিন্তাধারা এবং তাহাদের অমূলভূতির মধ্যে ঐক্য ও সামঞ্জস্য ঘটাইবার পক্ষে জাতীয়তার ভিত্তি একমাত্র 'আদর্শবাদ'ের (Ideology) উপর প্রতিষ্ঠা করা ছাড়া গত্যন্তর নাই, জাতীয় জীবনের প্রতিষ্ঠা এবং দৃঢ়তার পক্ষে ইহাই একমাত্র অব্যর্থ ব্যবস্থা। ভাবার মিল অপেক্ষা মনের মিলই

যে উত্তম এবং দৃঢ়তর ইহা সর্ববাদী সম্মত। আদর্শবাদের পরিবর্তে অল্প যেকোন পথ অবলম্বন করা হউক না কেন, তাহা নাস্তিকতার পথ হইবে এবং তাহা অথগু মানবত্বের গৌরবের অন্তরায় হইবে।

ইউরোপে ধর্মীয় ঐক্য ছিন্ন ভিন্ন হওয়ার পর যখন তাহারা বিভিন্ন ভৌগোলিক জাতীয়তায় বিভক্ত হইয়া পড়িল তখন তাহাদের মধ্যে এই চিন্তার উদ্ভব ঘটিল যে, অতঃপর জাতীয় জীবনের বুনিয়াদ স্বরূপ কোন্ বস্তু অবলম্বিত হইবে? তাহারা ইহার বুনিয়াদ আদেশিকতার পরিকল্পনায় খুঁজিয়া পাইয়াছিল। এই নির্বাচনের কি পরিণতি ঘটিল? মার্টিন লুথারের সংস্কার, অর্বাচীন যৌক্তিকতার অভ্যাস এবং ধর্মীয় নীতিনৈতিকতার সহিত রাষ্ট্রীয় আদর্শের সংঘর্ষ ও সংগ্রাম। এই অনিষ্টকরী শক্তিগুলি ইউরোপকে কোন্ পথে ধাক্কা মারিয়া লইয়া গিয়াছে? নাস্তিকতা, জড়বাদ এবং অর্থনৈতিক সংগ্রাম ব্যতীত ইউরোপের পক্ষে অল্প কিছু লাভ করা সম্ভবপর হইয়াছে কি? যাহারা ধর্মের পরিবর্তে আদেশিকতাকে জাতীয়তার বুনিয়াদরূপে গ্রহণ করিতে চান, তাহারা পাকিস্তান তথা এশিয়ায় ইউরোপের এই ভয়াবহ পরিণতির পুনরাবৃত্তি ঘটাইতে ইচ্ছা করেন কি?

একদল লোক বলিয়া থাকেন, বর্তমান যুগের মানবসমাজ জাতীয়তার জন্ম আদেশিকতার বুনিয়াদ অপরিহার্য বলিয়া স্বীকার করিয়া লইয়াছেন। কিন্তু

### (২০৬ পৃষ্ঠার পর)

ভালবাসেন। মোটের উপর যেসকল কাঞ্চ ওয়াজিব অথবা মুছতহব সেগুলির প্রত্যেকটির সমাধাকারীকে তিনি ভালবাসিয়া থাকেন! বিশুদ্ধ হাদীছে-কুছীতে কথিত হইয়াছে যে, আল্লাহ বলিয়াছেন, বান্দা নফলী ইবাদতের সাহায্যে لا يزال عبيد يَتَقَرَّب الى بالنوافل، حتى احبه، فاذا احبته كنت سمعة الذي يسمع به وبصره الذي يبصره.... আমি যখন তাহাকে প্রেম

দান করি তখন আমি তাহার কর্ণে পরিণত হই, সেই কর্ণ দ্বারা সে শ্রবণ করিয়া থাকে। আমি তাহার চক্ষুতে পরিণত হই, সেই চক্ষু দ্বারা সে দর্শন করে।

উল্লিখিত হাদীছের তাৎপর্য এই যে, যাহারা আল্লাহর প্রিয়, তাহারা আল্লাহর কোন অপ্রিয় বাক্য শ্রবণ এবং আল্লাহর অপ্রিয় কোন বস্তু দর্শন করেন না। তাহাদের ইচ্ছিকগুলি স্বেচ্ছাপ্রণোদিত ভাবে পরিচালিত হওয়ার পরিবর্তে আল্লাহর পবিত্র অভিপ্রায় এবং নির্দেশ অনুসারেই পরিচালিত হইয়া— থাকে। (ক্রমশঃ)

ইহা স্পষ্ট যে, এরূপ ধরণের জাতীয়তার জন্ম শুধু স্বাধেশিকতার ভাবধারাই যথেষ্ট নয়। জাতীয় জীবনের ঐক্য এবং সামঞ্জস্য রক্ষা করিবার জন্ম ইহার সংগে সংগে আরো কতকগুলি প্রেরণার বিদ্যমানতা অপরিহার্য হইবে, যথা—ধর্মীয় জীবনের প্রতি অবহেলা ও অবজ্ঞার ভাব এবং দৈনন্দিন জীবনে রাজনৈতিক কলাকৌশলের প্রাচুর্য। কূটনীতি বিশারদগণ রাজনৈতিক জীবনের সমন্বয় সাধন কল্পে দৈহিক ও মানসিক বিলাসিতার যে সকল লুপ্ত প্রবর্তন করিতে থাকিবেন, চক্ষু-কর্ণ বন্ধ করিয়া অবলীলাক্রমে সেগুলির রূপায়ণ সামাজিক জীবনের সংহতির পক্ষে অনিবার্য হইয়া উঠিবে। জাতীয় জীবনের আভ্যন্তরীণ ভাগে ধর্মীয় প্রভাব যতই গভীর ভাবে রেখাপাত করিয়া থাকুকনা কেন, ধর্মীয় সমাজ ব্যবস্থার অবসান ঘটিয়া শুধু নাস্তিকতার কেন্দ্রেই সমগ্র জাতি পরিণামে সংহত হইতে বাধ্য হইবে। একজন সাধারণ মানুষ যিনি ধর্মীয় প্রভাবের গুরুত্বকে মানুষের জীবনে অস্বীকার করিতে পারেননা, তাহার পক্ষে এই ‘লাদ্বীনী আদর্শকে’ এক মূর্ত্তের জন্মও বরদাশ্ত করা সম্ভবপর নয়। যেসকল মুছলমান এখনও এই ধোঁকায় পড়িয়া আছেন যে, রাজনৈতিক আদর্শবাদের দিক দিয়া তাহাদের ধর্ম এবং স্বাধেশিকতা একত্রিত ভাবে অবস্থান করিতে পারে, তাহারা নির্বোধদের স্বর্গরাজ্যে বাস করিয়া থাকেন। এই পথের শেষ মন্ডল ‘লাদ্বীনী’ বাতীত আর কিছুই হইতে পারেনা। উর্ধ্বপক্ষে এরূপ অবস্থায় ইছলামকে নীতি-নৈতিকতার (Morality) উপদেশমালারূপে মাছ করা যাইতে পারিলেও উহার সামাজিক ব্যবস্থার কোন মূল্যই অবশিষ্ট রহিবেনা।

দীর্ঘকাল হইতে ইউরোপ এবং তাহার পোষ্য-পুত্রগণ এই উপমহাদেশের মুছলমানদিগকে বুঝাইয়া আসিতেছেন যে, ধর্ম এবং রাজনীতি দুইটি স্বতন্ত্র বস্তু। তোমরা ধর্মকে শুধু প্রাইভেট অর্থাৎ ব্যক্তিগত বস্তুরূপে গ্রহণ কর এবং ব্যক্তিগত জীবনেই উহাকে সীমাবদ্ধ রাখ। রাজনীতির দিক দিয়া তোমরা কদাচ মুছলিমদিগকে স্বতন্ত্র জাতিরূপে কল্পনা করিওনা। হিন্দু-ভারতের এই দৃষ্ট প্রচারণার ভয়াবহ পরিণতি হইতে আত্মরক্ষা করার উদ্দেশ্যেই পাকিস্তান অর্জিত

হইয়াছে। হিন্দু-ভারতে ‘ইছলামী-জাতীয়তা’র পরিকল্পনা সাফল্য মণ্ডিত হইবেনা আশংকা করিয়াই পাকিস্তানের দাবী উত্থিত হইয়াছিল এবং ইছলামী জাতীয়তার রূপায়ণ কল্পেই পৃথিবীর মানচিত্রে পাকিস্তানের অভ্যুদয় ঘটিয়াছে। কিন্তু অশেষ হুঃখ ও অপরিণীম লজ্জার কথা এই যে, পাকিস্তান গঠিত হওয়ার পর ইছলামী-সমাজতন্ত্রবাদ সম্বন্ধে সম্পূর্ণ অনভিজ্ঞ কতিপয় ব্যক্তি জনগণের প্রাণের স্পন্দনের কণ্ঠরোধ করার উদ্দেশ্যে পুনরায় যুক্ত-জাতীয়তার ধূয়া ধরার জন্ম ইছলাম বিরোধীদের সারিতে শিবির সন্নিবেশিত করিয়াছে।

শিক্ষিত মুছলিম জনগণের জন্ম তিনটি প্রশ্ন বিশেষ ভাবে অনুধাবন যোগ্য। প্রথম, মুছলমানগণ সমষ্টিগত ভাবে অথবা, পরস্পর সংযুক্ত এবং সর্বজনবিদিত এরূপ একটি জামাআত (সংঘ) কিনা যাহার বুনিয়াদ তওহীদ এবং নবুত্তের পরিসমাপ্তির আকীদার উপর প্রতিষ্ঠিত? না উহা এরূপ একটি জামাআতের নাম যাহা গোত্র, বর্ণ ও ভাষার বৈশিষ্ট্য অনুসারে তাহাদের দলীয় সংহতি [Solidarity] পরিহার করিয়া অথবা যে কোন আইন ও জীবন-ব্যবস্থার অধীনে পৃথক সমাজও গঠন করিবার অধিকারী? দ্বিতীয়, যে ভিত্তির উপর মুছলমানগণের জাতীয়তা গঠিত হইয়াছে তদনুসারে এরূপ সমাজ বা দল কোরআনের কোন স্থানে কওম বা নেশন (Nation) রূপে অভিহিত হইয়াছে কি? না এরূপ দল বা জামাআত কোরআনী পরিভাষায় শুধু উদ্ভূত অথবা মিলিত রূপেই অভিহিত হইয়াছে? তৃতীয়, কোরআনে অথবা রহুল্লাহর (দ:) সন্ধানেনে কুত্বাপিও এরূপ কথা বলা হইয়াছে কি যে, হে মুমিনগণ, তোমরা মুছলিম জাতির বা কওমের অন্তর্ভুক্ত হও? অথবা উক্ত জাতীয়তার অমুসরণ কর, না কোরআনে শুধু এই কথাই বলা হইয়াছে যে, তোমরা মিলিতের অমুসরণ কর? উদ্ভূতের অন্তর্ভুক্তিকেই মুছলিম জাতির গৌরবরূপে কোরআনে উল্লেখ—করা হইয়াছে কিনা?

কোরআনের প্রতি দৃষ্টিনিবদ্ধ করিলে সহজেই প্রতীয়মান হয় যে, যে সকল স্থানে মুছলমানদিগকে কোন দলে যোগদান করিতে বলা হইয়াছে, সেই সকল



স্থলে নির্দিষ্ট কোন জাতির অন্তর্ভুক্ত হইবার আহ্বানের পরিবর্তে মিলিত অথবা উন্নত যোগদান করার জন্তই আদেশ দেওয়া হইয়াছে। ছুরত আননিছার বলা হইয়াছে, তাহার **وَمِنْ أَحْسَنِ دِينِنَا مِمَّنْ** **أَسْلَمَ وَجْهَهُ لِلَّهِ وَهُوَ مُحْسِنٌ** **وَاتَّبَعَ مِلَّةَ إِبْرَاهِيمَ حَنِيفًا** - পদ্ধতির অনুসারী - কে, যে ব্যক্তি আল্লাহর কাছে আত্ম সমর্পণ করিয়াছে এবং সন্যাসচারশীল হইয়াছে এবং এক পথের পথিক ইবরাহীমের মিলনের অনুসারী হইয়াছে? ১২৫ আয়াত।

হযরত ইউছুফ তাঁহার প্রসিদ্ধ কারাগারের বক্তৃতায় ঘোষণা করিয়াছিলেন, যে জাতি আল্লাহর প্রতি বিশ্বাস স্থাপন **أَنى تَرَكْتُ مِلَّةَ قَوْمٍ لَا يَرْؤُونِ بِاللَّهِ وَهُمْ بِالْآخِرَةِ هُمْ كَاثِرُونَ** - করে নাই এবং যাহারা পারলৌকিক জীবনকে

অস্বীকার করিয়াছে আমি তাহাদের মিলিত পরিহার করিয়াছি এবং আমি আমার পূর্বপুরুষ ইবরাহীমের মিলনের অনুসারী হইয়াছি—৩৭ ও ৩৮ আয়াত।

ছুরত আলে-ইমরাণে মুছলমানদিগকে আদেশ দেওয়া হইয়াছে, যে মুছলিম সমাজ, তোমরাই—**كُنْتُمْ خَيْرَ مِلَّةٍ أَخْرَجَتْ لِلنَّاسِ** - শ্রেষ্ঠতম উন্নত, তোমাদিগকে বিশ্বজগতের মানব সমাজের জন্ত উত্থিত করা হইয়াছে—১১০ আয়াত।

ছুরত আলবাকারায় কথিত হইয়াছে যে, **وَكَذَلِكَ جَعَلْنَاكُمْ أُمَّةً وَسَطًا** **لِنُزَكِّيَكُمْ وَلِتُحَدِّثَ عَلَيْكُمُ النَّاسُ** - এইরূপে আমি তোমাদিগকে হে মুছলিম সমাজ, শ্রেষ্ঠতম উন্নত পরিণত করিয়াছি যাহাতে তোমরা পৃথিবীর মানব সমাজের সাক্ষাদাতা হও—১৪৩ আয়াত।

ভৌগলিক বা গোত্রীয় জাতীয়তার-পরিবর্তে মিলিত এবং উন্নতের অনুসরণ করার আদেশের তাৎপর্য এই যে, নির্দিষ্ট জীবনদর্শন, শরীঅত ও সংবিধানকেই বিস্তৃত বলা হইয়া থাকে। ভৌগলিকতার পটভূমিকায় কোন জীবন দর্শন ও সংবিধানের স্থান নাই সুতরাং তাহার দিকে আস্থান এবং উহার অনুসরণের কোন সার্থকতাই থাকিতে পারেনা। যেকোন দল, ভাষা গোত্রীয়ই হউক অথবা চোর ডাকাতেয়দল হউক অথবা ব্যবসায়ীদের হউক অথবা নির্দিষ্ট কোন জনপদের অধিবাসীদের হউক কিংবা ভৌগলিক দিক

দিয়া একটি দেশ বা জন্মভূমির হউক উহা মানুষের ভিড় এবং জনতা ছাড়া আর কিছুই নয়। আল্লাহর ওয়াহী এবং নবীগণের দৃষ্টিভঙ্গীতে এরূপ ভিড় ও জনতার কোনই মূল্য নাই। শেষোক্ত আয়াতের সাহায্যে ইহা প্রমাণিত হইতেছে যে, মুছলিমগণের উন্নত বা জাতীয়তা স্বয়ং আল্লাহর সৃষ্টি। ইহার বিনিমানে অত্র কোন বস্তুতাত্ত্বিক উপকরণ—রক্তমাংস, মুস্তিকা ও ভাষার অস্তিত্ব নাই। অথচ ভৌগলিক ও গোত্রজ জাতীয়তা যে রূপ হযরত নূহ ও হযরত মুছা প্রভৃতি পয়গম্বরের সহিত সম্পর্কিত বলিয়া কোরআনে উল্লিখিত আছে তেমনি আদ ও ফিরআউন প্রভৃতি অনাচারী সম্রাটগণের সহিত সম্পর্কিত এই জাতীয়তার উল্লেখ কোরআনে বিজ্ঞমান রহিয়াছে। বিভিন্ন স্থাপনালিটি, রক্ত ও মুস্তিকার সহিত সংশ্লিষ্ট জাতীয়তাকে পরিহার করিয়া যাহারা ইবরাহীমের মিলনের অন্তর্ভুক্ত হইয়াছেন, তাহাদিগকে ইউরোপীয় পরিভাষার নেশন বা কণম (জাতি) নামে কোরআন ও ছুন্নাহর মধ্যে কুজাপিও উল্লেখ করা হয় নাই।

ফলকথা—মুছলিম সমাজের সংহিতাকে উন্নত ব্যতীত অন্তকোন নামে কোরআন ও ছুন্নাহর কোন স্থানে অভিহিত করা হয় নাই। ইউরোপীয় পরিভাষার নেশন একদল মানুষের সমষ্টির নাম মাত্র। এই সমষ্টি বিভিন্ন গোষ্ঠি, গোত্র, বর্ণ, ভাষা এবং নীতি নৈতিকতার সহস্র শ্রেণীতে আত্মপ্রকাশ করিতে পারে কিন্তু মিলিত উপরিউক্ত বিভিন্ন দল-গুলিকে কাটিয়া ছাঁটিয়া বাছিয়া লইয়া একটি নব পর্যায়ের সম্মিলিত সংহতিতে পরিণত করিবে। মোট কথা, মিলিত অথবা উন্নত সমুদয় জাতীয়তার (Nationality) আকর্ষণকারী হইবে বটে কিন্তু কোন অবস্থাতেই স্বয়ং কোন জাতীয়তায় বিলীন হইবেনা। উন্নত মুছলিমার বিরুদ্ধ শিবিরে শুধু একটি মিলনই বিজ্ঞমান রহিয়াছে, যাহার সন্মুখে কথিত হইয়াছে যে, সকল শ্রেণীর **الْفِرَّةُ مِلَّةٌ وَاحِدَةٌ** - সমুদয় কুফর একই মিলনের অন্তর্ভুক্ত। পাকিস্তানের আধুনিকতাবাদী ইছলামী আদর্শে অনভিজ্ঞের দল ইউরোপের অন্ধ অনুসরণের মোহে বর্তমানে ইছলাম ও কুফরের মধ্যে আপোষ ঘটাইয়া একটি অদ্ভুত অগা-খিচুড়ী প্রস্তুত করার দ্রাশায় উন্নত হইয়া উঠিয়াছেন।

# “নিজামুল-মুন্সুফ”

সগিন্ধ (এম-এ,)

(পূর্বপ্রকাশিতের পর)

কিন্তু যোগ্যতার জালা অনেক। মোরাদাবাদে গিয়া ভাল ভাবে নিজেকে প্রতিষ্ঠিত করিতে না করিতেই তাঁহাকে আবার দরবারে আহ্বান করা হইল (১৭১৮ খৃষ্টাব্দে)। এখানে আসিয়াই তিনি সত্ৰাটের নিকট হইতে এই গোপন প্রস্তাব পাইলেন যে, উজিরের পদে অধিষ্ঠিত সৈয়দ আবদুল্লাহু খাঁকে উৎখাত করার ভার তাঁহাকে গ্রহণ করিতে হইবে। অথচ এই কষ্টসাধ্য, এমন কি অসম্ভব ব্যাপার নিষ্পন্ন করার জন্য সত্ৰাট যে সব শর্তের আরোপ করিলেন, তাহাতে তিনি স্পষ্টই বুঝিতে পারিলেন যে, সত্ৰাটের প্রস্তাব কার্যে পরিণত করা একেবারেই অসম্ভব। তাই তিনি বিচক্ষণ ব্যক্তির ত্রায় নির্বোধ ও অপরি-  
নামদর্শী সত্ৰাটের প্রস্তাব সরাসরি প্রত্যাখ্যান করিয়া তাঁহার ক্রোধভাজন হওয়ার পরিবর্তে তাঁহার নিকট মিষ্টমধুর বাক্যালাপে কালক্ষেপ করিতে লাগিলেন। এইরূপে কয়েক মাস কাটিয়া গেল। নির্বোধ সত্ৰাট ইহার প্রকৃত মর্ম্ম অনুধাবন করিতে না পারিয়া অধৈর্য্য হইয়া পড়িয়া নিজামুলমুন্সুফকে চাকলা মোরাদাবাদের ফৌজদারের পদ হইতে বরখাস্ত করিলেন। তাঁহার ত্রায় সম্মানীয় ব্যক্তির পক্ষে ইহা যে কতদূর অবমাননা-  
কর তাহা শুধু ভুক্তভোগীরই বোধগম্য। কিন্তু তিনি তাঁহার স্বভাবসিদ্ধ ধৈর্য্যের সহিত ইহাও স্বীকার করিয়া লইলেন।

কালচক্র দ্রুতগতিতে আগাইয়া চলিল। সৈয়দ ভ্রাতৃত্বকে পদচ্যুত বা খতম করার জন্য সত্ৰাট ফর-  
রোখশীয়ারের সব প্রচেষ্টাই একের পর এক ব্যর্থ হইল। ইচ্ছা হউক আর অনিচ্ছা হউক অনেক বিরুদ্ধবাদী আমীর ওমারা উজির সৈয়দ আবদুল্লাহর সহিত সখ্যতা স্থাপন করিলেন। সৈয়দ আবদুল্লাহও এই প্রকার সখ্যতা পরিবর্তনের জন্য আগাইয়া আসিলেন। নিজামুল-মুন্সুফকে সৈয়দ ভ্রাতৃত্ব কখনই অকপট ক্রীতির চক্ষে দেখেন নাই। কিন্তু এক্ষণে এত বড় একজন

শক্তিশালী নেতাকে অগ্রাহ্য করা বা তাঁহাকে অপাণ্ড-  
স্তেয় করিয়া রাখা তিনি যুক্তিযুক্ত মনে করিলেন না। তাই সৈয়দ আবদুল্লাহু খাঁ তাহার দুই ভাগিনের সৈয়দ গায়রত খাঁ ও সৈয়দ শুজাউদ্দৌলাহু খাঁকে সঙ্গে লইয়া নিজামুলমুন্সুফের আবাসে গিয়া তাঁহার সহিত সাক্ষাৎ করিলেন। এর প্রতিদানে নিজামুল-  
মুন্সুফও উজিরের সম্মানার্থে বিরাট ভোজের ব্যবস্থা করিলেন। এই উপলক্ষে উভয়পক্ষের মধ্যে মূল্যবান উপঢৌকনের আদান প্রদান হইল। উজিরের আগ্রহাতিশয্যে নিজামুল-মুন্সুফ বিহারের স্ববাদার পদে নযুক্ত হইলেন। (১৪১৯ খৃষ্টাব্দ)।

কিন্তু রাজনৈতিক দিকচক্রবালে যে বড়ের আভাষ পাওয়া যাইতেছিল, তাহা অচিরে পূর্ববেগে প্রবাহিত হইয়া শাসন সংগঠনে বিরাট ওলটপালটের সৃষ্টি করিল। উহার প্রকোপে ফররোখশীয়ার সিংহাসন হারাইলেন, দিল্লীর রাজপ্রাসাদের পরিবর্তে তাঁহার আবাস হইল জিন্দানখানায়। সৈয়দ ভ্রাতাদের হাতের ক্রীড়নক স্বরূপ দিল্লীর শাহী তখত প্রতীতি হইলেন রকিউদ্দরজাত। নিজামুল-মুন্সুফের পাটনা গিয়া বিহারের স্ববাদারী করা আর ঘটয়া উঠিল না।

সৈয়দ ভ্রাতৃত্বের ক্ষমতা তখন নিরঙ্কুশ, প্রতি-  
পত্তি অপ্রতিহত। এতদসত্ত্বেও দিল্লীতে নিজামুল-  
মুন্সুফের উপস্থিতি তাঁহাদের স্বেচ্ছাচারিতার পথে কণ্টকের মত বিরাজ করিতে লাগিল। তাঁহাদের পথকে একেবারে নিষ্কণ্টক করার জন্য কনিষ্ঠ সৈয়দ একেবারে চরমপন্থা অবলম্বন করিতে চাহিলেন। নিজামুল-মুন্সুফের জীবনের পরিসমাপ্তি ঘটানর জন্যই তিনি বেদ ধরিলেন। কিন্তু জ্যেষ্ঠ ভ্রাতা অতটা চরমপন্থী ছিলেন না। তাঁহার ধারণা যে, নিজামুল-  
মুন্সুফকে দিল্লী হইতে দূরে সরাইতে পারিলে, তিনি স্বীয় বন্ধুবান্ধব ও অন্তর্গত অভ্যাজন হইতে বিচ্ছিন্ন হইয়া স্বতঃই ক্ষমতাহীন হইয়া পড়িবেন। পরিণামে

জ্যেষ্ঠ ভ্রাতারই অভিমত বলবৎ হইল। নিজামুল-মুন্সকে মালওয়ার বা মালবের সুবাদার পদে নিযুক্ত করিয়া দিল্লী হইতে নির্বাসিত করারই ব্যবস্থা করা হইল। তাঁহার কার্যস্থল হইতে তাঁহাকে আর খেয়াল খুশিমত ফিরাইয়া আনা হইবে না এই প্রতিশ্রুতি আদায় করিয়া তিনি তাঁহার সমগ্র পরিবার পরিজন ও অর্থ সামগ্রি লইয়া রাজধানী ছাড়িয়া কার্যস্থলের দিকে যাত্রা করিলেন। (১৫ই মার্চ, ১৭১৯ খৃঃ)।

সৈয়দ ভ্রাতাদের কার্যকলাপের ফলে রাজনীতিতে যে বিপর্যয় ঘটয়া গেল, তাহা এই খানেই শেষ হইল না বরং উহা নূতন খাতে প্রবাহিত হইয়া পরিণামে সৈয়দ ভ্রাতাদ্বয়কেই ভাসাইয়া লইয়া গেল। উহার সূচনা হইল নিজামুলমুন্সের মধ্যস্থতা। উজ্জয়নী হইতে “ওয়ারেনহাস্টন” দিল্লীর দরবারে সংবাদ পাঠাইলেন যে, মালওয়ার সুবাদার নিজামুলমুন্স প্রয়োজনের অতিরিক্ত সৈন্য ও যুদ্ধ সামগ্রী সংগ্রহ করিতেছেন। ফলে শাহী ফরমান জারী করিয়া নিজামুলমুন্সের দিল্লীতে তলব হইল। ফরমানে আরও জানান হইল যে, শাসন সৌকর্য্যার্থে মালওয়ার শাসনভার দাক্ষিণাত্যের সুবাদারের সহিত একত্রীভূত করিয়া সৈয়দ হোসেন আলির উপর অপিত হইল। আগ্রা, ইলাহাবাদ, মুলতান বা বুরহানপুর এর মধ্যে যে কোন একটি স্থান বাছিয়া লইবার জন্ত নিজামুল মুন্সকে অনুমতি দেওয়া হইল। নিজামুল-মুন্স ইহার মধ্যে যড়যন্ত্রের আভাস পাইয়া দিল্লী না আসিয়া দাক্ষিণাত্যে পলায়ন করিলেন।

তারপর ঘটনাক্রমে খুব দ্রুত গতিতে আগাইয়া চলিল। সৈয়দপক্ষীয় দেলোয়ার আলী খান “পাক্কার” নামক স্থানে নিজামুল-মুন্সের সহিত যুদ্ধে শোচনীয় ভাবে পরাস্ত ও নিহত হইলেন। (১৯শে জুন, ১৭২০ খৃষ্টাব্দ), তারপর ঐ বৎসরেরই ১৯শে আগষ্ট তারিখে বালাপুরের যুদ্ধে দাক্ষিণাত্যে সৈয়দ হোসেন আলী খান ডেপুটী তর্জুমান ভাগিনের আলীম আলী খান ও পরাজিত ও নিহত হইলেন। এই সংবাদ আগ্রায়

শাহী দরবারে পৌঁছার পর, তৎকালীন বাদশাহ মোহাম্মদ শাহের সম্ভাব্যহারে হোসেন আলী খাঁ প্রায় ১-লক্ষ সৈন্য সহ নিজামুল-মুন্সকে দমন করার জন্ত দাক্ষিণাত্যে অভিযানে যাত্রা করিলেন। পশ্চিমধ্যে সৈয়দ হোসেন আলীকে ধ্বংস করিয়া ফেলার জন্ত তুরানীদের অন্ততম দলপতি মোহাম্মদ আমীন খাঁ চিনের নেতৃত্বে জনকয়েক প্রভাবশালী আমীর ওমারার মধ্যে একটি গুপ্ত ষড়যন্ত্র পাকিয়া উঠে এবং তাহার ফলে ৮ই অক্টোবর (১৭২০ খৃষ্টাব্দ) “টোডা ভীম” নামক স্থানে হায়দর বেগ কর্তৃক ছুরিকাঘাতে হোসেন আলী খান শিবির মধ্যে নিহত হইলেন। এই ভাবে সৈয়দদের বিপক্ষ দল জয়যুক্ত হওয়ার মোহাম্মদ শাহ আর দাক্ষিণাত্যে গমন না করিয়া পুনরায় দিল্লীতে প্রত্যাবর্তন করিলেন।

এদিকে হোসেন আলী খাঁর নিহত হওয়ার সংবাদ জ্যেষ্ঠ ভ্রাতা আবদুল্লাহ খাঁর নিকট পৌঁছিলে তিনি শাহজাদা মোহাম্মদ ইবরাহিমকে দিল্লীর সিংহাসনে স্থাপন করিয়া তাঁহার বিপক্ষদলের সহিত শক্তি পরীক্ষার জন্ত প্রস্তুত হইতে লাগিলেন। এর ফলে হাসানপুর নামক ১৩ই ও ১৪ই নভেম্বর ১৭২০ খৃষ্টাব্দে উভয় পক্ষে যে ভীষণ যুদ্ধ হইল তাহাতে সৈয়দপক্ষীয়েরা ভীষণভাবে পরাস্ত হইল এবং স্বয়ং আবদুল্লাহ খাঁ আত্মসমর্পণ করিতে বাধ্য হইলেন। সৈয়দদের বিরোধী পক্ষের জয়জয়কার হইল। মোহাম্মদ আমীন খাঁ চিন বাহাদুর উজিরের পদে অভিষিক্ত হইলেন। দাক্ষিণাত্যে সংঘটিত এই সব ঘটনার কথা অত্যন্ত সংক্ষেপে বর্ণিত হইল। কারণ এ সবার বিবরণ বিস্তৃতভাবে প্রবন্ধান্তরে ইতিপূর্বেই প্রকাশিত হইয়াছে। এর পরের ঘটনাগুলি একটু বিস্তৃতভাবে আলোচনা করা প্রয়োজন।

### নিজামুল-মুন্সের উজিরের পদে প্রতিষ্ঠা

ওজারতি লাভ করার পর ইতিমধ্যেলাহ মোহাম্মদ আমীন খাঁ চিন বাহাদুর বেশী দিন বাঁচিয়া ছিলেন না। ঐ পদে মাত্র ৩ বাস তিনি কাঁচা করিয়াছিলেন। তারপর হঠাৎ গুরুতরভাবে পীড়িত

হইয়া তিনি ১৭২১ খৃষ্টাব্দের ২৭শে জানুয়ারী প্রাণ-ত্যাগ করিলেন। এই প্রসঙ্গে নানা কিংবদন্তি প্রচলিত আছে। জনসাধারণের ধারণা এই যে, জনৈক ফকিরের অভিষাপই তাঁহার হঠাৎ মৃত্যুর কারণ।

তাঁহার মৃত্যুর পর তদীয় পুত্র কামার উদ্দিন খাঁ পিতার পরিত্যক্ত আসন দখল করার দাবী উপস্থিত করিলেন। অল্প পক্ষে সন্মত মোহাম্মদ শাহ তদীয় প্রিয়পাত্র খান দওয়ারকে ঐ পদ প্রদান করার গোপন ইচ্ছা পোষণ করিতেছিলেন। কিন্তু অবস্থার চাপে পড়িয়া তাহা কার্যে পরিণত করিতে পারিলেন না। নিজের বিষয়ে নিরাশ হইয়া খান দওয়ার বাদশাহকে প্ররোচিত করিতে লাগিলেন যে, নিজামুল-মুল্ককে দাক্ষিণাত্য হইতে ফিরাইয়া আনিয়া উজিরের পদে অভিষিক্ত করা হউক। তদনুযায়ী নিজামুল-মুল্ককে উজিরের পদে নিযুক্ত করিয়া শাহী ফরমান জারী করা হইল এবং অবিলম্বে দিল্লী আগমন করার জন্ত আহ্বান জানান হইল। যতদিন পর্য্যন্ত নিজামুলমুল্ক দিল্লী আসিয়া না পৌঁছেন ততদিন খান সামান এনায়েতউল্লাহ খান কাশ্মিরী উজিরের কৰ্ম সম্পাদন করার ভার পাইলেন।

দিল্লীতে যখন এই সব ব্যাপার চলিতেছিল, নিজামুলমুল্ক সে সময় দাক্ষিণাত্যের চরমতম দক্ষিণ অংশ কর্ণাটক ও মহিশূর পরিভ্রমণ করিতেছিলেন। সৈয়দ ভ্রাতাদের পতনের পর তিনি প্রথমতঃ দরবারে ফিরিয়া আসার জন্ত ইচ্ছুক হইয়াছিলেন। কিন্তু অত্যাশ্চর্য সব ব্যাপারের জ্ঞায় এ প্রসঙ্গেও হঠাৎ কোন সিদ্ধান্তে তিনি উপনীত হইলেন না। বরং নানাবিধ চিন্তা করিয়া দরবারে গমন স্থগিত রাখা যুক্তিযুক্ত মনে করিলেন। তৎকালে উজির মোহাম্মদ আমীন খাঁ চিনের হস্তে সমস্ত ক্ষমতা কেন্দ্রীভূত। যদিও তাঁহার উত্তরে একই বংশসম্ভূত এবং যদিও উভয়ের মধ্যে বন্ধুত্বই বিরাজিত, তথাপি দরবারে নিজামুল-মুল্কের স্নায় শক্তিশালী আমীরের অবস্থিতি তিনি স্প্রীতির চক্ষে দেখিতেন না। কারণ অপরকে অধিকৃত ক্ষমতার ভাগ দেওয়া মানবের স্বভাববিরুদ্ধ। এর

জন্ত পিতা সন্তানের প্রতিদ্বন্দ্বী হন ভ্রাতা ভ্রাতার শত্রু হন। সুতরাং এই সব কথা চিন্তা করিয়া তিনি স্থির করিলেন যে এইরূপ পরিস্থিতিতে দিল্লী গমন করিয়া তথায় অনর্থক একটা বিপর্য্যয়ের সূচনা করিতে যাওয়া মূর্থতা মাত্র। কর্ণাট হইতে তদীয় রাজধানী আগরদ্বাবাদে প্রত্যাবর্তনের পর তিনি মোহাম্মদ আমীন খাঁর মৃত্যু সংবাদ ও তাঁর উজিরের পদে অভিষিক্ত হওয়ার নিয়োগপত্র প্রাপ্ত হইলেন। তথাকার শাসন ব্যবস্থার ভার তদীয় আত্মীয় ইওয়াজ খানের হস্তে হস্ত করিয়া তিনি ১৭২১ খৃষ্টাব্দের অক্টোবর মাসে দিল্লী যাত্রা করিলেন। তিনি বৃন্দেলখণ্ডে পৌঁছিলে চান্দেরীর রাজা দুর্জন সিংহ, দাতিয়ার রাজা রাও রামচাঁদ বৃন্দেলা ও নারওয়ারের রাজা ছত্র সিংহ সসৈন্য তাঁহার সহিত যোগদান করিলেন। ১৭২২ খৃষ্টাব্দের ফেব্রুয়ারী মাসের প্রারম্ভে তিনি দিল্লীতে উপনীত হইলেন। ২০শে ফেব্রুয়ারী তারিখে মহা আড়ম্বর ও জাঁকজমকের সহিত অল্পস্থিত দরবারে তাঁহাকে উজিরের পদে আনুষ্ঠানিক ভাবে অধিষ্ঠিত করা হয় এবং এই উপলক্ষে তাঁহাকে মূল্যবান খেলাত, হীরা জওহারাত, মূল্যবান অঙ্গুরীয় ও গনিমুক্তাখচিত কলমদান প্রদান করা হয়। যমুনাতীরে অবস্থিত সাহস্লাখানের প্রাসাদ বলিয়া পরিচিত বিরাট অট্টালিকাটিও তাঁহার বাসের জন্ত নির্দিষ্ট হয়।

কিন্তু দুঃখের বিষয় কার্যক্ষেত্রে নিজামুল-মুল্কের পথ প্রথম হইতেই অতি দুর্গম ও বন্ধুর হইয়া উঠিল। সন্মত অতিশয় দুর্বল চরিত্রের লোক ছিলেন। প্রাসাদের খোজাদের দলপতি হাফিজ খিদমতগার খান এবং মোহাম্মদ জান নামক জনৈক বাহুবীজাবিশারদের কথা রহিমুয়েছাই মোহাম্মদ শাহকে পরিচালিত করিত। রহিমুয়েছা সন্মতের “কোকী” বা দুধভগ্নি নামে পরিচিত ছিল। ইহার নিজেদের স্বার্থ ক্ষুদ্র হইবার ভয়ে প্রথম হইতেই বাদশাহকে নিজামুল-মুল্কের সম্বন্ধে বিরূপ করিয়া ভুলিতে লাগিল। তাহা ছাড়া দরবারের অতীতম শক্তিশালী আমীর শামসউদ্দৌলাহ খান দওয়ারও অনেকটা প্রেক্ষাপট ভাবেই প্রতি কার্যে তাঁহার বিরোধিতা করিতে

লাগিলেন। এর অবশ্রম্ভাবী ফল দাঁড়াইল এই যে, শাসনকার্যে শৃঙ্খলা বিধানের জন্ত তিনি যে পন্থাই অবলম্বন করিলেন তাহাই ব্যর্থতার পর্য্যবেশিত হইল।

পূর্বেই বলা হইয়াছে যে, নিজামুল-মুন্সের শিক্ষা-দীক্ষা বাদশাহ আলমগীরের সাহচর্যে সম্পন্ন হয়। শাসন কার্যে গুচিতা বিধান এবং প্রত্যেক ব্যাপারের খুঁটিনাটির প্রতি তীক্ষ্ণদৃষ্টি প্রদান উক্ত মহান সম্রাটের চরিত্রের অতীতম বৈশিষ্ট্য ছিল। নিজামুল-মুন্স এক্ষণে শাসন কার্যের মধ্যে ঐ ‘মডেল’ প্রবর্তিত করিতে চাহিলেন। ঘৃণ ও উৎকোচ গ্রহণের অবাধ স্রোত বহিতে থাকায় রাজনীতিতে দুর্নীতির অস্ত ছিল না। আশ্চর্যের বিষয় এর প্রধান আকর ছিলেন বাদশাহ নিজা। রাষ্ট্রের উল্লেখযোগ্য কোন পদে নিয়োগ পাইতে হইলে সম্রাটকে অর্থ ভেট দিতে হইত। অবশ্র ইহার একটা গালভরা নামকরণ করিয়া উহার মধ্যে একটা সন্ত্রম ও মর্যাদার ভাব সৃষ্টি দ্বারা আত্মপ্রত্যারণার ব্যবস্থা করা হইত। কিন্তু আসলে উহা উৎকোচ ভিন্ন আর কিছুই ছিলনা। উহাকে “পেশকম” বা প্রথম ফল উৎসর্গ করণ নামে অভিহিত করা হইত। এর ফলে রাষ্ট্রের সর্বপ্রকার পদপূরণের ব্যাপারে অবাধ দুর্নীতির স্রোত বহিতেছিল। নিজামুলমুন্স সর্ব-প্রথমে এই দুইপ্রথা রহিত করার জন্ত আশ্রয় চেষ্টা করিতে লাগিলেন। আর একটা বিষয়ের সংস্কারেও তিনি হস্তক্ষেপ করিলেন। উহা হইতেছে জায়গীর প্রদান ব্যবস্থার বাড়াবাড়ি। পূর্বে যে সব ভূখণ্ড খাস অধিকার ভুক্ত ছিল, উহা অধিকাংশই তখন শাহজাদা, শাহজাদী ও আমীর ওমারাদিগকে জায়গীরস্বরূপ দান করা হইয়াছিল। ফলে ভূমিরাজস্ব আদায় দিন দিন হ্রাস পাইতেছিল। এর পরিণাম ফল এই দাঁড়াইয়াছিল যে, বাহারা রাজকোষ হইতে নগদ মুদ্রায় বেতন পাইতেন অর্থাভাবে তাঁহাদের নিয়মিত বেতন প্রাপ্তি বন্ধ হইয়া গেল। দীর্ঘদিন ধরিয়া বেতন বাকী পড়িতে থাকায় অনেক কর্মচারী অগ্র পন্থা অবলম্বন করিয়া তাঁহাদের অভাব অনাটন মিটাইবার প্রয়াস পাইলেন। আর দিনে দিনে তাঁহাদের মধ্যে তীব্র অসন্তোষ পুঞ্জীভূত হইতে

লাগিল। দুর্ভাগ্যক্রমে সেই সময় নিত্যপ্রয়োজনীয় জিনিষপত্রের মূল্যও খুব বাড়িয়া গিয়াছিল। এক টাকার ৭ সেরের বেশী খাজশস্ত পাওয়া যাইত না। একদা নিজামুলমুন্স দরবারে আসিতেছেন। রাস্তায় একজন আসিয়া বলিতে লাগিল,—“আমি মহবত খাঁর বংশধর, আমার কিছু ব্যবস্থা করুন। আর একজন বলিল,—“আমি আলী মর্দান খাঁর পৌত্র; আমার সঙ্কটাপন্ন অবস্থা হইতে আমাকে উদ্ধার করুন।” আর জনসাধারণের কথাই নাই। তাহার শিরে ধূলি নিক্ষেপ করিয়া শুধু “ফরিয়াদ” “ফরিয়াদ” বলিয়া চিৎকার করিত এবং জব্যমূল্য হ্রাসের ব্যবস্থার জন্ত দাবী জানাইত। এই বিশাল জনতার ভীড় ঠেলিয়া তাঁহার পক্ষে দরবারে গমনাগমন করাই দুঃসাধ্য হইয়া উঠিল। এই সব ব্যাপারের বিস্তৃত বিবরণ এবং কি উপায়ে উহা বিদূরিত করা সম্ভব তাহার ছুফারিশ তিনি মোহাম্মদ শাহের সমীপে দাখিল করিলেন। সম্রাট বাহ্যিকভাবে সমস্তই অমুমোদন করিলেন কিন্তু উহা কার্য্যকরী করার কোন ব্যবস্থাই অবলম্বিত হইল না। নিজামুল-মুন্সের সব প্রচেষ্টাই ব্যর্থতার পর্য্যবেশিত হইতে লাগিল।

নিজামুল-মুন্সের বয়স তখন ৫০ বৎসর। আর সম্রাট তখন মাত্র ২০ বৎসরের তরুণ যুবক। তাই সম্রাট নিজামুল-মুন্সের সমস্ত কর্মপ্রচেষ্টাকে “সেকলে” বলিয়া উড়াইয়া দিতেন। তাঁহার বেশভূষা ও আদব কায়দার রীতিনীতিকে পর্য্যন্ত বিক্রপ করা হইত। এমন কি কিস্বদন্তি প্রচলিত আছে যে, একদিন প্রকাশ্য দরবারেই মোহাম্মদ শাহ নিজামুল-মুন্সের পোষাক দেখিয়া হাসিতে থাকেন। আর খান দোরান শামছমউদ্দৌলা এই বলিয়া উপহাস করেন—“দেখ, দেখ দাক্ষিণাত্যের মর্কটটির নৃত্য দেখ।”

সুতরাং উজিরের পদলাভ করিয়া নিজামুল-মুন্সের অবস্থা কি প্রকার অসহনীয় হইয়া উঠিয়াছিল তাহা এই সব ব্যাপার হইতেই উপলব্ধি করা যায়।

### নিজামুল-মুন্স কর্তৃক সংস্কার প্রচেষ্টার বিবৃতিদান


সংস্কার প্রচেষ্টায় নিজামুল-মুন্স বাহা কিছু করিতে



উজ্জত হন বা যাহা কিছু প্রস্তাব করেন, তাহার বিরুদ্ধ পক্ষ তাহার কদম্ব করিয়া সম্রাটের নিকট তাহা অবিশ্রাম ভাবে লগাইতে থাকে। ক্রমে ক্রমে নিজামুল-মুল্কের উদ্দেশ্য সম্বন্ধে মোহাম্মদ শাহের মনে একটা সন্দেহ ও অবিশ্বাসের ভাব জাগ্রত হয়। সম্রাট বয়সে তরুণ। তাঁর পার্শ্চরূপেও তাহার চতুষ্পার্শ্বে জুটিয়াছিল যত সব বয়সে প্রকৃতির এবং স্বাধীন অকালকৃত্য ও তরুণের দল। তাহার নিজেদের সার্থসিদ্ধির জন্ত সম্রাটের উচ্ছৃঙ্খল ও নীতিভ্রষ্টতার সমর্থন করিত। তাই এই সব দুষ্কৃতিকারীদের কুপরামর্শের মূল্যই সম্রাটের নিকট অত্যধিক ছিল। বিচক্ষণ উজিরের কথা তাঁহার মনঃপূত হইত না। এই সব দুষ্কৃতিকারীদের নিকট হইতে ক্রমাগত বিরূপ সমালোচনা শুনিতে শুনিতে মোহাম্মদ শাহের ধারণা জন্মিয়া গেল যে, নিজামুল-মুল্ক তাহাকে সিংহাসনচ্যুত করিয়া তাহার স্থানে শাহজাদা ইবরাহিমকে দিল্লীর সিংহাসনে প্রতিষ্ঠিত করিতে চান। তাই তাহার সম্রাটকে বুঝাইয়া দিল যে, নিজামুল-মুল্ক যাহাতে শক্তিসঞ্চর করিতে না পারেন, তজ্জন্ত তাহার সমস্ত প্রচেষ্টা ব্যর্থ করা দরকার। অত্য়দিকে এই বন্ধুত্বের মুখোশধারী মোনাফেকের দল সংগোপনে নিজামুল-মুল্কের নিকট গিয়া তাহাকে বুঝাইতে লাগিল যে, মোহাম্মদ শাহ একেবারে অপদার্থ; তিনি ভ্রষ্ট, পাপাচারী ও ব্যাভি-

চারে আকর্ষণ নিমজ্জিত। সুতরাং এহেন অপদার্থকে সিংহাসনচ্যুত করিয়া তিনি কেন শাহজাদা ইবরাহিমকে সিংহাসনে বসাইতেছেন না। ফলে সম্রাট ও উজির উভয়ে উভয়ের প্রতি সন্দেহান হইয়া উঠিলেন। নিজামুল-মুল্ক নিয়মিত ভাবে দরবারে আগমন বন্ধ করিয়া দিলেন। আর যদি বা কোন সময় আসিতেন, তাহা হইলে সাবধানতার জন্ত যথেষ্ট ব্যবস্থা করিয়া তবে আসিতেন। সম্রাটকে সিংহাসনচ্যুত করার কথা তিনি অবশ্য স্বপ্নেও কল্পনা করেন নাই। কিন্তু তৎকালে উহা তাঁহার পক্ষে বিশেষ আশ্বাস সাধ্য ছিল না। তুরাণীদলের অকুণ্ঠ সমর্থন তিনি পাইতেন। আর দাক্ষিণাত্যের বিচক্ষণ কর্মচারীরা তাঁহার সঙ্গেই ছিল।

দিনে দিনে অবস্থা ক্রমশঃ অবনতির দিকেই চলিল। সব কিছুর মধ্যে বিশৃঙ্খলা পুঞ্জীকৃত হইতে লাগিল। রাষ্ট্রীয় ব্যাপার ছেলেখেলায় পরিণত হইল। রাজস্বের ব্যাপার মীমাংসিত হইতে লাগিল সৈন্যদের দ্বারা। আর কাজীর আসনে বসিল যত সব রাজত্বের পাহারাওয়াল। বাদশাহর বিভিন্ন সভাসদ ও প্রিয়পাত্রদের মধ্যেও ঈর্ষা ও স্বার্থের প্রতিযোগিতা হাতাহাতিতে গিয়া ঠেকিত। এই সব দেখিয়া শুনিয়া নিজামুল মুল্ক সকল প্রচেষ্টায় বিরতি দিয়া অবশেষে পদত্যাগপত্র দাখিল করিলেন। ক্রমশঃ



# আগে চল্, আন্‌সার

—কাজী গোলাম আহমদ

আন্‌সার ! আন্‌সার !

ধরু খর তরবার—

বিপ্লবের কারাগার

চূর্ণ করি চল্—গিরি-নদী-পারাবার—

আগে চল্—আগে চল্—আগে চল্ আন্‌সার ।

পশ্চাৎ পানে মিছে

দৃষ্টি দিয়ে পিছে

রহিস্ না পড়ি' নীচে

হুষ্‌মণ-দিলে দিতে ত্রাসের সঞ্চার—

আগে চল্—আগে চল্—আগে চল্ আন্‌সার ।

বাজে দূরে ছন্দুভি

থেলে সেথা খুন-খুবী]

যত পর-দেশ-লোভী

কর্ণে কি নাহি আসে তাহাদের হুংকার—

আগে চল্—আগে চল্—আগে চল্ আন্‌সার ।

জালিমের 'জুলুমাত'

ইসলাম 'পরে হাত

দিয়েছে যে 'কম-বখ্ত'

যেন' তা'র হাতে তোর নাহি রয় নিস্তার—

আগে চল্—আগে চল্—আগে চল্ আন্‌সার ।

শিরে বাঁধ্ আমামা

বাজা তোর দামামা

জ্বলে 'শাহাদত-শামা',

তোরা 'পাক-পরোয়ানা', সাথী 'পাক-পরোয়ার'

ভয় নাই—আগে চল্—আগে চল্ আন্‌সার ।

উঁচা রাখ্ সংগীন

খুনে রাঙা রংগীন

হয় হোক, গম্‌গীন

হোস্নাকো, ছুটে চল্—যথা আলী হায়দার—

আগে চল্—আগে চল্—আগে চল্ আন্‌সার ।

আর্তের হাহাকার

জানানার অঁখিভার,

শহীদে'র লোহুধার

রোধিতে রুখে চল্ ধরি' 'জুল্‌ফিক্‌কার'

আগে চল্—আগে চল্—আগে চল্ আন্‌সার ।

তো'র নিশান ও নিশান

কারো সনে মেশা না,

শাস্তির পাক-সেনা

শত্রুর সনে যুঝে মান রাখ্ বরাস্তার—

আগে চল্—আগে চল্—আগে চল্ আন্‌সার ।



## পশ্চিম পাকিস্তানে চব্বিশ দিন

—অধ্যক্ষ মুহম্মদ আশীমুদ্দীন।

১৯৫২ সালের ৮ই অক্টোবর ‘কুটুবিভা ভ্রমণে (Goodwill mission) উদ্দেশ্যে করাচী রওয়ানা হলেম। আমাদের দলে ছিলেন বিভিন্ন কলেজের দুইজন অধ্যাপক, তিনজন অধ্যাপক, তিনজন ছাত্র ও একজন স্কুল-শিক্ষক। শেষোক্ত ভ্রমণলোক একজন মওলানা এবং লাহোরের ওরিয়েন্টাল কলেজ থেকে তালীম হাছীল করেছেন।

ঢাকার উড়ো জাহাজ ঘাটিতে দিনাজপুরের এক ভ্রমণলোক ছুটি ছেলে-মেয়ে সহ তার মেয়েকে আমার হেফাজতে দিলেন। হেফাজতে দেওয়ার অন্য কারণও ছিল। ছেলেটির বয়স বছর তিনেক, আর মেয়েটি মাত্র মাস ছয়েকের। বয়স লোকের একথানা টিকেটে শুধু একটি ছোট ছেলেকে সঙ্গে লওয়া যায়। কাজেই তিন বছরের ছেলেটিকে আমার বরাদ্দ করে নিলাম। ছোট ছেলের জন্ম আলাদা আসনের ব্যবস্থা উড়ো-জাহাজে নেই, কোলে বসিয়ে নিতে হয়। ছেলে-মেয়ে সহ একাই মহিলাটি তার স্বামীর চাকুরী-স্থল করাচী রওয়ানা হয়েছেন। তার স্বামী করাচীর উড়ো-জাহাজের ঘাঁটিতেই চাকুরী করেন।

সারাটা পথ ছেলেটিকে কোলে করে রাখলাম। কলকাতা ও দিল্লীতে উড়ো-জাহাজ ছেড়ে গয়েটিং রুমে যাওয়ার সময় শিশুটিকে ঝাড়ে করে নিতে হলো। সারাক্ষণ ওদের তদারক নিয়ে ব্যস্ত থাকলাম। মহিলাটি ‘চাচাজী’ বলে আত্মীয়তা পাতালেন আর ছেলেটি ‘নানা’ ডেকে বেশ জমিয়ে নিল।

পথে কুড়ানো এই ‘নাতি-নাতনী আর ভাতি-জীকে’ নিয়ে করাচীর হাওয়াই আড্ডার পৌঁছে কিন্তু বেশ মুশকিলেই পড়লাম। রাত আটটার আমরা করাচীতে পৌঁছলাম, তখন হাওয়াই আড্ডার আশে পাশে কোথাও ‘জামাতা বাবাজীকে’ খুঁজে পাওয়া গেল না। লোকজনের মধ্যে মহিলাটি তন্ন তন্ন করে তার স্বামীকে খুঁজলেন; নাতিকে কোলে নিয়ে

আমিও পিছে পিছে ঘুরে হররান হলেম। আরও অনুবিধা হলো এই যে, করাচীর শিক্ষা বিভাগীয় কর্তৃপক্ষ দল বেঁধে মালাহস্তে তাঁদের মশুরেকী পাকিস্তানের কুটুবিদদের এত্তেক্‌বাল করতে এসেছিলেন। দল ছাড়া হয়ে আমি নিজেই মহিলাটি সহ গুরু-খোঁজার অবস্থায় পড়েছি। মালা হাতে করে তাঁরাও তখন আমার খোঁজ করতে শুরু করেছেন। শেষ পর্যন্ত অবশ্র সঘর্ষনাকারীরা আমার গলায় মালা পরিরেছিলেন। কিন্তু তখন আমি বড় বিব্রত হয়ে পড়েছি। এই মুসাফিরির হালতে মহিলাটির কি ব্যবস্থা করি।

আমার করেকটি ছাত্রও আমাকে অভ্যর্থনা জানাতে এসেছিল। আমার দশা দেখে তারাও মহিলাটির স্বামীর অনুসন্ধানে লেগে গেল।

আমাদের নিয়ে যাত্রার জন্ত সরকারী মোটর তৈরী। অথচ মহিলাটির স্বামীর দেখা নাই। মহিলাটি বললেন, “চাচাজী, ওরা আপনায় জন্ত আর কতক্ষণ দেবী করবে? আপনি চলে যান। আমার নসীবে যা থাকে, তাই ঘটবে।” বললাম, “তা কি হয় মা! এই দূরদেশে রাত্রি বেলায় কোথায় তোমাকে ফেলে যাব। ওরা চলে যাক, তোমার ঠিকমত ব্যবস্থা না করে আমি যাচ্ছি না।”

আমাদের দলকে নিয়ে মোটর যখন ছাড়ে ছাড়ে সেই সময় জামাতা বাবাজী হৃদয়স্থ হয়ে ছুটে এলেন। ঢাকা থেকে তাকে যে টেলিগ্রাম করা হয়েছিল, তা তিনি পাননি। আমার এক ছাত্র গিয়ে শেষ পর্যন্ত তাকে খুঁজে বের করে। দৌড়ে গিয়ে মোটরে উঠলাম। হাওয়াই আড্ডা ছেড়ে করাচীর শহর-এলাকা প্রায় ১০।১২ মাইল দূরে।

করাচীর হাওয়াই আড্ডার দ্বারা আমাদের অভ্যর্থনা জানালেন, তাদের মধ্যে করাচীর জন-শিক্ষার ডাইরেক্টর জনাব ইমতিয়াজ মুহম্মদ খান,

করাচী বিশ্ববিদ্যালয়ের রেজিষ্টার জনাব আখতার হুসাইন, করাচীর সরকারী বিদ্যালয়সমূহের প্রধান শিক্ষক-সমিতির সভাপতি জনাব বশীর আহমদ ছিদ্দিকী, সিন্ধুর মুসলিম কলেজের অধ্যক্ষ জনাব সৈয়দ গুলাম মুস্তাফা এবং সরকারী স্কুলের শিক্ষক সমিতির সম্পাদক জনাব নূরুল হুসাইন নকভীর নাম বিশেষভাবে উল্লেখযোগ্য।

সরকারী মেহমানরূপে আমরা করাচীর বেশ বড় রকমের একটা হোটেলে স্থান পেলাম।

২ই অক্টোবর সকালেই আমরা কায়েদে আযম ও কায়েদে মিল্লাতের কবর ঘিয়ারত করতে গেলাম। কবরে মাল্যদান করা একটা 'ফ্যাশনে' পরিণত হয়েছে। মওলানা আবুল কলাম আযাদও করাচী ভ্রমণের সময় কায়েদে আযমের কবরে মাল্যদান করেছিলেন বলে সংবাদপত্রে পড়েছি। দলের ডেপুটি লীডার হিসাবে কবরে মাল্যদান করার জন্তু আমাকে পীড়াপীড়ি করা হলো। আমি মাল্যদান না করে কীর্তিমান দুই মহাপুরুষের কবরের মাগফেরাত কামনা করে দোওয়া করলাম। কবরটির এই নির্জন এলাকার ৪০।৫০ ফুট উঁচু একটি বালির পাহাড়ের উপর দুই বন্ধু এবং সহকর্মী অনন্ত নিদ্রায় শায়িত। কায়েদে আযমের স্মৃতিসৌধ নির্মাণের জন্তু এখনও পর্যাপ্ত অর্থ সংগ্রহ না হওয়ায় তার নির্মাণ কাষ্য শুরু হয় নাই! আর, কায়েদে মিল্লাত যিনি জাতির খেদমত করতে যেয়ে বুকের তাজা রক্তে পাকভূমি রঞ্জিত করলেন, আজ পর্যাপ্ত তাঁর নিষ্ঠুর হত্যাকাণ্ড রহস্যের আবরণেই আচ্ছাদিত রইলো।

সেদিন আমরা কতকগুলি সরকারী ও আধা-সরকারী কলেজ পরিদর্শন করলাম। মাত্র কিছুদিন পূর্বেও করাচী সিন্ধু-প্রদেশের রাজধানী ছিল। কলেজগুলির সব কয়টিই এখনও সিন্ধু-সরকারের কর্তৃত্বাধীনে রয়েছে। সকল কলেজেরই বেতনের হার অত্যধিক—মাসে ১৫ থেকে ২০ টাকা করে। ডি-জে কলেজে বি-এন্সি পর্যাপ্ত শিক্ষাদান করা হয়, কিন্তু আটের কোন বিষয় পড়ান হয় না। অধ্যক্ষ মিঃ শেখ প্রবীণ শিক্ষাবিৎ। প্রায় ত্রিশ বৎসর এই

কলেজে তিনি অধ্যাপনা করছেন। প্রথমে লেকচারাররূপে শিক্ষক-জীবন শুরু করেছিলেন। খ্রীষ প্রতিভাবলে ক্রমে এই বিরাট কলেজের অধ্যক্ষ পদে বরিত হয়েছেন। তিনি বললেন, "নতুন রাষ্ট্র পাকিস্তানে এখনও আমরা বিরাট পরিবর্তনের মধ্য দিয়ে চলেছি। ক্রমাগত ভুল করে আর ঠেকে শিখেই আমরা যেন যাচাই করছি আমাদের জন্তু কোনটা ভাল আর কোনটা মন্দ।"

আমরা সিন্ধু ইন্জিনিয়ারিং কলেজ ও সিন্ধু মুসলিম কলেজ দুটি পরিদর্শন করলাম। ঢাকার কলেজের মতোই এগুলি। বিকালে আমরা 'উর্' কলেজে গেলাম। বিভাগ-কালের ওসমানীয়া বিশ্ব-বিদ্যালয়ের মতো এখানে ইংরাজী গ্রন্থ উদ্ভূতে তর্জমা করে উদ্ভূর মারফতে এম-এ পর্যাপ্ত অধ্যাপনা করা হয়। পাকিস্তানের কেন্দ্রীয় সরকার উর্ কলেজের পরীক্ষা-মূলক প্রচেষ্টার পিছনে বহু অর্থ ঢালছেন।

শহর হিসাবে করাচীর কৌলিগের দাবী নেই। আরব সাগরের বালুকাময় বেলাভূমিতে সিন্ধী, গুজ-রাতী ও আরবী সওদাগরদের সমবেত প্রচেষ্টার অল্পদিনের মধ্যে গড়ে উঠেছে এই করাচী শহর। এর একদিকে আরবী দরিয়া আর অপরদিকে সিন্ধুর বিরাট মরু এলাকা। শহর ছাড়িয়ে এগুলোই হয় জন বিরল অল্পবয়স্ক প্রান্তর নতুবা তৃণ-লতাহীন মাটির পাহাড়সমূহ দৃষ্টিগোচর হয়। গরমের দিনে প্রায় সকল সময় সমুদ্রের দিক থেকে বাতাস বইতে থাকে এবং সেই জন্তু সিন্ধুর অভ্যন্তর ভাগের তুলনায় করাচীর আবহাওয়া অনেকটা মৃদু গোছেব।

দেশ-বিভাগের বদৌলতে রাতারাতি করাচী হলো পাক-হুকুমতের রাজধানী। করাচীর দেহে নতুন করে ডেকে গেল যৌবনের জোয়ার। লোক-সংখ্যা চারি লক্ষ থেকে চৌদ্দ লক্ষে গিয়ে পৌঁছল। নতুন কর্ম-চাকল্যে করাচীর অঙ্গ-প্রত্যঙ্গে ফিরে এল প্রথর সজীবতা। নতুন নতুন ব্যবসা-প্রতিষ্ঠান, শিল্পাঞ্চল, সরকারী কর্মচারীদের জন্তু বাসস্থান, স্কুল-কলেজ, আড্ডা-ক্লাব, হোটেল-রেস্তোরাঁ প্রতিষ্ঠিত হলো। ভাগ্য-বিভাডিত মোহাজিরদের জন্তুও পাড়া

গড়ে উঠলো। করাচী এখন শুধু পাকিস্তানের রাজধানীই নয়, উহা মধ্য-প্রাচ্যের শ্রেষ্ঠ বিমান-বন্দর এবং সমুদ্র-বন্দর।

পশ্চিম পাকিস্তানের অত্যন্ত স্থানের মতো করাচীতেও সবুজের আভাস খুব কম। শহরে গাছপালা নাই বললেই চলে। সৌখীন লোকেরা গৃহাঙ্গনে জরীয়াস গজানর জন্তাই দৈনিক দুবেলা পানী ছেঁচের ব্যবস্থা করে থাকেন। খেলার মাঠে পর্যাস্ত ঘাস নেই, বালুকার সমারোহ। এদিকে সেদিকে দাঁড়িয়ে আছে বালিয়াড়ী—বালির পাহাড়।

করাচী শহরটি বেশ বড় ও পরিষ্কার পরিচ্ছন্ন। রাস্তাগুলিও সাধারণতঃ চওড়া। পূর্ব পাকিস্তানের মতো করাচীতে মাসের পর মাস ছিচ্-কাঁতুনে বৃষ্টি হয়না এবং দালান-কোঠার রংও তাই বড়-একটা মলিন হয়না। বন্দর রোডটি করাচীর দীর্ঘতম ও বৃহত্তম রাস্তা। রাস্তাটি বেশ চওড়া এবং লম্বায় প্রায় দশ মাইল। বর্তমানে এই রাস্তার একাংশের নাম-করণ হয়েছে—মুহাম্মদ আলী জিন্নাহ রোড।

করাচীতে পৌঁছলে সর্বপ্রথম যে জিনিষ মশ-রেকী পাকিস্তানের বাসিন্দার দৃষ্টি আকর্ষণ করে, তা হচ্ছে উটের গাড়ী এবং গাধার গাড়ী। গরু মহিষের গাড়ী তো আছেই, তবে সংখ্যায় সেগুলি অল্প। ঘোড়ার গাড়ীও আছে—যাকে ‘ভিক্টোরিয়া’ আখ্যা দেওয়া হয়। উটের গাড়ীগুলি সাধারণতঃ মাল-পত্র বহনের কাজে লাগে। একটা উটের পিঠনে প্রায় হাত পাঁচেক চওড়া ও হাত আটেক লম্বা কাঠের পাটাতন জুড়ে দিয়ে ঐ পাটাতনের তলায় হুজোড়া মোটরের চাকা লাগালেই উটের গাড়ী তৈরী হয়। উটের গাড়ীতে এক ট্রিপে ৫০।৬০ মণ পর্যাস্ত মাল বহন করা হয়। খরচও নাকি বেশ কম, হাজারমাণ তেমন নেই। একজন মাত্র চালক গাড়ী চালায়। গাধার গাড়ী অনেকটা আমাদের দেশের একা গাড়ীর মত। মালবহনের কিম্বা গরীব লোকদের আরোহণের কার্যে গাধার গাড়ী ব্যবহৃত হয়।

করাচীর জটব্য স্থানগুলির মধ্যে ক্রিফটনের সমুদ্র সৈকত, কেশ্যামারীর বন্দর এলাকা, ফ্রিমার-হল,

গান্ধী-গার্ডেন, বোল্টন বাজার প্রভৃতি উল্লেখযোগ্য। ক্রিফটন-সৈকত সভ্যই খুব সুন্দর। সমুদ্র-তট জুড়ে এই স্বভাব-সুন্দর পার্কটির পরিব্রজন করেছিলেন ইংরাজরা। ওদের কচির প্রশংসা করতে হয়। কেশ্যামারীতে সমুদ্রগামী বড় বড় জাহাজ ভিড়ে। জাহাজে মালবোঝাই ও জাহাজ থেকে মালনামানর কার্যের দ্রুপ এই এলাকা সর্বদা কর্ম চঞ্চল। কেশ্যামারী থেকে নৌকা বা লঞ্চে উঠে মাইল খানেক সমুদ্র-পাড়ি দিলেই ম্যানোরা দ্বীপে যাওয়া যায়; এই দ্বীপে করাচী বন্দরের বিখ্যাত ‘বাতিঘর’ ও নৌ-শিক্ষা কেন্দ্র অবস্থিত। প্রত্যহ বৈকালে ক্রিফটন-সৈকতে ও এই দ্বীপে অগণিত নর-নারীর সমাবেশ হয়। কর্মরাস্তা দিবসের শেষে সমুদ্রের হাওয়ায় নাগরিকগণ অপরাহ্নের অবসর-মুহুর্তগুলি যাপনের জটাই সমুদ্র-তটে আগমন করে থাকেন। ফ্রিমার-হলটি ফ্রিমার গার্ডেনের মধ্যস্থলে অবস্থিত। এই হলটি করাচীর যাতুঘর। গান্ধী-গার্ডেন চিড়িয়াখানা। যারা কলকাতার আলীপুরের চিড়িয়াখানা দেখেছেন, তাদের জন্ত গান্ধী-গার্ডেনে দেখবার তেমন কিছু নেই। তবে গান্ধী-গার্ডেন করাচীর একমাত্র স্থান যেখানে এক সঙ্গে অনেকগুলি বড় বড় গাছপালা দেখা যায়। সমগ্র করাচীতে এই গান্ধী-গার্ডেনেই মাত্র একটা ছায়া-বন পরিবেশ দেখা যায়। গার্ডেনের মধ্যেই কয়েকটি আঙুরের বাগান। বানরের অত্যাচার থেকে আঙুর-ফসলকে রক্ষা করার জন্ত একজন লোক মোতায়ন করা আছে। সে বানর-বৃথ দেখলেই ঠং ঠং করে ঘণ্টা বাজিয়ে বানরদের জানিয়ে দেয়—“খবরদার!” করাচীর কেন্দ্রস্থলে অবস্থিত বোল্টন বাজারটি কলকাতার বড় বাজারের করাচী সংস্করণ, কেনা-বেচার বিরাট কেন্দ্র।

করাচীতে মসজিদের সংখ্যা নেহায়েত নগণ্য, মুছল্লীর সংখ্যাও অল্প। ঢাকার সঙ্গে করাচীর এ পার্থক্যটা যে কোনো ভ্রমণকারীর দৃষ্টি আকর্ষণ করে। প্রসঙ্গতঃ উল্লেখযোগ্য যে, পশ্চিম পাকিস্তানে অনেক মসজিদ-সভার যোগ দিয়েছি। সভার কাজ চলেছে তো চলেছেই। মঙ্গলবার নামাযের ওয়াক্ত চলে



যায়। ইসলামী শিক্ষা ব্যবস্থা প্রবর্তন, ইসলামী শাসনতন্ত্র প্রণয়ন, ইসলামী চাল চলন অবলম্বন সম্বন্ধে সভায় অনর্গল বক্তৃতার তুবড়ি ফোটে, অথচ নামাযের জ্ঞান সভার কাজ বন্ধ হয়না! কচিং দু-একজন যাদের নামায পড়ার বদ-অভ্যাস (?) আছে, তারা উঠে গিয়ে নামায আদায় করেন। মশুরেকী পাকিস্তানের কোনো শহরে বা গ্রামে এ-রকম ব্যাপার কখনই ঘটতে পারত না। অনেক বে-নামাযী নেতা, উপ-নেতা সভাসমিতিতে গেলে অন্ততঃ চক্ষু-লজ্জায় নামাযী হয়ে উঠেন! কিন্তু পশ্চিম পাকিস্তানের শিক্ষিত সমাজ এই চক্ষু-লজ্জার বালাই কাটিয়ে উঠেছেন।

শহরের দ্রষ্টব্য স্থান এবং শিক্ষা-প্রতিষ্ঠানগুলি কিছু কিছু দেখলাম। পূর্ব-পাকিস্তানের শিক্ষা-প্রতিষ্ঠানের সঙ্গে এদের তেমন কোনো পার্থক্য নেই। কারণ, সবগুলিই তৈরী হয়েছিল ব্রিটিশ-রাজের নিষ্কারিত ছাঁচে ঢালাই করে, আর গড়ে উঠেছিল তারই দাক্ষিণ্য পুষ্ট হয়ে। আমরা প্রস্তাব করলাম,—এ দেশের গ্রাম দেখতে চাই। আমাদের ভ্রমণের ইন্তেবামেব দারিফ যাদের স্বন্ধে নুপু ছিল তারা দু'একবার মাথা চুলকালেন,—তাই তো, গ্রাম কোথায়? করাচীর বাইরে যেদিকেই তাকাও, দেখতে পাবে দিগন্তপ্রসারী ধু ধু প্রান্তর কিংবা রৌদ্র-দগ্ধ মাটির পাহাড়! অবশেষে অনেক ভাবনা-চিন্তার পর তারা বললেন, “চলুন, মাদ্রো-পীর দেখে আসবেন।”

১০ই অক্টোবর সকালে আমরা মাদ্রো-পীর রওযানা হলেম। পীচঢালা রাস্তা। একবার রাস্তা তৈরী করতে পারলে দশ-পুরুষে আর তার পিছনে মেরামতী খরচ যোগাতে হয়না। রাস্তা রুটিতে ধুরে যায়না, বজায় ভাঙেনা। করাচীর শহর এলাকা পার হয়ে আর কোথাও জন-বসতির চিহ্ন, পানী, গাছপালা কিংবা সবজের নিশানা দেখলাম না। মাঝে মাঝে রোদেপোড়া গেরুয়া মাটির পাহাড় মাথা নীচু করে রয়েছে। এই পাহাড়ের ফাঁকে ফাঁকরে দু'একটা কাপড়ের তাঁবু দেখা গেল। খোঁজ নিয়ে জানলাম,

এগুলি গরীব সিন্ধী পরিবারের বাসস্থান। এরা ঘর তৈরী করতে পারে না—আর এই বৃক্কলতাহীন এলাকায় ঘর তৈরীর সরঞ্জামই বা কই! আর এই এলাকায় বার্ষিক বৃষ্টিপাতের পরিমাণ ৮।১০ ইঞ্চির অধিক নয়। কাজেই তাঁবুতে থাকতে এদের অসুবিধা হওয়ারও কথা নয়।

মাদ্রো-পীরে পৌঁছলাম। মাদ্রো-পীরের দরগাহটি ছোট একটি টিলার উপর অবস্থিত। এই টিলার নীচে উষ্ণ পানীর প্রস্রবণ। এর পানীর নাকি রোগারোগ্য ক্ষমতা অসীম। একরূপ ক্ষমতা থাকাই স্বাভাবিক। কারণ পানীতে অনেক খনিজ পদার্থের সংমিশ্রণ রয়েছে। দরগার ঠিক নীচেই পাকা-প্রাচীর ঘেরা একটি ছোট পুকুরে ২০।২৫টা কুমীর পড়ে রয়েছে। পুকুরে পানীও খুব বেশী নয়। কুমীরগুলি আকারে ছোট। এদের শরীর ও চেহারা দেখে মনে হয়, এরা এই জনবিরল স্থানে পর্যাপ্ত খোরাকও পায়না, আর এখানে থেকে এরা খুব সুখীও নয়। জনশ্রুতি এই যে, যে সকল জিন্মরী পীর ছাহেবের ইবাদতে বিশ্ব উৎপাদন করত, তিনি তাদের ধরে রুহানী কুণ্ডলের বলে কুমীরে রূপান্তরিত করেছিলেন। সে যাই হোক, এই নদী-নালা-খাল-বিল হীন মরু-প্রান্তরে কুমীরের গোষ্ঠি যে কি করে বসবাস পত্তন করলো, সেইটাই আশ্চর্যের কথা! প্রসঙ্গতঃ উল্লেখ-যোগ্য যে, চট্টগ্রামে হযরত বা-ইয়াযীদ বোস্তামীর মাযার সংলগ্ন পুষ্করিণীতে বৃহদাকারের অনেক কচ্ছপ আছে। সিলুহেটে হযরত শাহ জালাল আল-ইরা-মানীর মাযার সংলগ্ন দীঘিতেও বহু গজার মাছের সমাবেশ দেখা যায়। পীর আউলিয়াদের কক্ষক্ষেত্রের সঙ্গে এই শ্রেণীর প্রাণীদের যোগাযোগের কি কারণ আছে, আলিমুল গারব আল্লাহ তারালাই তা অবগত আছেন।

দরগাহ ছেড়ে মাইলখানেক এগিয়ে গেলে বাজার এবং দান্তব্য চিকিৎসালয়। এই বাজারের সংলগ্ন একটি স্থানে অনেকগুলি উষ্ণপ্রস্রবণ রয়েছে। এখানে সরকারী খরচায় কুঠরোগীদের নিবাস তৈরী করা হয়েছে। উষ্ণপ্রস্রবণের পানীতে গন্ধক মিশ্রিত থাকায়

উহাতে গোসল করলে কুষ্ঠরোগের যন্ত্রণার উপসম হয়। মেয়ে ও পুরুষ রোগীর জন্ত পৃথক পৃথক গোছল-খানা তৈরী করা হয়েছে। কয়েকটি ধর্মশালাও দেখলাম। দেশবিভাগের পূর্বে বিভিন্ন এলাকার দানশীল হিন্দু ও মাড়োয়ারী ব্যবসায়ীদের বদান্ততায় এই আশ্রম বা ধর্মশালা গড়ে উঠেছিল। ঐগুলি এখন প্রায় পরিত্যক্ত অবস্থায় রয়েছে। ছোট একটিতে মাত্র একটি প্রাথমিক বিদ্যালয়ের কার্য চলে।

মাদ্রাসার এলাকার স্থানীয় মাতব্বর জনাব মাহমুদ ছাহেবের সঙ্গে আলাপ হলো। তিনি উর্দু বলতে পারেন। এখানকার প্রায় সকলেই উর্দু বুঝেন ও বলতে পারেন, যদিও এদের মাতৃভাষা সিন্ধী। জনাব মাহমুদ আক্ষেপ করে বললেন, “আহা, যদি হু’একদিন আগে আপনারা আসতেন, তবে আমাদের এলাকার কিছু কিছু সবুজ চেহারারও আপনারা দেখতে পেতেন। মাত্র কয়েকদিন পূর্বে পঙ্গপাল এসে আমাদের সকল ফসল খেয়ে গেছে।”

পঙ্গপালের কথা শবরের কাগজে পড়েছি, কিন্তু ওদের চক্ষে দেখিনি। বললাম, “হু’একটা ফড়িং দেখাতে পারেন?” তিনি বললেন, “নিশ্চয়ই পারি। ফড়িংএর গোশত খুবই মজাদার। গরীর লোকেরা ধরে ধরে জমা করে, করাচীতে নিয়ে ৩।৪ টাকা সের দরে বিক্রি করে আসে। আমরাও অনেকগুলি ধরে জমা করে রাখি, অন্ততঃ কয়েকদিনের গোশত-তরকারীর বামেলা মিটে যায়।”

জনাব মাহমুদ তার বালক পুত্রকে হুকুম করলেন বাসার গিয়ে আমাদের দেখানর জন্ত কতকগুলি ফড়িং আনতে। বালকটি কাগজের ঠোঙায় ভরে ৫।৭টি ফড়িং এনে হাজির করলো। এদের চেহারা আমাদের দেশের ধানের জমির ফড়িংএর মতো। ধান পাকবার আগে এই ফড়িংগুলি কচিধানের সাদা অংশটুকু চুষে খায়। এদের পা দুটি হাঁটু-ভাঙার মতো; গায়ের রং সবুজ; লাফিয়ে লাফিয়ে চলে; আবার

অল্প অল্প উড়তেও পারে। মাহমুদ ছাহেব যে ফড়িং-গুলি দেখালেন তাদের রং ধূসর, আকারে এরা আমাদের দেশের খেনো ফড়িংএর চাইতে ৪।৫ গুণ বড়। এই পঙ্গপাল যখন দলবঁধে আকাশজুড়ে উড়ে আসে, তখন সূর্যের আলো ঢাকা পড়ে। এক একটা দলের পরিধি ৩০।৪০ মাইল। একটা বিরাট মাঠের ফসল শেষ করতে এদের ঘণ্টাখানেকের বেশী সময় লাগে না। শস্তের চারার পাতাগুলি এরা খেয়ে ফেলে। ডাঁটা ও কাণ্ডগুলি যা অবশিষ্ট থাকে, তাতে এদের বিষাক্ত লাল লাগায় পরবর্তী ৩।৪ দিনের মধ্যে সেগুলি আপনা আপনি মরে যায়।

২।১ দিনের মধ্যে পঙ্গপাল ঝাঁক বঁধে উড়ে যায়। কিন্তু যাওয়ার আগে ওরা মাঠের বালুতে অসংখ্য ডিম পেড়ে যায়। উষ্ণ বালির তাপে সপ্তাহ খানেক পরে ঐ সকল ডিম থেকে ঝাঁকে ঝাঁকে বাচ্চা-ফড়িং বেরিয়ে আসে। এদের পাখা একটু সবল হলেই এরাও দলবঁধে উড়ে যায় মাঠের ফসলের সন্ধানে।

জনাব মাহমুদ বললেন, “এই কয়টা ফড়িং নিয়ে যান দেশে। ঘাস খেতে দিবেন, দেখবেন এরা কেমন তাজা হয়ে উঠে।” আমি তাকে আমাদের দেশের কচুরী পানার গল্প বললাম। কোন্ খেতাজ সাহেব নাকি জার্মানী থেকে একটি মাত্র কচুরী-চারার এনে-ছিলেন। অথচ আজ সারা পূর্ব পাকিস্তানে তাদের বংশবৃদ্ধি হয়েছে। মিঃ মাহমুদ ছাড়লেন না। আসবার সময় তিনি একরূপ জোর করে ঠোঙাটি হাতে দিয়ে বললেন, “নিরে যান। করাচীর হোটেলের বাবুজীকে দিবেন। সে ঘি-রে ভেজে দিলে খেয়ে দেখবেন, কেয়া মজাদার।”

আমি হোটেল পর্যন্ত ঠোঙাটি এনেছিলাম। করাচী ছাড়বার সময় ঠোঙাটি ফেলে এসেছি। মজদার খাত চেষ্টা দেখবার লোভও হয়নি, সৌভাগ্যও হয়নি। —অসমাপ্ত।



# মুছলিম শিক্ষার ধারা

—মোহাম্মদ আবদুল রহমান।

## ইছলামী শিক্ষার গুরুত্ব

জাহেলিয়াতে নিমজ্জিত আরববাসীগণের হৃদয়ে ইছলাম শিক্ষার প্রতি আকুল আগ্রহ সৃষ্টি এবং উহার বিমল জ্যোতিতে তাহাদের অন্তরলোক উদ্ভাসিত করিয়াই ক্ষান্ত হয় নাই—তাহাদিগকে এক মহীয়ান সভ্যতার স্রষ্টা এবং জগতের শিক্ষাদাতা ও দীক্ষাগুরু মর্যাদায় প্রতিষ্ঠিত করিবার সুযোগ সৃষ্টি করিয়া দেয়। জাতি হিসাবে প্রাক-ইছলাম যুগের আরববাসী লিখন ও পঠন বিদ্যায় মনোযোগ দেওয়ার প্রয়োজনীয়তা উপলব্ধি করে নাই—এখানে সেখানে ঢুই একজন লোক কবিতা রচনা ও বক্তৃতা চর্চায় উৎসাহ প্রদর্শন করিলেও উহা দেশের অশিক্ষা ও নিরক্ষরতার ব্যাপক অন্ধকারকে অপসারিত করিতে পারে নাই। আমাদের মহানবী মোহাম্মদ মোস্তফা (দঃ) নিজেও পড়িতে ও লিখিতে জানিতেন না। কিন্তু আশ্চর্যের বিষয়, তিনি সর্বপ্রথম যে ওহী আল্লাহর নিকট হইতে প্রাপ্ত হইলেন উহাতে ‘পড়া’র জন্তই প্রত্যাশিত হইলেন। রচুল্লাহ (দঃ) স্বয়ং শিক্ষার গুরুত্ব, উহার কল্যাণপ্রসূ ফল এবং ফরযিয়ত সযক্কে মুছলমানদিগকে বহু গুরুত্বপূর্ণ বাণী শুনাইলেন।

## মুছলিম শিক্ষার উপাদান

মুছলিম ইতিহাসের স্রুপ্রভাত হইতেই মুছলমানগণ তাহাদের সামাজিক জীবনের অগ্রাশ্রয় শাখার ছায়ায় শিক্ষা-কেও ধর্মের সহিত সংযুক্ত রাখিতেই অভ্যস্ত হইয়া আসিয়াছে। তাহাদের ধর্ম তাহাদিগকে ইহাই শিখাইয়া আসিয়াছে যে, মানুষকে তাহার স্রষ্টার প্রতি কর্তব্য এবং মানবতার প্রতি দায়িত্ব প্রতিপালনে যে শিক্ষা অনুপ্রাণিত ও উদ্বোধিত করিয়া তুলিবে তাহাই প্রকৃত শিক্ষা। প্রাথমিক যুগের মুছলমানগণ ইহা উপলব্ধি করিয়াছিল যে, রচুল্লাহ (দঃ) যে জ্ঞানার্জনকে মুছলমানদের জন্ত অপরিহার্য ঘোষণা করিয়াছেন, তাহা এমন এক সত্যোজ্জ্বল সুন্দরতম ও শ্রেষ্ঠতম শিক্ষা যাহা তাঁহার মাধ্যমে আল্লাহতা’লা মানবজাতির কল্যাণ, মুক্তি ও মোক্ষলাভের জন্ত অবতীর্ণ করিয়াছেন। তাই তাঁহারা এই প্রত্যাশিত জ্ঞান অর্জনের জন্ত পরম আগ্রহে

আগাইয়া আসে। এই শিক্ষাতেই ছিল তাহাদের ধর্মীয়, নৈতিক, আইনগত বিধিবিধান এবং ব্যাষ্টি ও সমষ্টি জীবনের সকল প্রয়োজন ও সর্বসমস্তা সমাধানের সুস্পষ্ট পথনির্দেশ।

নিজে অক্ষর জ্ঞানলাভ না করিয়াও রচুল্লাহ (দঃ) লিখন ও পঠন বিদ্যার সম্প্রসারণের জন্ত কুরুপ আগ্রহান্বিত ছিলেন নিম্ন ঘটনা হইতেই তাহা সুস্পষ্টভাবে বুঝা যাইবে। বদর যুদ্ধে বহু সংখ্যক মক্কাবাসী মুছলমানগণের হস্তে ধৃত হইয়া মদীনায় আনীত হয়। বন্দীদের মুক্তিমূল্য ৪০০০ হাজার রোপ্যমুদ্রা নির্ধারিত হয়। যাহারা এই অর্থ প্রদানে অক্ষম হয়, তাহাদিগের সযক্কে রচুল্লাহ (দঃ) এই নির্দেশ জারি করিলেন যে, তাহাদের প্রত্যেককে মদীনার ১০ জন মুছলিম বালক-বালিকার শিক্ষাদানের পরিবর্তে মুক্তি দেওয়া হইবে। ছাত্রগণের এইরূপ নির্দিষ্ট পরিমাণ শিক্ষাগত যোগ্যতা অর্জনের পরই তাহাদিগকে ছাড়িয়া দেওয়া হয়। যায়েদ বিন ছাবিত—যিনি পরবর্তী জীবনে রচুল্লাহর (দঃ) কাতেবের কার্যে নিয়োজিত হন এবং কোরাণের বহু আয়াত লিপিবদ্ধ করেন—এই ব্যবস্থার সাহায্যেই শিক্ষাপ্রাপ্ত হইয়াছিলেন। পরে রচুল্লাহ (দঃ) তাঁহাকে মদীনায় ইয়াহুদীগণের মধ্যে প্রচলিত হিব্রু বর্ণমালা শিক্ষা লাভের আদেশও প্রদান করিয়াছিলেন।

প্রাথমিক খলিফা চতুর্থের যুগে খেলাফতের ক্রম-বর্ধমান সাম্রাজ্যে ইছলামী শাসনপদ্ধতি প্রবর্তিত ও প্রতিষ্ঠিত করার কার্যে আরববাসীগণের প্রতিভা ও কার্যক্ষমতা প্রযুক্ত হওয়ায় শিক্ষার প্রসার ও প্রগতি সাধনে খুব বেশী দূর অগ্রসর হইতে না পারিলেও ইছলামের মৌলিক নীতি এবং কোরআন ও হাদীছের শিক্ষাদানের কাজ অব্যাহত গতিতে চলিতে থাকে। কোরআনের বিদ্যায় পারদর্শী ও ক্বারীরুন্দ খেলাফতের সর্বপ্রান্তে প্রেরিত হন এবং খলিফার নির্দেশক্রমে জনগণের সহিত সংযোগ স্থাপন পূর্বক—বিশেষ করিয়া প্রতি গুরুবার প্রধান প্রধান মহজিদগুলিকে কেন্দ্র করিয়া—এই গণশিক্ষা প্রচারণার কাজ চালাইয়া যান।

উমাইয়া যুগে ব্যাপক আকারে প্রাথমিক শিক্ষা প্রব-

র্তিত হয় এবং মুছলিম সমূহ শিক্ষা বিস্তারের কেন্দ্ররূপে ব্যবহৃত হইতে থাকে। পরে পৃথক শিক্ষাগার সমূহও প্রতিষ্ঠিত হয়। শিশুর ৬-বৎসর বয়সে পদার্পণ করার সঙ্গে সঙ্গে তাহাকে নিয়মিত শিক্ষাদানের জন্ত মুছলিমে কিস্বা শিক্ষাগারে ভর্তি করান হইত। কোরআন মজিদের পঠনকে সর্বাধিকার দেওয়া হইত, সঙ্গে সঙ্গে ওজুর পদ্ধতি, নামাজের ছুরা, দোওয়া দরুদ ও নিয়মকানুন এবং জামাতে নামায পড়ার অভ্যাস শিক্ষা দেওয়া হইত। হস্তলিপি, অঙ্ক, রুহুল্লাহ (দঃ) এবং অগ্রাণ্ড মহৎ জীবনের পুত্চরিত্র ও পুণ্য কাহিনীর সহিতও শিক্ষার্থীদের পরিচয় লাভের ব্যবস্থা পাঠ্যতালিকার অন্তর্ভুক্ত থাকিত। বিখ্যাত কবিগণের শিক্ষাপ্রদ কবিতা পাঠনের ব্যবস্থাও এই প্রাথমিক শিক্ষা হইতে বাদ পড়িতনা।

আব্বাসীয় খলিফাগণের রাজ্য শাসনকালে মুছলিম জগতে শিক্ষার প্রভূত উন্নতি ও ব্যাপক প্রগতি সাধিত হয়। খেলাফতের সর্বত্র দীর্ঘস্থায়ী শান্তি প্রতিষ্ঠিত থাকায় একদিকে যেমন ব্যবসায় বাণিজ্যে অসাধারণ উন্নতি এবং আর্থিক সমৃদ্ধি সর্বক্ষেত্রে প্রচুর্ধের বান ডাকিয়া আসে, অত্রাং তেমনি শিক্ষার ব্যাপক প্রসার ও বহুমুখী প্রগতির ফলে আত্মিকক্ষেত্রেও এক চমকপ্রদ অভিব্যক্তি পরিদৃষ্ট হইতে থাকে। এই যুগেই মুছলমানগণ প্রাচীন গ্রীস, পারস্য ও ভারত-বর্ষের বৈজ্ঞানিক, দার্শনিক ও সাহিত্যিক ভাবধারার সহিত পরিচিত হওয়ার সুযোগ প্রাপ্ত হয়। অপব পক্ষে মুছলিম শিক্ষা ও সভ্যতা এবং ইছলামী নীতি ও ভাবধারাও উক্ত দেশ সমূহে প্রচারিত হইতে থাকে। তাবের এই আদান প্রদানের ফলে মুছলমানগণের আকিদার স্বাতন্ত্র্য ও ইছলামী ভাবধারার বৈশিষ্ট্য অনেক স্থলে প্রভাবিত এবং ক্ষুণ্ণ ও ক্ষতিগ্রস্ত হয়। কিন্তু বৈজ্ঞানিক ও গাণিতিক এবং অগ্রাণ্ড জাগতিক জ্ঞান ও চিন্তাধারায় তাহাদের হৃদয়ক্ষেত্র প্রসারিত হয়। উচ্চশিক্ষার জন্ত স্থাপিত মাদ্রাসা বা কলেজ সমূহের পাঠ্য তালিকায় এই আদান প্রদানের সুস্পষ্ট ছাপ প্রতিফলিত হয়। এই সব উচ্চ শিক্ষাগার সমূহে যে শিক্ষা প্রদান করা হইত উহাকে দুইভাগে বিভক্ত করা যায়—১ম আল-উলুমুন নাকলিয়া

(العلوم النقليّة) বা ধর্মীয় শিক্ষা, যথা কোরআন, হাদীছ, আইন, সাহিত্য প্রভৃতি। দ্বিতীয়, আল-উলুমুল আকলিয়া--(العلوم العقلية) বা বুদ্ধিগত শিক্ষা—দর্শন, অঙ্কশাস্ত্র, জ্যোতির্বিজ্ঞা, পদার্থ বিজ্ঞান, রসায়ন, চিকিৎসাশাস্ত্র প্রভৃতি।

খেলাফতের কেন্দ্রীয় রাজধানী শুধু বাগদাদেই শিক্ষার এই ধারা অল্পমত হয় নাই। বহুবিস্তৃত সাম্রাজ্যের অগ্রাণ্ড বৃহৎ সহরসমূহের প্রতিষ্ঠিত কলেজ ও বিশ্ববিদ্যালয়গুলিতেও কম বেশী ধর্মীয় ও পার্থিব শিক্ষার সমন্বয় সাধন করা হয়। নিযামিয়া, মুছতানচািরিয়া এবং আল আযহার বিশ্ববিদ্যালয় সমূহের নাম এই প্রসঙ্গে বিশেষ ভাবে উল্লেখযোগ্য বিবেচিত হইতে পারে।

মোটের উপর একথা নিঃসন্দেহেই বলা যায় যে, পাবে যে, শুরু হইতেই মুছলিম শিক্ষা প্রণালী ইছলামের ধর্মীয় প্রকৃতি ও নৈতিক উদ্দেশ্যকে সন্মুখে রাখিয়াই অগ্রসর হইয়াছে। কোন সময়ই উক্ত শিক্ষা এই আদর্শ হইতে বিচ্যুত অথবা ধর্মীয় প্রভাবশূন্য হইয়া পড়ে নাই। ইছলামের বিশিষ্ট ভাবধারার সহিত সামঞ্জস্য রক্ষা করিয়াই উহার সিলেবাস বা পাঠ্য তালিকা প্রস্তুত হইত। কখনই উক্ত পাঠ্য তালিকার পার্থিব ও অপার্থিব শিক্ষার মধ্যে পার্থক্যের সীমারেখা অঙ্কিত হয় নাই। প্রকৃত পক্ষে কোন সত্যকারের মুছলিম সমাজে এমন উদ্ভট প্রশ্ন উত্থাপিতই হইতে পারেনা। কারণ ইছলামে ধর্ম জীবন হইতে বিচ্ছিন্ন ব্যাপার নয়, উহা জীবনের সহিত ওতপ্রোত ভাবে সম্পর্কিত। কতিপয় ধর্মীয় মতবাদের ও উপদেশ বাণীর একত্র সন্নিবেশের নাম ইছলাম নয়। ইছলাম মুছলিম—জীবনের সর্বক্ষেত্র ও সকল স্তরের ক্ষুদ্রাদপি ক্ষুদ্র ব্যাপারকেও নিয়ন্ত্রিত করিয়া থাকে। বলাবাহুল্য শিক্ষার জায় মুছলিম জীবনের এমন গুরুত্বপূর্ণ ব্যাপার কস্মিনকালে থাটি ধর্মীয় ভাবধারায় প্রভাবিত ও অল্প-রঞ্জিত না হইয়া পারেনা। সুতরাং একথা বলা যেটেই শক্ত নয় যে, ধর্মীয় শিক্ষা মুছলমানগণের শিক্ষা ব্যবস্থা ও পাঠ্যতালিকার চিরদিন কেন অবিচ্ছেদ্য অঙ্গরূপে বিবেচিত এবং শিক্ষার প্রথম ও

শেষ কথার মর্যাদাপ্রাপ্ত হইয়া আসিয়াছে—আর কেন মুছলিম ইতিহাসের প্রত্যেক স্তরে শিক্ষার কারি-কুলামে উহা শিক্ষা-ব্যবহার অন্তরাআরুপে স্বীকৃতি পাইয়াছে।

ভারতবর্ষের মুছলিম ছুলতান ও সম্রাটগণ ইতি-হাসের পৃষ্ঠায় শুধু—শ্রেষ্ঠ বিজয়ী, ক্ষমতামত্ত শাসক এবং মহান অট্টালিকা-নির্মাতারূপেই প্রসিদ্ধি অর্জন করেন নাই, তাঁহারা তাঁহাদের সুপরিব্যাপ্ত সাম্রাজ্যের সর্বত্র বিদ্যাচর্চার উদার পৃষ্ঠপোষক এবং সাধারণ শিক্ষার পরম উৎসাহদাতারূপেও বিখ্যাত হইয়া রহিয়াছেন। ইহাদের কাহারো কাহারো রাজত্বকালে শিক্ষা দীক্ষা এবং সাহিত্যিক সৃজনশীলতার যথেষ্ট প্রগতি সাধিত হইয়াছিল। সম্রাট এবং তাঁহাদের আমির ওমারা দেশের সর্বপ্রান্তে অসংখ্য মক্তব ও মাদ্রাছা প্রতিষ্ঠিত করিয়াছিলেন। সাধারণতঃ এই উদ্দেশ্যে মুছলিম সমুহই ব্যবহৃত হইত এবং শিক্ষার কারিকুলামে ধর্মীয় শিক্ষাকে সর্বাধিক গুরুত্ব প্রদান করা হইত। লিখন, পঠন ও অঙ্ক (3 'R's—Reading, Writing & Arithmetic) প্রাথমিক শিক্ষার অপরিহার্য অঙ্গরূপে পরিগণিত হইত। মাদ্রাছা সমুহ উচ্চ শিক্ষার জন্ত সুনির্দিষ্ট ছিল এবং ঐগুলি প্রধানতঃ মুছলিম এবং ওলি আওলিয়াব দরগাহের সহিত সংশ্লিষ্ট থাকিত। কোরআন, হাদীছ, ফেকাহ, কালাম প্রভৃতির শিক্ষা ছাড়াও পার্শ্বিক জ্ঞানমূলক বহু বিষয় মাদ্রাছার পাঠ্য তালিকার অন্তর্ভুক্ত ছিল। সমাজ-বিজ্ঞান এবং ধর্ম-বিজ্ঞান দুই-ই ওতপ্রোত ভাবে শিক্ষা দেওয়া হইত। এই ভাবে ধর্মীয় ও লৌকিক উভয়বিধ শিক্ষার ভিতর সমন্বয় সাধিত হইয়াছিল।

মাদ্রাছার স্থাপনিতাগণ কত'ক উহাদের পরি-চালনা ও ব্যয় নির্বাহের জন্ত প্রচুর ভূসম্পত্তি ওয়াকফ করিয়া দেওয়া হইত। এই ওয়াকফ সম্পত্তির আয় হইতে অধ্যাপকগণকে বেতন এবং ছাত্রবৃন্দকে বৃত্তি প্রদান করা হইত। এই ধরনের মাদ্রাছা ছাড়াও মোগল সম্রাটগণ শিক্ষা প্রসারের জন্ত অল্প উপায়ও উদ্ভাবন করিয়াছিলেন। তাঁহারা সরকারী রাজস্ব হইতে সাম্রাজ্যের বিভিন্ন অংশের প্রসিদ্ধ মনীষী ও

পণ্ডিতবৃন্দের জন্ত নিয়মিত অর্থ মনস্কর করিতেন। ইহার উদ্দেশ্য এই ছিল যে, তাঁহারা যেন সাংসারিক চিন্তা হইতে নির্লিপ্ত থাকিয়া সমস্ত মনে প্রাণে শিক্ষা দানের পবিত্র কাজে আত্মনিয়োগ করিতে পারেন। এই ব্যাপারে হিন্দু ও মুছলমান পণ্ডিতবৃন্দের মধ্যে কোন তারতম্যের নীতি অনুসৃত হইতনা। এই মর্মে শাহী ফরমান আজও কোন কোন পরিবারে সুরক্ষিত রহিয়াছে। সম্রাট জাহাংগীর মাদ্রাছা সমূহের সুপরিচালনার নিমিত্ত আরো একটি উপায় আবিষ্কার করিয়াছিলেন। তিনি এই মর্মে এক ফরমান জারী করিয়াছিলেন যে, কোন ঐশ্বর্যশালী ব্যক্তি উত্তরাধিকারী না রাখিয়া অথবা কোন বিশেষ মর্মে উইল না করিয়া মৃত্যুমুখে পতিত হইলে, তাঁহার ভূসম্পত্তি সরকারী তত্ত্বাবধানে চলিয়া যাটবে এবং উহার নিয়মিত আয় মাদ্রাছা এবং ওলী আউলিয়াব চিকিৎসাকেন্দ্রের সংরক্ষণের জন্ত ব্যয়িত হইবে। এই ফরমানের শুভ পরিণাম স্বরূপ অর্থা-ভাবে ধর্ম-প্রায় পুরাতন বিজ্ঞান সমুহ নতুন ভাবে উৎসাহী ছাত্র এবং শিক্ষকগণ কত'ক পুন-রুজ্জীবিত ও সুপরিচালিত হয়। শাহান শাহ জাহাংগীর তাঁহার সুবিখ্যাত স্মৃতি কথায় [Memoirs] আগ্রার শিক্ষার প্রসার সম্পর্কে নিম্নলিখিত মন্তব্য করিয়াছেন—

“The people of this place have a thirst for knowledge, so that scholar of every creed & community have gathered there in large numbers” অর্থাৎ এই রাজ্যের অধিবাসীবৃন্দ জ্ঞান পিপাসায় আকুলিত হইয়া শ্রেণী ধর্ম নির্বিশেষে বিপুল সংখ্যায় এই শহরে সম্মিলিত হইয়াছে।

শুধু সম্রাট ও ছুলতানগণই যে জ্ঞানচর্চায় উৎসাহ-দান এবং শিক্ষা-বিস্তারের মহৎ কাজে পৃষ্ঠপোষকতা করিতেন তাহাই নহে, রাজ্যের আমীর ওমারা এবং অগ্ণাত উচ্চপদস্থ সম্ভ্রান্ত ব্যক্তিগণও এই কাজে একে অপরের প্রতিযোগিতায় অবতীর্ণ হইতেন। আরো লক্ষণীয় বিষয় এই যে, সরকারী সাহায্য ও সহায়ভূতি-পুষ্ট শিক্ষা প্রতিষ্ঠান ছাড়াও রাজ্যের বহু মনীষী

ও স্বাধীন স্বাধীন প্রচেষ্টা ও বেসরকারী অর্থায়নকূলে বহু শিক্ষা প্রতিষ্ঠান গড়িয়া তুলিয়া জ্ঞান-বিস্তারের পবিত্র কাজে তাঁহাদের জীবন কাটাইয়া দিয়াছেন।

### ব্রিটিশ ভারতে শিক্ষা

ইংরাজদের হাতে রাষ্ট্রশাসন ক্ষমতা হস্তান্তরিত হওয়ার ফলে আমাদের দেশ পাশ্চাত্যের প্রত্যক্ষ প্রভাবে আসিয়া পড়ে এবং এই প্রভাব জাতীয় জীবনের সর্বস্তরে অগ্নাধিক অনুভূত হইতে থাকে। কোম্পানী সরকার তাহাদের রাজত্বের প্রথম দিকে প্রজাবৃন্দের শিক্ষার ব্যাপারে নিরপেক্ষ নীতি অবলম্বন করেন। দেশীয় লোকদের শিক্ষাদানকে কোম্পানী নিজেদের দায়িত্ব বলিয়া স্বীকার করিতে চাহেন না। ১৮১৩ খৃষ্টাব্দের Charter Act অনুসারে সর্বপ্রথম এতদেশীয় সাহিত্যের পুনরুদ্ধার ও উন্নতিসাধন এবং দেশীয় বিদ্বানগণের উৎসাহদান কার্যকে নীতি হিসাবে গ্রহণ করা হয়। ১৮৩৪ খৃষ্টাব্দে লর্ড ম্যাকোলের রিপোর্টে [Lord Macaulay's Minute] হিন্দু ও মুছলমানদিগকে দেশের শাসন ব্যবস্থায় সহায়তা করার উপযুক্তরূপে গড়িয়া তোলার কার্যকে শিক্ষার—উদ্দেশ্যরূপে নির্ধারিত হয়। ইহার অব্যবহিত পরেই তদানীন্তন গভর্নর জেনারেল লর্ড উইলিয়ম বেন্টিন ১৮৩৫ খৃষ্টাব্দের ৭ই মার্চ একটি প্রস্তাবে ঘোষণা করেন : The great object of the British Government ought to be the Promotion of European literature & Sciences among the natives of India and that the funds appropriated to education would be best employed in English education alone., অর্থাৎ ভারতবাসীগণের মধ্যে ইউরোপীয় সাহিত্য এবং বিজ্ঞানের প্রচার ও প্রসারই ব্রিটিশ সরকারের মহৎ উদ্দেশ্যরূপে স্থনির্ধারিত হওয়া উচিত এবং শিক্ষার জন্ত স্থনির্দিষ্ট অর্থ একমাত্র ইংরাজী শিক্ষার জন্ত ব্যয়িত হইলেই উহা অধিকতর ফলপ্রসূ হইবে। এইভাবে পাশ্চাত্য শিক্ষাকে ভিত্তি করিয়াই শিক্ষার নীতি নির্ধারিত হয় এবং ১৮৫৪ খৃষ্টাব্দে স্যার চার্লস উড (Sir Chirls Wood) এর ডেসপ্যাচে যাহা ভারতবর্ষে ইংরাজী শিক্ষার ‘ম্যাগ্নাকার্টা’ নামে

পরিচিত—উহা স্থায়ীভাবে গৃহীত ও বলবৎ করা হয়। ইহার পর শিক্ষা ব্যবস্থা পুনর্বিবেচনার জন্ত বহুবার বহু কমিটি নিয়োজিত এবং তাহাদের রিপোর্ট পেশ করা হয়। অবশেষে ১৯২৮ খৃষ্টাব্দে নিয়োজিত হার্টগ—( Hartog ) কমিটি এই ছুফারিশ পেশ করেন যে, ইছলামী কৃষ্টি ও ধর্মশিক্ষা দানের জন্ত বিশেষ শিক্ষা ব্যবস্থা মুছলমানদের বৃহত্তর স্বার্থের পক্ষেই ক্ষতিকারক এবং উক্ত বিশেষ শিক্ষা প্রতিষ্ঠানের শিক্ষার্থীদিগকে সাধারণ স্কুল ও কলেজের দিকে প্রত্যাভিত্তি করার চেষ্টায় ব্রতী হওয়ার ইহাই সর্বাপেক্ষা উপযুক্ত সময়। \*

নূতন শিক্ষা-প্রকরণে বাধ্যতামূলক বিষয়রূপে ইংরাজী শিক্ষার সহিত আধুনিক বিজ্ঞান শিক্ষা প্রবর্তিত করিলেও পাঠ্য তালিকায় পুরাতন পদ্ধতির ভিত্তি স্বরূপ ধর্মীয় শিক্ষা সম্পূর্ণরূপে বাদ দেওয়া হয়। এই বিপ্লবমূলক পরিবর্তন সমাজ জীবনে অদূর প্রসারী ফল বহন করিয়া আনে।

ব্রিটিশ শাসকবৃন্দের এই পদ্ধতি অবলম্বনের পশ্চাতে বিশেষ উদ্দেশ্য নিহিত ছিল। তাহারা ইংরাজীকে অন্ততম বাধ্যতামূলক বিষয়রূপে এই জগুই প্রবর্তন করিয়াছিলেন যে, তাহারা ভাবিয়াছিলেন ইহার মাধ্যমে অধিকসংখ্যক ইংরাজী অভিজ্ঞ লোককে শাসন কার্য নির্বাহের জন্ত প্রস্তুত করিতে পারিবেন। বহুধর্ম, শ্রেণী ও সম্প্রদায় অধ্যুষিত এই বিশাল সাম্রাজ্যে ধর্মীয় ব্যাপারে নিরপেক্ষ নীতি অবলম্বনের প্রেরণা হইতেই তাহারা সাধারণ শিক্ষাগার সমূহে ধর্মমূলক বিষয় ও ধর্মীয় শিক্ষা বর্জন করিয়াছিলেন বলিয়া যুক্তি প্রদর্শন করিতেন।

ইহা হইতে পরিষ্কার উপলব্ধ হইবে যে, ব্রিটিশ কর্তৃপক্ষ মুছলমানদের উপর তাহাদের আদর্শ বিরোধী

\* “The committee came to the conclusion that the continuance of the special schools (in which the courses included teaching in Islamic culture & Religion) on a larger scale is prejudicial to the interests of Muslims” & “the time is ripe & more than ripe for a determined effort to devise political plans to transfer the peoples to ordinary schools & colleges.

ও মনস্তত্ত্বের সহিত অসমঞ্জস শিক্ষা পদ্ধতি চাপাইয়া দিয়া এক বিষম অবিচার করিয়াছিলেন। শিক্ষার নৈতিক ও ধর্মীয় দিক সম্পূর্ণরূপে অবহেলিত হওয়ায় উহার অবশ্যস্বাভাবী ফলস্বরূপ মুচলমানগণ তাহাদের সাংস্কৃতিক মূল্যমানের উপর বিশ্বাস হারা-ইয়া ফেলে এবং শিক্ষিত সম্প্রদায় দুইটি স্পষ্ট ও পরস্পর-বিপরীত শ্রেণীতে বিভক্ত হইয়া পড়ে। সমাজের প্রগতিশীল ও চিন্তাবিদ অংশ এই আধুনিক শিক্ষার গুরুত্ব এবং প্রয়োজনীয়তা উপলব্ধি করিলেও তাহারা সঙ্গে সঙ্গে ইহাও অস্বীকার করিলেন যে, একটি অত্যন্ত গুরুত্বপূর্ণ ব্যাপারে উহার মারাত্মক ত্রুটি অনস্বীকার্য। যে ধর্মীয় শিক্ষা শিক্ষার্থীদের মানসপটে প্রয়োজনীয় নৈতিকবোধ এবং ধ্যান ধারণায় একটা পবিত্রতার ভাব আনয়ন করিত, নূতন ব্যবস্থায় উহারই অবলুপ্তি তাহাদের অন্তরকে পীড়িত করিয়া তুলিল। তাহাদের চক্ষে ইহা সত্যই অত্যন্ত বিষদৃশ্য ঠেকিল। ধর্মীয় ভিত্তিস্থ এই নূতন শিক্ষা ব্যবস্থায় স্পষ্টতই নীতি নৈতিকতার উপাদান অবলুপ্ত হওয়ায় উহা একান্তই প্রাণশূন্য প্রমাণিত হইল। তাহারা দুইটি উপায়ে এই মারাত্মক ত্রুটির সংশোধন করিতে চাহিলেন। প্রথমতঃ পুরাতন প্রকরণের মাদ্রাসা-শিক্ষা—যাহার পাঠ্যতালিকা ধর্মমূলক বিষয়ে ভারাক্রান্ত ছিল তাহাই—যতদূর সম্ভব সংরক্ষণের চেষ্টা করিলেন। কিন্তু এই পুরাতন পদ্ধতির মাদ্রাসা শিক্ষা সরকারী সাহায্য-নিরপেক্ষ অবস্থায় অতি শেচনীয় আর্থিক সঙ্কটের ভিতর দিয়া পরিচালিত হইতে লাগিল। আজও পাকিস্তানের বিভিন্ন প্রান্তে জীবন মরণের সঙ্কটক্ষেপে এই সব মাদ্রাসা তাহাদের স্বাধীন অস্তিত্ব কোনরূপে বাঁচাইয়া রাখিয়াছে।

পুরাতন পদ্ধতির মাদ্রাসা শিক্ষার প্রতীকরূপে আজও পাক-ভারতের সুবিখ্যাত নাদওয়াতুলউলামা (লক্ষ্ণৌ), দারুল-উলুম (দেওবন্দ), জামিয়া-ই-আশরাফিয়া (লাহোর), জামিয়া-ই-মোহাম্মদী (বঙ্গ), দারুল-উলুম-ই-ইছলামিয়া (হায়দরাবাদ, সিন্ধু) আজও স্বমহিমায় বিद्यমান রহিয়াছে। এই সব ধর্মীয় শিক্ষা প্রতিষ্ঠান নিজ নিজ ক্ষেত্রে জাতির গুরুত্বপূর্ণ

খেদমতের আন্ব্যম দিতেছে। কিন্তু উহাদের পাঠ্য-তালিকায় ধর্মীয় বিষয় সমূহের সহিত আধুনিক জ্ঞান-বিজ্ঞান, সাহিত্য, ইতিহাস, রাজনীতি, অর্থনীতি প্রভৃতির যথাযথ সমাবেশ না থাকায় উহা অতি প্রাচীনপন্থী ধর্মীয় শিক্ষা প্রতিষ্ঠানরূপে ইংরাজী শিক্ষিতদের নিকট বিবেচিত হইয়া আসিতেছে।

এই প্রসঙ্গে পাক্সাবে মুচলিম শিক্ষার প্রসার কার্যে আঞ্জুমানে হিমায়েতে-ইছলামের নাম উল্লেখ করা যাইতে পারে। ১৮৮৪ খৃষ্টাব্দে লাহোরের বকে মাত্র ৫০০, টাকা লইয়া কার্য শুরু করিয়া আজ উহা—পাকিস্তানের বৃহত্তম একটি ছাত্রকলেজ, একটা প্রথম শ্রেণীর ছাত্রীকলেজ, ৫টা বালকস্কুল একটা বালিকাস্কুল, একটা তিব্বিয়া কলেজ, একটা বালক এতিমখানা, একটা বালিকা এতিমখানা এবং ধর্মীয় সাহিত্য ও পাঠ্য পুস্তক আব সূদ্দুজ ও নিভুল কোরআন মজিদ প্রকাশনার জগৎসর্বত্র প্রকাশনী বিভাগ সাফল্যের সহিত পরিচালনা করিয়া আসিতেছে। আঞ্জুমান পরিচালিত প্রতিটি স্কুল ও কলেজ ধর্মীয় শিক্ষাকে পাঠ্য-তালিকা-র অবিচ্ছেদ্য অঙ্গরূপে গ্রহণ করিয়াছে। আঞ্জু-মানের অনুরূপে পশ্চিম পাকিস্তানের বিভিন্ন সহরে অনুরূপ বহু স্কুল গড়িয়া উঠিয়াছে।

পাকিস্তান প্রতিষ্ঠান পর পশ্চিম পাকিস্তানের সরকার পরিচালিত অথবা সরকারী সাহায্যপুষ্ট সাধারণ স্কুল এবং মুচলিম জনগণ পরিচালিত ইছলামী স্কুল সমূহের মধ্যে পার্থক্যের সীমারেখা অনেকটা ঘুচিয়া গিয়াছে। পশ্চিম পাকিস্তানের শিক্ষা-বিভাগ সমুদ্র ক্রান্তগতিতে সাধারণ শিক্ষার কারিকুলামে ধর্মীয় শিক্ষা প্রবর্তন করিয়া এই পার্থক্য দূরীকরণের চেষ্টা করিয়াছেন। পাক্সাব বিশ্ববিদ্যালয়, ঢাকা বিশ্ব-বিদ্যালয় প্রভৃতি উচ্চ শিক্ষাপ্রতিষ্ঠানে ইছলামিয়াত বা ইছলামী ইতিহাস ও কৃষ্টি বিষয়ে শিক্ষাদানের ব্যস্থা করা হইয়াছে। ঢাকা বিশ্ববিদ্যালয়ে পূর্ব হইতেই ইছলামিক স্টাডিজ্, বিভাগে কোরআন, তফছীর, হাদীছ, ফেকাহ, কালাম প্রভৃতি শিক্ষা-দানের ব্যবস্থা ছিল। কিন্তু উহার সহিত ইছলামী

ইতিহাস, সমাজ-বিজ্ঞান এবং মুছলমানগণের বৈজ্ঞানিক, তামাদুর্নিক অগ্রগতি প্রভৃতি গুরুত্বপূর্ণ বিষয় অন্তরভুক্ত না থাকায় ইছলামী শিক্ষার ব্যাপক সার্থকতা ব্যাহত হইতেছে; পাঞ্জাব বিশ্ববিদ্যালয়ের ইছলামিয়া বিভাগে তফছীর, হাদীছ, ফেকাহ প্রভৃতির সহিত উপরোক্ত বিষয় সংযোজিত করিয়া উহার ক্রেটি সংশোধনের চেষ্টা করা হইয়াছে। একথা কখনই আমাদের বিস্মৃত হওয়া উচিত নয় যে, এক মহীয়ান ধর্মীয় ব্যবস্থা ও গরীয়ান জীবন বিধান এবং সমগ্র মানবতাকে উন্নততর সভ্যতার হরে আগাইয়া নেওয়ার এক প্রাণবান শক্তিরূপে ইছলাম উহার অনুসারীদের আদর্শভিত্তিক সাহিত্যিক, বৈজ্ঞানিক, দার্শনিক, আত্মিক এবং আধ্যাত্মিক মননশীলতার অগ্রগতিকে অস্বীকার করিতে পারেনা। ইছলামকে শুধু তদ্বগত ভাবে বঝিবার চেষ্টাই যথেষ্ট নয়। আমাদেরই মুছলমানদের জীবনে উহার কার্যকরী প্রভাবের দিকেও লক্ষ্য রাখিতে হইবে এবং এই কাজ সন্তোষজনক ভাবে তখনই স্বসম্পন্ন হইতে পারিবে যখন আমরা ইছলামী কৃষ্টি ও তমদুনকে সামগ্রিকভাবে উপলব্ধি ও অনুধাবনের চেষ্টা করিব।

### মুছলিম জগতে ধর্মীয় শিক্ষার গুরুত্ব

পূর্বেই বলা হইয়াছে ইছলামী শিক্ষার অন্ততম উদ্দেশ্য ছিল ধর্মীয়, প্রকৃত প্রস্তাবে উহাই ছিল প্রধানতম উদ্দেশ্য। আলবাকুজী ধর্মীয় উদ্দেশ্যের উপর বিশেষ গুরুত্ব আরোপ করিয়া বলিতেছেন : “আল্লাহর শুভেচ্ছা এবং সন্তুষ্টি অর্জন করাই শিক্ষার একমাত্র উদ্দেশ্য।” ইছলামের দার্শনিক গুরু ইমাম আল-গায্বালী “ফাতিহাতুল-উলুমে” শিক্ষাদানের পবিত্র কার্যকে এক প্রকার এবাদতরূপে মন্তব্য করিয়াছেন। শিক্ষানীতির ভিতর পাখিব স্বার্থবোধ প্রবেশ করিলে উহা নিষ্ফল হইয়া যাইবে। তিনি বলেন, “যে শিক্ষার্থী অর্থোপার্জনের উদ্দেশ্যে কিম্বা সামাজিক প্রতিষ্ঠালাভ অথবা ছুলতানের প্রতি দাম্ভিক এড়াইবার জন্ত বিদ্যা শিক্ষা করে, এবং যে ব্যক্তি আল্লাহর দাসত্ব বরণ ভিন্ন অন্য কোন উচ্চাভিলাস চরিতার্থ করার জন্ত শিক্ষালাভে ইচ্ছুক হয়

সে এক অন্তর্ভ পরিণতির দিকেই নিজেকে আগাইয়া দেয়।” প্রকৃত প্রস্তাবে ইছলামের প্রাথমিক যুগে জ্ঞানার্জনের প্রধানতম লক্ষ্যই ছিল আল্লাহর আনুগত্যে নিজে শিক্ষা করা এবং সাফল্যের সহিত ইহলৌকিক জীবন পরিচালনা ও পারলৌকিক জীবনের জন্ত প্রস্তুতির পন্থা মানুষকে শিক্ষা দান করা।

শিক্ষার আধুনিক মতবাদ ব্যক্তির অন্তর্নিহিত গুণ নিচয়ের পূর্ণ বিকাশকে শিক্ষা সাধনার যথার্থ লক্ষ্যরূপে মানিয়া লইতে চায়। ইহা অস্বীকার করার উপায় নাই যে, মানবীয় সম্ভাবনার পূর্ণ বিকাশের অন্ততম প্রধান উপকরণ হইতেছে ধর্ম। সুতরাং ধর্মীয় শিক্ষা স্বভাবতই স্কুল কারিকুলামে একটি গুরুত্বপূর্ণ স্থান দখল করিতে বাধ্য। ধর্মকে যাহারা জাতীয় জীবনের অত্যাৱশ্যক এবং স্থায়ী উপাদান রূপে স্বীকৃতি দিতে নারায়, তাহাদের পক্ষেই উহার গুরুত্ব অস্বীকার করা সম্ভবপর। ধর্মীয় ও লৌকিক শিক্ষার মধ্যে অতীতে কস্মিনকালে কোন সীমারেখা টানা হয় নাই। আজ কেন এই প্রশ্ন নূতন করিয়া উত্থাপিত হইবে তাহা বুঝা সত্যই দুষ্কর।

### শিক্ষার ইছলামী আদর্শ

ব্রিটিশ আমলে সাম্রাজ্যিক স্বার্থের তাকিদে শিক্ষার্থীকে পুরাপুরি লৌকিক শিক্ষা প্রদান করা হইত। পাকিস্তান প্রতিষ্ঠার পর আজ শিক্ষার লক্ষ্য নূতন ভাবে স্থির করিতে হইবে। রাষ্ট্রীয় আদর্শের ভিত্তিতে—বর্তমান প্রয়োজনের দিকে লক্ষ্য রাখিয়া নূতন করিয়া আমাদের শিক্ষা নীতি নির্ধারিত হওয়া উচিত।

১৯৪৭ সালের নভেম্বরে অনুষ্ঠিত পাকিস্তান শিক্ষা সম্মেলনের প্রথম অধিবেশনেই প্রচলিত ইংরাজী শিক্ষার অন্তর্ভ পরিণতি এবং মুছলমানদের ধর্ম ও সংস্কৃতিবিরোধী বিজাতীয় কৃষ্টি এবং উহার সামাজিক ও নৈতিক—মূল্যবোধের বিপরীতমুখিতার কথা স্বীকার করা হয়। সম্মেলন এই জন্তই দ্ব্যর্থহীন ভাষায় সর্বসম্মতিক্রমে ঘোষণা করেন যে, পাকিস্তানের শিক্ষা পদ্ধতি ইছলামী আদর্শবাদের উপরই প্রতিষ্ঠিত হইবে। অল্প কণায় চরিত্রের উন্নতি এবং অন্তরনিহিত শক্তি নিচয় ও গুণাবলীর সুবিকাশের উপর বিশেষ ঘোর দিতে হইবে। কারণ যে শিক্ষায় চরিত্র গঠনের চেষ্টা নাই উহা শিক্ষা নয়—শিক্ষার কলংক। প্রকৃত শিক্ষা শিক্ষার্থীদের অন্তরে এই উপলব্ধির ভাব




জাগ্রত করিবে যে, তাহারা বিশ্ব মুছলিম ভ্রাতৃদের এক অবিচ্ছেদ্য অঙ্গ। তাহাদিগকে সর্ব সময় ও সর্বত্র লোক সমক্ষে ইছলামী নীতিকে উঁচু করিয়া ধরিতে হইবে এবং ইছলামের সুনির্ধারিত জীবনমান—যাহার নথির অন্ত কোন জীবন ব্যবস্থা অথবা সমাজ দর্শনে মিলিবে না—অনুসরণ করিয়া চলিতে হইবে। সর্বোপরি নূতন বৃহত্তম মুছলিম রাষ্ট্রের স্বাধীন নাগরিকরূপে তাহাদের স্বক্ষে যে বিরাট দায়িত্ব বর্তিয়াছে নূতন শিক্ষা ব্যবস্থা তৎসম্বন্ধে তাহাদিগকে সদা সচেতন ও কর্তব্য সজাগ করিয়া রাখিবে। শিক্ষাকে ধর্মের সহিত সম্পর্কশূন্য রাখিয়া এই মহান উদ্দেশ্যের কৃতকার্যতার আশা বাতুলতা নয় কি?

কোন কোন মহল হইতে এমন অভিযোগ প্রতিগোচর হয় যে, আধুনিক শিক্ষা ইছলামের সংগে সামঞ্জস্যবিহীন। ইছলামের প্রকৃতি ও উহার তাৎপর্য সম্বন্ধে ভ্রান্ত ধারণাই এই অভিযোগের ভিত্তি। এই ভ্রান্তি হইতেই অনেক সরল-মনা ব্যক্তি অনেক সময় ইছলামের আধুনিকীকরণের প্রয়োজনীয়তার উপর গুরুত্ব আরোপ করিয়া থাকেন। এই প্রসঙ্গে ‘অন্ত পরে কা কথা’ খুশান লেখক লর্ড ক্রমারের [Lord Chromer] একটি সংক্ষিপ্ত অথচ মূল্যবান উক্তি উদ্ধৃত করাই যথেষ্ট মনে করি। তিনি বলেন, : If Islam were modernised, it would cease to be Islam, ইছলামের যদি আধুনিক সংস্করণ বাহির করা হয় তাহা হইলে উহা আর ইছলাম থাকিবে না।” প্রকৃত কথা এই যে, ইছলামকে আধুনিকীকরণের প্রগ্রহ সম্পূর্ণ অবান্তর। ইছলাম সার্বকালীন দৈনন্দিন জীবনের ধর্ম, সর্ব যুগের মানব জীবনের সমগ্র ক্ষেত্রে উহার শিক্ষা প্রসারমান। দুর্ভাগ্যক্রমে পাশ্চাত্য শিক্ষার অপপ্রভাবে ইংরাজী শিক্ষিত

দলের একটি প্রভাবশালী মহলে ইছলামকে মানব জীবনের বেগমান গতিপথ হইতে বিচ্ছিন্ন ও নিঃসম্পর্ক একটি বস্তুরূপে কল্পনা করা হইয়া থাকে। এই মনোবৃত্তির ফলেই ধর্মীয় শিক্ষাকে সাধারণ শিক্ষা হইতে সম্বন্ধ-চ্যুত একটি পৃথক বিষয়রূপে ধরিয়া লওয়া হইয়াছে। এই জটাই আধুনিক ইংরাজী শিক্ষা সম্পূর্ণরূপে অনৈছলামিক।

আধুনিক বিজ্ঞানের যথার্থ প্রকৃতি সম্পর্কে ভ্রান্ত ধারণাও উপরোল্লিখিত আপত্তির অন্ততম প্রধান কারণ। কিন্তু স্মরণ রাখা প্রয়োজন যে, বিজ্ঞান খৃষ্টীয় ধর্মের অবদান নয়—উহা ইছলামের আলোকোজ্জ্বল যুগের গৌরবময় উত্তরাধিকার। মুছলিম বৈজ্ঞানিকরাই সর্বপ্রথম যুক্তিতর্কের আরোহ প্রণালী প্রয়োগ ও ব্যাখ্যা করেন। বস্তুত এই প্রণালীর সূত্র কোরআন মজিদেই সন্ধান পাওয়া যাইতে পারে। পবিত্র কোরআনে পুনঃ পুনঃ মুছলমানদিগকে মননশীলতায় উৎসাহ দেওয়া হইয়াছে এবং আল্লাহ মানুষ্যকে যে চিন্তাশক্তি এনায়ত করিয়াছেন তাহার—সহায়তার জন্ত তাকীদ প্রদত্ত হইয়াছে। ইহা হইতে সহজেই বুঝা যাইতে পারে যে, ইছলামে ধর্ম ও বিজ্ঞানের মধ্যে কোন বিরোধ নাই। ইছলামের গৌরবময় যুগে জ্ঞান চর্চা ও বিজ্ঞান সাধনাকে ধর্মীয় কর্তব্যরূপে স্বীকৃতি দেওয়া হইয়াছিল। তখন যেকোন ধর্ম ও বিজ্ঞানের মধ্যে পার্থক্যের অস্তিত্ব ছিল না আজও তেননি নাই। অতীত যুগের অল্পসংখ্য শিক্ষানীতির সহিত বর্তমান শিক্ষার যোগসূত্র পুনঃ স্থাপিত করাই আজিকার সর্বাপেক্ষা বড় প্রয়োজন। \*

\* মরহুম ডক্টর খালিকা শুজাউদ্দীন এম, এ, এল, এল, ডি, এর Muslim Education in Indo-Pak Sub-continent প্রবন্ধ অবলম্বনে,—Vide Al-Islam, November, 1954.



# পূর্ব পাকিস্তানের সাহিত্য সমস্যা

—অধ্যাপক আশরাফ ফারুকী

এডওয়ার্ড কলেজ, পাবনা।

পূর্ব পাকিস্তানের সাহিত্য সমস্যা শিরোনামা দেখে পাঠকদের কতকটা আঁতকে উঠা অস্বাভাবিক নয়। কেননা পূর্ব পাকিস্তানের অধিবাসী মাতেই বহু সমস্যার সংগে পরিচিত। অন্ন-সমস্যা, বস্ত্র সমস্যা, শিক্ষা-সমস্যা, ভাষা-সমস্যা প্রভৃতি থেকে শুরু করে কৃষি-সমস্যা, পাট-সমস্যা, বাণিজ্য-সমস্যা, বস্ত্র-সমস্যা, বাসস্থান-সমস্যা, বেকার-সমস্যা, এমনি আরো কতো শত সমস্যার সংগে এদেশের সাধারণ মানুষের পরিচয়। সুতরাং বহু সমস্যা-জর্জরিত পূর্ব পাকিস্তানীদের কাছে সাহিত্য-সমস্যা নামক এক নতুন সমস্যার কথা উপস্থিত করাই মুশ্কিল। কিন্তু বাস্তবিক পক্ষে সাহিত্য-সমস্যা যে রয়েছে সে সন্দেহে কোন সন্দেহের অবকাশ নেই। কেননা পূর্ব পাকিস্তানের সাহিত্য যে প্রাণ-প্রাচুর্যে ভরে উঠছে না, এতো অত্যন্ত জানা কথা। সুতরাং এর অগ্রগতির পথে প্রতিবন্ধক নিশ্চয়ই রয়েছে। আজ সে সমস্ত অন্ধ প্রতিবন্ধক সমূহের অনুসন্ধান ও তার প্রতি-বিধানের দিকে মনোযোগী হবার সময় এসেছে। নইলে পূর্ব-পাকিস্তানের সাহিত্য যে তিমিরে, সেই তিমিরেই রয়ে যাবে। পূর্ব-পাকিস্তানের সাহিত্যের অগ্রগতির পথে যে সমস্ত অন্তরায় রয়েছে, আমি সেগুলোকেই পূর্ব পাকিস্তানের সাহিত্য-সমস্যা বুঝাতে চাচ্ছি।

## সাহিত্যের আদর্শগত দৃন্দ

ভারতীয় মুসলিম-সমাজের স্বাতন্ত্র্যবোধ থেকেই পাকিস্তানের জন্ম। পূর্ব পাকিস্তানও বাংলাভাষী হওয়া সত্ত্বেও বঙ্গীয়-মুসলিমদের স্বাতন্ত্র্যবোধেরই ফল। ভাষাগত ও ভৌগোলিক বিরাট পার্থক্য থাকা সত্ত্বেও পূর্ব-পাকিস্তান ও পশ্চিম পাকিস্তান যে একরাষ্ট্র গড়ে তুলতে পেরেছে, সে শুধু ভারতীয় মুসলিমদের সমন্বিততা ও সমধর্মিতার পরিণতি। পূর্ব-পাকিস্তানে এই নতুন ভৌগোলিক সংস্থার নিজস্ব সাহিত্যরচনা করার প্রয়োজনীয়তা সর্বাধিক। কিন্তু এই সাহিত্যরচনা করার ক্ষেত্রে যে আদর্শগত দ্বন্দ্ব দেখা দিয়েছে, তাকেই আমি পূর্ব-পাকিস্তানের প্রধানতম সাহিত্য সমস্যা

বলে মনে করি।

## জাতীয়-সাহিত্য বনাম বিশ্ব-সাহিত্য

পূর্ব পাকিস্তানের জনগণের ভাষা বাংলা। ব্রিটিশ আমলে বাংলাভাষী এক বৃহত্তর ভূখণ্ডের অংশ ছিলো এই পূর্ব-পাকিস্তান। কিন্তু ক্রমশঃ পূর্ব-পাকিস্তান ভূখণ্ডের অতীত ঐতিহ্য এবং বর্তমানের নবলব্ধ আদর্শিক চেতনা মিলে একে অথও বাংলাভাষী মূল্য থেকে পৃথক করেছে। পূর্ব-পাকিস্তানের নিজস্ব সাহিত্যরচনা করতে হলে এর অতীত ঐতিহ্য যে বাংলাভাষী অপরাধল থেকে স্বতন্ত্র এবং এর বর্তমান আদর্শগত ভিত্তি যে হিন্দু-বাংলা খণ্ড থেকে আলাদা সেটা স্বীকার করে নিতে হয়। নইলে সাহিত্যে স্বাতন্ত্র্যের রং লাগতে পারেনা। সাহিত্যে জাতীয় আদর্শগত স্বাতন্ত্র্যের প্রয়োজনীয়তা অনস্বীকার্য। এখানে অনেকে প্রশ্ন করতে পারেন, বিশ্বের সকল জাতির সাহিত্যের অন্তর্নিহিত আদর্শ তো একই, কেননা সাহিত্য বিশ্বজনীন। সুতরাং সাহিত্যে জাতীয় স্বাতন্ত্র্যের প্রয়োজনীয়তা কি? এ ক্ষেত্রে আমাদের বক্তব্য হচ্ছে এই যে, আমরা বিশ্ব-সাহিত্যের সর্বজনীনতা অস্বীকার করিনা। কিন্তু বিভিন্ন দেশের বিভিন্ন জাতির নিজস্ব চিন্তাধারা, ধ্যানধারণা, ধর্ম-সাধনা, মনন-মানস ও জীবন-প্রণালীর স্বাতন্ত্র্যের ভিত্তিতে রচিত সাহিত্য কি বিশ্ব-সাহিত্যের সর্বজনীনতার পরিপন্থী? দুনিয়ার বিভিন্ন জাতির শিক্ষা, রুচি-সংস্কার, ধর্ম ও মননগত যে পার্থক্য রয়েছে, তা যদি তাদের সাহিত্যে প্রতিবিম্বিত না হয় তাহলে সাহিত্য সমাজ-জীবনের আলেখ্যে কোন্ অর্থে? সাহিত্যিক যে সমাজ ও পরিমণ্ডলের মানুষ, সেই সমাজ ও পরিবেশের ছাপ তাঁর রচিত সাহিত্যে থাকতে বাধ্য। তা যদি না থাকে, তাহলে বাস্তব সাহিত্য রচিত হতে পারেনা। সে ক্ষেত্রে সাহিত্যিকার যে জীবনকে অঙ্কিত করবেন, সে-জীবন হবে এক বায়বীয় পরিমণ্ডলের ষোঁয়াটে জীবন। এর মানুষেরা সামাজিক রক্তমাংসের দেহী মানুষ না হয়ে, হবে একেকটা অশরীরী প্রেতচ্ছায়া

মাত্র। কোন এক বিশেষ সমাজ-ভুক্ত সাহিত্যিক যদি বিশ্বজনীন চরিত্র অংকন করবার মানস-বিলাসে নিজের সমাজের পরিচিত মানুষকে অংকিত না করে একটা পোষাকী বিশ্ব-মানবের প্রতিনিধি দাঁড় করায় তাহলে সেই মূর্তিটি বাস্তব মানব না হয়ে, হবে কাল্পনিক জগতের “মমি” বিশেষ। প্রতিভাশালী সাহিত্যিক তার নিজের সমাজের চরিত্রকে তার “নিজস্ব স্বরূপে” অংকিত করেই তাকে বিশ্ব-মানবতার প্রতীক করে তুলতে পারেন। গোকর্ঁর ‘মা’ তাই বিশ্বজনীন মাতৃস্বের দাবী করতে পারে, রবীন্দ্রনাথের ‘কবুলিওয়ালা’ এ জন্মেই বিশ্বজনীন পিতৃস্বের প্রতীক হতে পেরেছে। সুতরাং বিশেষকে নির্বিশেষ, ব্যক্তিকে নৈব্যক্তিক-রূপে অংকিত করার জন্মে চাই স্থিতিধর্মী প্রতিভা। কাজেই একথা বলা ঠিক হবেনা যে, জাতীয় স্বাতন্ত্র্যের ভিত্তিতে রচিত সাহিত্য বিশ্বজনীনতার পরিপন্থী। বিশ্ব সাহিত্যকে যদি আমরা বলি একটা বিচিত্র ফুল তাহলে বিভিন্ন দেশীয় বা জাতীয় সাহিত্যকে বলবো তার পাপড়ি। একটা ফুলের বিভিন্ন পাপড়ি বিভিন্ন বণের হলে তাতে ফুলের সৌন্দর্যস্বয়মা বৃদ্ধিই পায়। পাপড়ির বর্ণ-বৈচিত্র্য যেমন ফুলের সৌন্দর্য-স্বয়মার বিরোধী নয়, তেমনি বিভিন্ন দেশের জাতীয় বৈশিষ্ট্য-সমৃদ্ধ সাহিত্য বিশ্বসাহিত্যের পরিপন্থী নয়।

### পূর্ব পাকিস্তানের স্বাতন্ত্র্য

পূর্ব পাকিস্তানের সাহিত্যে যে প্রাণবন্ততা আসছে না, তার প্রধান কারণ হচ্ছে এই যে, পূর্বপাকিস্তানের স্বাতন্ত্র্যের পথে সাহিত্যিকরা সাহিত্য রচনায় হস্তক্ষেপ করছেন না। পূর্ব পাকিস্তানের স্বাতন্ত্র্যের ভিত্তি প্রধানতঃ দুটি। প্রথমতঃ এই ভৌগোলিক সংস্থার অধিকাংশ মানুষ ইছলামী ভাবাপন্ন। ইছলাম এদের জীবনকে নিয়ন্ত্রণ করে এবং এরাও ইসলামী জীবনকেই ফিরে পেতে চায়। এই ইসলামী চেতনাই পূর্ব-পাকিস্তানের স্বাতন্ত্র্যের প্রধানতম ভিত্তি। এই ইসলামী চেতনা থেকেই পূর্ব-পাকিস্তান পাকিস্তান রাষ্ট্রের অংশ। তাই পূর্ব-পাকিস্তানের সাহিত্যের মূল উৎস হবে পাকিস্তানী নব-জাতীয়তার আদর্শিক অঙ্গপ্রেরণা। দ্বিতীয়তঃ ভাষার উত্তরাধিকারের দিক থেকেও ঐতিহাসিকভাবে পূর্ব-পাকিস্তানীরাই “বাংলা ভাষার” প্রকৃত দাবীদার। আরবী পারসীশব বহুল

জনগণের জবানী ভাষা ‘গৌড়ীয় বাংলাই’ প্রকৃত প্রস্তাবে এদেশীয় হিন্দু মুসলমানের মিলিত বাংলা ভাষা। ভারতচন্দ্র প্রমুখদের রচনাই তার প্রমাণ। সংস্কৃত পণ্ডিতরা এ ভাষাকেও যখন ভাষা বলে ফতোয়া দিয়েছেন। আসলে ফোর্ড উইলিয়াম কলেজীয় বৃটিশ পোস্ত্রা ব্রাহ্মণ্য পণ্ডিতদের কারসাজিতেই ‘সংস্কৃত বাংলা’ জন্মপরিগ্রহ করে। প্রকৃত প্রস্তাবে বিজ্ঞাসাগর, তারারাম, বংকিমচন্দ্র প্রবর্তিত সংস্কৃত বাংলাকে “রাঢ়-ভাষা” বলতে হবে। এই ভাষাভাষী যে অঞ্চল হিন্দু-বাংলা তা পূর্বকাল থেকেই ‘রাঢ়’ নামে খ্যাত। পূর্ব-পাকিস্তানের ভূমিই প্রকৃত ‘বাংলা ভূমি’। এই বাংলা ভূমি প্রাচীন হিন্দুভাগের অন্তর্ভুক্ত কখনো ছিলো না। রাঢ়রা এদেশীয়দেরকে ‘বাংগাল’ বলে গালি দেয় আজো। রাঢ় দেশীয় পণ্ডিতবৃন্দ কতৃক পূর্ব-পাকিস্তানের সর্বজনস্বীকৃত ভাষাকে ‘মুসলমানী বাংলা’ বলে অপাংস্তেয় করবার যড়যন্ত্র পূর্ব পাকিস্তানীরা তুলতে পারে না। সুতরাং হিন্দু মুসলিম লেখকদের রচিত বিপুল পুঁথি সাহিত্য পূর্ব-পাকিস্তানী সাহিত্যিক ঐতিহ্যের অন্তর্ভুক্ত। অতএব ভাষা এবং ভৌগোলিক বিচারেও পূর্ব পাকিস্তানের স্বাতন্ত্র্য অনস্বীকার্য।

### পূর্ব পাকিস্তানের স্বাতন্ত্র্য বিরোধী সাহিত্যিক দল

এই স্বাতন্ত্র্যের পরিপ্রেক্ষিতে এখানকার সাহিত্যিক প্রচেষ্টাকে প্রাণবন্ত করে তোলার প্রয়োজন সর্বাগ্রে। কিন্তু দুর্ভাগ্যবশতঃ পূর্ব পাকিস্তানের—সাহিত্যিকর্মীদের মধ্যে অনেকেই এই স্বাতন্ত্র্যকে স্বীকার করেন না। ‘অথগু বাংলা’ ও কলকাতা কেন্দ্রিক বাংলা সাহিত্য আজো এদের হৃদয়ে বিপুল প্রেরণা যোগায়। এদের এক দল শান্তিনিকেতনী শাখত বংগের স্বপ্নে বিভোর। আর এক দল রুশীয় তথাকথিত সাম্যবাদের জয়গানে মাতোয়ারা। এদেরই তৃতীয় দল ক্রয়েডীয় ঘোন বিকারের ধ্বজাধারী। প্রথমোক্ত দল সাহিত্যক্ষেত্রে রোমান্টিসিজমের—মোতাতে বৃন্দ হয়ে রয়েছেন, দ্বিতীয় দল পূর্ব পাকিস্তানের বাস্তব জীবনে শ্রেণী সংঘর্ষ খুঁজে না পেয়ে মহাশূন্তে “হাতুড়ি-শাবল” ছুঁড়ছেন। ক্রয়েডের মুন্দি

তৃতীয় দলটি স্বেচ্ছায় বুঝে রোমান্টিক প্রেমলীলার “উদয়নের” নামে প্রবৃত্তির আরতি করেন, কিংবা স্বেচ্ছায় বুঝে ‘অগত্যা’ সাম্যবাদের নামে ‘যুগের দাবী’ ঘোষণা করেন।

পূর্ব পাকিস্তানে গণ মানুষের পরিচয় এদের সাহিত্যে থাকতে পারে না। পূর্ব পাকিস্তানের— তৌহিদবাদী জনতার প্রাণধর্মের পরিচয়লেশহীন যে সাহিত্য এরা রচনা করছেন, কালধর্মের অমোঘ-নিয়মে তা বিলীন হতে বাধ্য। কিন্তু মুসলিম হচ্ছে এই যে এরা পূর্ব পাকিস্তানের সাহিত্য পরিবেশকে ঘোলাটে, কোন্দলমুখী ও পৃতিগন্ধময় করে তুলছেন। আদর্শবাদী সাহিত্য পরিবেশকে এরা বিধ্বস্ত করছেন। আরো মুসলিম হচ্ছে এই যে নিজের— কল্পনিক জনপ্রিয়তার প্রচার করবার বিস্তর কৌশল এদের নখদর্পণে। এদের বন্ধুবান্ধব অনেকেই পূর্ব-পাকিস্তানের বিভিন্ন সাময়িক ও দৈনিক সংবাদপত্রের সংগে সংশ্লিষ্ট রয়েছেন। তাদের সহযোগিতায় আত্ম-গোষ্ঠির প্রচারণায় এরা ওস্তাদ। উপরন্তু সাহিত্য লিখে যতটা না হোক, ‘সাহিত্য-সংসদ’ গড়ে এবং ‘সাহিত্য ও সংস্কৃতি সম্মেলন’ করে এরাই যে পূর্ব-পাকিস্তানের সেরা লেখক ও শিল্পীগোষ্ঠী তা জাহির করতে ছাড়েন না। কলকাতার সংগে এদের নাড়ীর যোগ অবিচ্ছেদ্য, তাই কলকাতার সাহিত্যিকদের ‘দাওয়াত’ করে এনে তাদের ‘নসিহত’ শোনার প্রবণতা যেমন তাদের মধ্যে পরিস্ফুট হয়, তেমনি নিজের লেখা কলকাতার দু’একটা পত্রিকায় ছাপা হলে এরা আত্মলাভে আটখানা হয়ে উঠেন। কলকাতার ‘দাদা’দের একটুখানি প্রশংসা পেলে এরা অভিভূত হয়ে পড়েন। এই হীনমানসিকতার স্পষ্ট পরিচয় হচ্ছে পূর্ব বাংলার “সমকালীন সেরা গল্প” নামক একখানি সংকলন। এতে বহু অধ্যাতনামা অধাটীন লেখককে গ্রহণ করা হয়েছে শুধু মাত্র দলীর দৃষ্টিভঙ্গি থেকেই। কলকাতা থেকে এর ছাপানোর ব্যবস্থা করার পেছনে কলকাতার সার্টিফিকেটের লোভ ছাড়া আর কি থাকতে পারে?

## পূর্ব-পাকিস্তানে আদর্শবাদী লেখক গোষ্ঠী

পাঠক পাঠিকারা হয়ত ভাবছেন যে, পূর্ব-পাকিস্তানের আদর্শবাদী লেখকগোষ্ঠী কি নেই? রয়েছে নিশ্চয়ই। এও স্বীকার্য যে পূর্ব-পাকিস্তানের সত্যিকার সাহিত্য কিছুটা এরাই সৃষ্টি করছেন। পাকিস্তানের মূল আদর্শের ভিত্তিতে মননশীল আদর্শমূলক সাহিত্য গড়ে তোলবার দিক থেকে প্রবীণদের মধ্যে মাওলানা আকরম খাঁ, মাওলানা আবদুল্লাহেল কাফী প্রমুখ আলেমদের দান সর্বাগ্রে স্বীকার্য। মননশীল সাহিত্যের দ্বিতীয় পর্যায়ে অধ্যাপক আবুল কাসেম, অধ্যাপক মোহাম্মদ আজরফ, অধ্যাপক হাসান জামান, জনাব আবুল হাশিম, মীর শামসুল হুদা, শামসুল হক, মাওলানা মোস্তাফিজুর রহমান, মাওলানা আবদুর রহিম, মোহাম্মদ আবদুর রহমান, আরতুল গফুর, হাসান ইকবাল প্রমুখদের অবদান স্বীকার করতে হয়। প্রথমোক্ত আলেমদের বৈশিষ্ট্য এই যে তারা ইচ্ছামের চিরন্তন রূপটি ইচ্ছামী ব্যবহার শাস্ত্রের আলোকে তুলে ধরেছেন এবং প্রয়োজনস্থলে উক্তির সমর্থনে যুক্তির অবতারণা করেছেন। শেষোক্ত শ্রেণীর লেখকরা ছুনিষার অধুনাতন জ্ঞান-বিজ্ঞানের পরিপ্রেক্ষিতে ইচ্ছামের শ্রেষ্ঠত্ব প্রতিপাদন করতে গিয়ে মূলতই যুক্তিমুখী হয়েছেন। এঁরা প্রধানতঃ ইংরাজী শিক্ষিত। স্তত্রাং ইংরাজী শিক্ষিত বুদ্ধিজীবীদের মধ্যেই এদের রচনার প্রভাব স্বভাবতঃ ক্রিয়াশীল।

মননশীল সাহিত্যের বিবিধ প্রবন্ধ ও সাহিত্য সমালোচনার পুরাতন দলে ডাঃ মোহাম্মদ শহীদুল্লাহ, ডাঃ এনায়েতুল হক, মরহুম আবদুল করিম, মোহাম্মদ বরকতুল্লাহ, মরহুম ওয়াজেদ আলী, অধ্যাপক মনসুর উদ্দিন, প্রিন্সিপাল ইব্রাহিম খান, গোলাম মোস্তফা, সামসুজ্জাহার মাহমুদা প্রমুখ মনস্বী এবং নতুন দলে সৈয়দ আলী আহসান, অধ্যাপক আবদুল হাই, নাজিরুল ইসলাম, সৈয়দ আলী আশরাফ, অধ্যাপক মহিউদ্দিন, আবদুল মওদুদ, অধ্যাপক আবদুল লতিফ চৌধুরী, অধ্যাপক আবুতালিব, আবদুল জব্বার, আকবর আলী, অধ্যাপিকা হালিমা খাতুন প্রভৃতি লেখক লেখিকাদের নমোন্নেত্ব করতে হয়।

## আদর্শ-মানব

মোহাম্মদ আবদুর রহমান, বি, এ, বি, টি।

আল্লাহ জালা। জালালুছ ইচ্ছা করিলে উর্ধ্বগত হইতে অগ্নীর দূত প্রেরণ করিয়া তাঁহাদের মধ্যস্থতায় মানুষের জন্ত তাঁহার মঙ্গল নির্দেশ, প্রদান করিতে ও মুক্তির সুনির্দিষ্ট উপায় বাৎলাইতে পারিতেন, কিন্তু সে পথে অগ্রসর না হইয়া তিনি মানবরূপী রছুল ও নবীদিগকে প্রেরণ করিলেন। তিনি ইচ্ছা করিলে সংসার-বিরাগী, গৃহত্যাগী অথবা ক্ষুংপিপাসা ও ঘোঁনবোধশূন্য ভোগ-নিরাসক্ত

এক মহামানবকে মানুষের চূড়ান্ত হেদায়তের জন্ত প্রেরণ করিতে পারিতেন, কিন্তু তাহা না করিয়া তিনি দুনিয়ার পূর্ণ পরিণত অবস্থায়, মানব সভ্যতার চূড়ান্ত পর্যায়ের সূচনায় এমন মানুষকে তাঁহার পয়গাম-বাহী, দিকদিশারী ও আদর্শ মানবরূপে জগতের বৃকে অবতীর্ণ করিলেন যিনি স্বভাবে প্রকৃতিতে, খেলাধুলায়, আহা-বিহারে, ব্যবসায় বাণিজ্যে, স্নেহ মমতায়, প্রেম-প্রণয়ে, সাধারণ ও স্বাভাবিক

### (২৩৩ পৃষ্ঠার পর)

সৃষ্টিধর্মী সাহিত্যের ক্ষেত্রে কাব্যে পুরানো দলে রয়েছেন গোলাম মোস্তফা, মরহুম শাহাদৎ হোসেন, জসিমুদ্দিন, আবুল হাশেম, আবদুল কাদির, কাদের নেওয়াজ, মইনুদ্দিন, কাজী আকবর হোসেন, বন্দে আলী, সূফিয়া কামাল প্রভৃতি। পাকিস্তানী জাতীয় সংগীত ও ‘পাকিস্তানী কবিতা’ রচনায় গোলাম মোস্তফা ও শাহাদৎ হোসেন কৃতিত্ব দেখিয়েছেন, কাজী আকবর হোসেনের কৃতিত্ব মূলতঃ অন্তর্বাদে। জসিমুদ্দিন ও বন্দে আলী ‘নক্সীকাঁথার মাঠ’ ও ‘ময়নামতীর চর’ পরিভ্রমণ করেছেন। পূর্ব পাকিস্তানের পল্লীজীবনের কাব্য-রূপ দিয়ে এঁরা জাতির ধন্বাদাহ্ হয়েছেন।

পূর্ব পাকিস্তানের কাব্যক্ষেত্রে বলিষ্ঠ শক্তিমত্তার পরিচয় দিয়েছেন নতুন শিল্পীদল। ইসলামী রেনেসাঁর পথে দৃপ্তপদক্ষেপে এগিয়ে এসেছেন কবি ফররুখ আহমদ, তালিম হোসেন, বেনজীর আহমদ, সৈয়দ আবদুল মান্নান, আশরাফ সিদ্দিকী, আবদুর রশীদ খান, মোফাখ্ খারুল ইসলাম, মতিউল ইসলাম, মোহহাক্কুল ইসলাম, রওশন ইজদানী, আবদুল হাই মাশরেকী, মফিজুদ্দিন আহমদ, বজলুর রশীদ, শেখ সাইফুল্লাহ প্রভৃতি। কাব্যক্ষেত্রে এঁরা ‘প্রতিভা’র

পরিচয় দিতে পেরেছেন একথা দৃঢ়কর্মেই ঘোষণা করা যায়। এই দলের অসংখ্য তরুণ কবিদের মধ্যে আবুল খায়ের মুসলেহউদ্দিন, মাহফুজুল্লাহ, চৌধুরী লুৎফুর রহমান, আবু হেনা মোস্তফা কামাল, আবদুর রশীদ ওম্মাসেকপুরী, লতিফা রশীদ, জাহানারা আরজু, মুক্কাহার, প্রমুখদের মধ্যে বিপুল প্রতি-শ্রুতির পরিচয় আমরা পাচ্ছি। পূর্ব পাকিস্তানের সাম্প্রতিক কাব্যের এই সব শিল্পীরা যদি হাততালির মোহে কিংবা বাইরের প্রবোচনায় লক্ষ্যচ্যুত না হন তাহলে পূর্ব পাকিস্তানের কাব্য সাহিত্যের ভবিষ্যৎ সম্বন্ধে হতাশাগ্রস্ত হওয়ার কিছু নেই—একথা দৃঢ়তার সংগেই বলা যায়।

পূর্ব পাকিস্তানের স্বাত্যন্ত-বিশ্বাসী কথা সাহিত্যিক ও নাট্যকারদের মধ্যে পুরানো দলে মাহবুবুল-আলম, ইব্রাহিম খান, আকবর আলী, আবুফা-দ, মুক্কা মোমেন, আবুল ফজল, আবুল কালাম সাম-সুদ্দিন, মতিনউদ্দিন আহমদ, মোতাহার হোসেন প্রভৃতি এবং নতুন দলে শাহেদ আলী, আসকার ইবনে শাইখ, সানাউল্লাহ নূবী, আবজাফর সামসুদ্দিন, মীর্জা আবদুল হাই, মোজাম্মেল সিদ্দিক, আতায়ের রহমান, মিল্লত আলী, সিরাজুল ইসলাম চৌধুরী প্রমুখরা রয়েছেন।

—আগামী সংখ্যায় সমাপ্য।

মানুষেরই সুন্দরতম শ্রেষ্ঠতম প্রতীক ।

প্রাকৃতিক নিয়মেই তিনি মাতৃগর্ভে স্থানলাভ করিলেন, স্বাভাবিক উপায়েই ভূমিষ্ঠ হইলেন, প্রচলিত পদ্ধতিতে-ধাত্রীমায়ের বিধাধর চুষিয়া তাঁহারই কোলে কাঁখে মানুষ হইলেন । শৈশবে খেলাধুলার স্বাভাবিক বৃত্তি, হাসি-কান্না আনন্দ-বেদনার সহজাত দোলায় হিল্লোলিত আন্দোলিত হইলেন, বাল্যে স্বাভাবিক ভাবেই মাঠে ময়দানে মরু উজানে মেষ চড়াইলেন, পরিণত বয়সে বাবসায় বাণিজ্যের সাহায্যে অর্থোপার্জনে মনোনিবেশ করিলেন, যৌবনে জীবন সঙ্গিনীর প্রয়োজনীয়তা সাধারণ ভাবেই অনুভব করিয়া গৃহ সংসার পাতিয়া বসিলেন, দাম্পত্য প্রেম ও অপত্য স্নেহের স্নিগ্ধ মধুর পরশে পারিবারিক জীবনকে মাধুর্যমণ্ডিত করিয়া তুলিলেন । পাড়া প্রতিবেশীকে ভালবাসিলেন, সমাজের দীন দীন দরিদ্র অভাব পীড়িত রুগ্ন দুঃস্থদের দ্বারে গিয়া অর্থ দিয়া, সেবা করিয়া সাহস ও বল সঞ্চার করিয়া তাহাদের অন্তরের মণিকোঠায় এক দরদ-মধুর স্থান প্রস্তুত করিয়া লইলেন, দেশের কলহরত ছন্দ-বিভক্ত বিভিন্ন গেষ্ট্রি মধ্যে প্রেম ও ভালবাসার পুষ্পপরশে মিলন ও ঐক্যের সূত্র রচনা করিলেন ।

কিন্তু মানবীয় বৃত্তি, জৈব ধর্ম ও প্রাকৃতিক নিয়মের নিগড়ে আবদ্ধ থাকিয়া ও প্রচলিত সংস্কার এবং সামাজিক পরিবেশে মানুষ হইয়াও তিনি ছিলেন সমাজের অগ্রাগ্র মানব হইতে স্বতন্ত্র । বিশ্বাস ও আকিদায়, আচরণ ও ব্যবহারে, চালচলন ও কার্যকলাপে তিনি নিজেকে স্বীয় সমাজ ও দেশের সঙ্গে একাত্ম করিয়া তুলিতে পারেন নাই । যে পুষ্পের সুগন্ধি ও সৌরভ উত্তর কালে উহার গন্ধ মাধুর্যে, সুরভি লালিত্যে ও সৌন্দর্য সুসমায় দিগদিগন্ত আমোদিত করিয়া তুলিয়াছিল, তাঁহার পবিত্র হৃদয়-অভ্যন্তরে উহারই অবিকশিত কুঁড়ি—তাঁহাকে কলুষ কালিমা হইতে—অন্যায় কাজ ও গর্হিত আচরণ হইতে দূরে সরাইয়া রাখিয়াছিল ; উহারই স্ফুটনোন্মুখ কলি অপ্রকাশের রুদ্ধ আবেগে—বিকাশ লাভের তীব্রপ্রেরণায় তাঁহাকে মানুষের কলকোলাহল,

স্বার্থদ্রষ্ট, হিংসাদঙ্ক জগতের অশান্ত পরিবেশ হইতে নির্জন নিস্তর হেরাণ্ডহার শান্তপূত পরিবেশে টানিয়া লইয়া যাইত । মানুষের ব্যক্তি ও সমাজ জীবনে এবং তাহাদের মনের গহনকোণে যে আশামানিশার গাঢ় আধার নামিয়া আসিয়াছিল, তাহার চির অবসানের জগ্ন অল্লাহর রহমতের এক ক্ষুদ্র জ্যোতির্কণা তাঁহার হৃদয়ের নিভৃত কন্দরে আবৃত রাখা হইয়াছিল । উহারই অপ্রদীপ্ত তেজের জ্বালা তাঁহাকে সমাজের নৈতিক অধঃপতন, আত্মিক অবচেতনা, শের্ক ও কুকরীর মহাপাতক এবং কলহ বিবাদ, মারামারি, হানাহানি ও রক্তারক্তির বিষাক্ত পরিবেশ পরিবর্তনের উপায় আবিষ্কারের চিন্তায় মশগুল করিয়া তুলিল । উদার উন্মুক্ত মরু-ইলাকা, চন্দ্র-সূর্য-গ্রহ-তারকা আর বিশাল বিশ্বপ্রকৃতির লীলা-বৈচিত্রের মূলকেন্দ্র সর্ব-শক্তির মূলধার সদাজাগ্রত, চিরজীবন্ত মহাজ্যোতির্ময় স্রষ্টা ও প্রতিপালক মহাপ্রভুর ধ্যানসাধনায় তন্ময় তদগত হইয়া—তাঁহার সাহায্য ও পথ নির্দেশের প্রত্যাশায় তিনি দিনের পর দিন রাত্রির পর রাত্রি অধীর প্রতীক্ষায় সময় কাটাইতে লাগিলেন ।

তাঁহার দীর্ঘ সাধনা যে পুণ্যমুহূর্তে সিদ্ধিলাভ করিল, আশা নিরাশার ছন্দের চিরসমাপ্তি ঘটাইয়া—খাননিরত মহামানবের চিত্তফলকে যে শুভক্ষেপে দৈবজ্যোতির প্রথম আলক বিচ্ছুরিত হইল তখন তাঁহার মানবচিত্ত ক্ষণিকের জগ্ন কম্পিত, সন্ত্রস্ত হইয়া উঠিল, ঐশী আলোর বিদ্যুচ্ছটা তাঁহার নর-নয়নকে আলসিত করিয়া দিল । ভীত-বিহ্বল সাধক মোহাম্মদ (দঃ) জিব্রাইলের বক্ষালিঙ্গনে ও অভয় বাণীতে আশ্রয় হইলেন, তাঁহার উচ্চারিত কালামে-ইলাহী পাঠ করিয়া ও হৃদয়ফলকে গ্রথিত করিয়া কম্পিত বক্ষে স্পন্দিত হৃদয়ে গৃহে ফিরিলেন, জীবনসঙ্গিনী শান্তি-দায়িনী খোদেজা বিবিকে ডাকিয়া বলিলেন, “ঢাক আমায় ঢাক—কাপড় দিয়া ঢাক ।”

রক্ত মাংশের মানব সন্তান, প্রাকৃতিক নিয়ম ও জৈবক্ষুধার নিয়ম নিগড়ে আবদ্ধ মাটির মানুষ, আশা-আকাঙ্ক্ষা, ভয়-ভীতি, প্রেম-প্রণয় শোক-দুঃখে আবেগ-চঞ্চল আদম-পুত্র স্বর্গীয় জ্যোতির পুষ্পপরশ লাভ

করিলেন, উধাকাশ হইতে প্রত্যাদেশ প্রাপ্ত হইয়া মানবের জন্ত আলোকদিশারী ও জলন্তবতিকা সাজিলেন—আল্লাহর মনোনিত রচুল নির্বাচিত হইলেন। কিন্তু তাঁহার রেছালত তাহার মানবত্বকে ঘুচাইয়া দিল না। মানুষের সর্বোত্তম প্রতিনিধি বিশ্ব-মানবতার মুক্তিপথ-প্রদর্শক নিয়োজিত হইলেন। তিনি পরবর্তী কালে বজ্রগভীরকণ্ঠে মানুষ যর অবগতি ও হুশিয়ারির জন্ত ঘোষণা করিলেন—

انما انا بشر مثلكم يوحى الى انما اله واحد -

নিশ্চয় আমি তোমাদেরই মত একজন মানুষ, আমার নিকট এই প্রত্যাদেশ করা হইয়াছে যে, তোমাদের উপাশ্র-প্রভু একক আল্লাহ।

রেছালতের মধ্যাহ্নতায় আছমানী আলোর ধারা আঁধার দুনিয়ায় নামিয়া আসিল, স্বর্গলোকের পীযুষ ধারা ভূমিত তাপিত দুনিয়া ও উষর মরুভূমিকে জীবনরসে সিক্ত করার কাজে লাগিয়া গেল। মৃত পাইল প্রাণ, দুর্বল হইল সবল, কঠিন হইল নরম। পতিত মানবতাপ্তত্বের স্তর হইতে সত্যকার মধ্যম্য-ত্বের স্তরে উন্নীত হইল, হৃদয়ের পুঞ্জীভূত কণ্ঠ-কালিমা ও অজ্ঞানতার তামসিকতা দূরীভূত হইয়া বিশোধিত অন্তরে পুণ্যের জ্যোতি ও জ্ঞানের দীপশলাকা স্নিগ্ধ ভাতি বিকীরণ করিতে লাগিল। মানুষে মানুষে, শ্রেণীতে শ্রেণীতে বিভেদের তুর্লজ্য প্রাচীর উৎপাটিত হইয়া সাম্যের মোহনছবি ফুটিয়া উঠিল, শের্ক ও কুফরী, ব্যভিচার ও মান্দকতা অভ্যাগ, নীতিহীনতা ও অন্ধসংস্কার, শোষণ ও নির্যাতন, শিশু-হত্যা ও নররক্তের হোলিখেলা বন্ধ হইয়া আল্লাহর সার্বভৌমত্ব ও তওহীদের ভিত্তিতে, ঋয়নিষ্ঠা ও বিশ্ব-ভ্রাতৃত্বের বন্ধ্যাদে শাস্তি ও কল্যাণের মাধুর্ম্যমণ্ডিত পরিবেশ সৃষ্টি হইল। মৃতকল্প দিশাহারা জাতি এক অকল্পিত জীবন কাঠির পরশে চেতনা-জাগ্রত ও জীবন্ত জাতিতে রূপান্তরিত হইয়া মুক্তির বাণী ও কল্যাণের পুরগাম দিকে দিকে দিশে দিশে আকুল আগ্রহে দৃষ্ট উৎসাহে ছড়াইতে লাগিল। বিশ্বের পতিত মানবতা

মহুযাত্মের উচ্চতম মর্যাদার স্বর্গসিংহাসনে প্রতিষ্ঠিত হইল!

কেমন করিয়া এই অসম্ভব সম্ভব হইল? বাহার পুণ্যসংস্পর্শ, দীক্ষা ও শিক্ষার বর্বরতার সবশেষ প্রান্তে উপনীত, জাহেলিয়তের জমাট আঁধারে সমাচ্ছন্ন জাতি সভ্যতার আলোকে উদ্ভাসিত, জ্ঞানের বিমল ধারায় স্নাত হইয়া উঠিল তাঁহার হস্তে পূর্ববর্তী নবী ও রচুলদের স্তায় অলৌকিক ক্ষমতা বা মো'জ্জার ভাণ্ড ছিল এবং উহার পরিচয়ে আরববাসী বিশ্ব-চমকিত এবং মুগ্ধও হইয়াছিল এবং এই সব অলৌকিক ঘটনার ভিত্তিতে তিনি মানবাতীত অতীন্দ্রীয় ক্ষমতার দাবী করিলে তাঁহার ভক্ত অমুচরবন্দ বিনা দ্বিধায় তাহা বিশ্বাসও করিতেন। কিন্তু তিনি তাহা করেন নাই, বরং তিনি ভবিষ্যতের খবর অবগত আছেন বীর গাঁথায় উল্লিখিত এমন ইঙ্গিতের প্রতিবাদ করিতেও দ্বিধাবোধ করেন নাই। কোরআনের ভাষায় তিনি দৃঢ়কণ্ঠে ঘোষণা করিয়াছেন, —

لا املك لنفسى نفعا ولا ضرا الا ما شاء الله -  
لو كنت اعلم الغيب لاستكثرت من الخير - وما  
مسنى السوء - ان انا الانزير وبشير لقوم يؤمنون -

“আল্লাহ যাহা ইচ্ছা করেন, তাহা ব্যতীত কোন কল্যাণ অথবা ক্ষতির উপর আমার কোন কর্তৃত্ব নাই। গায়বের খবর অবগত থাকিলে পুন্যকাজ আমি অনেক বেশী করিতাম, এবং কোন অন্তায় আমাকে স্পর্শ করিতে পারিতনা। আমি কেবল একজন হুশিয়ারকারী এবং তাহাদের জন্ত শুভ-সংবাদদাতা বাহারী বিশ্বাসী।” রচুলুল্লাহ (দঃ) যে একজন মানুষ ছিলেন এবং মানুষের নিয়ম নিগড়ে আবদ্ধ ও ক্রটিবিচ্যুতির অধীন ছিলেন একথা কোরআন এবং হাদীছে বহু স্থানে বিধোষিত হইয়াছে। তিনি স্পষ্টকণ্ঠে ঘোষণা করিয়াছেন, “নিশ্চয়ই আমি একজন মানুষ, যখন তোমাদিগকে তোমাদের ধর্মীয় ব্যাপারে কোন নির্দেশ প্রদান করি, তখন উহা প্রতিপালন করিও, আর যখন নিজের রায় হইতে—(পাখিব ব্যাপারে) কোন কথা বলি, তখন স্মরণ

রাখিও বে আমি একজন মানুষ মাত্র।”

তাহার জীবনের পবিত্রত উদঘাপনের পথে বাধা আসিয়াছে বিস্তর, কিন্তু কোন বাধাই তাহাকে মুহূর্তের জন্ত দমিত করিতে পারে নাট, তাহাকে প্রলুব্ধ ও বিভ্রান্ত করার জন্য পৃথিবীর শ্রেষ্ঠতম লোভনীয় ও আকর্ষণীয় জিনিস প্রদানের প্রস্তাব করা হইয়াছে কিন্তু তিনি সমস্তই তুচ্ছ মনে করিয়া হেলায় প্রত্যাখ্যান করিয়াছেন। বিপদের উপর বিপদ দুর্লভ্য প্রতিবন্ধকের সৃষ্টি করিয়াছে তিনি অদম্য সাহসে, অনমনীয় দৃঢ়তায় সমস্ত বাধাবিপত্তিকে পায়ে ঠেলিয়া আগাটয়া গিয়াছেন এবং অতি অল্প সময়ে এমন বিশ্বাস্যকর সাফল্য অর্জন করিয়াছেন, হুনিয়ার ইতিহাসে যাহার ন্যায় দুর্লভ—যাহা মানুষের ভাবনার উর্ধে, বল্লভ্য অতীত। কিন্তু এই স্মহান কৃতকার্যতা-লাভে তিনি মানবের সাধ্যাতীত কোন পন্থা অথবা অতীন্দ্রীয় কোন ব্যবস্থা অবলম্বন করেন নাই। নিষ্ঠুর ও নির্দয় অত্যাচারীর মস্তকের উপর পাথরের পাহাড় নিক্ষেপের জন্ত পাহাড়ের ফেবশতা তাহার অন্তর্মতি চাহিয়াছিলেন কিন্তু তিনি সম্মতি দিতে পারেন নাই। মানবীয় চেষ্টায় তাহাদের মনের পরিবর্তন সাধনের আশা পরিত্যাগ করেন নাই। অবশ্য আল্লাহর সাহায্য ও মদদ তিনি সর্বদাই আকুল ভাবে কামনা করিয়াছেন কিন্তু সে সাহায্যযাজ্ঞা অলস, অক্ষম ও কর্মবিমুখের যাজ্ঞা নয়। মুছলমানকে বিপদে আপদে, যুদ্ধে জেহাদে, রুজি রোজগারে, ব্যবসায় বাণিজ্যে—সর্ব অবস্থায় সর্ব ব্যবস্থায় নিজের পাখের উপর দাঁড়াইতে হইবে এবং সঙ্গে সঙ্গে আল্লাহর সাহায্য ও মদদ চাহিতে হইবে—এই বাস্তব শিক্ষাই তিনি দিয়া গিয়াছেন।

অলস ও অক্ষমের সাধনশূন্য মনস্কামনা আল্লাহ কোনদিন মনষুর করেন না। আকাজ্যাহ সিদ্ধিলাভের জন্ত আল্লাহর সাহায্য এবং তজ্জন্ত তাহার নিকট প্রার্থনা জ্ঞাপন যেমন একান্ত কাম্য তেমনি উহার জন্ত সাধনা ও তপস্বী, প্রজ্ঞতি ও সুসজ্জাও অপরিহার্য। রুহুল্লাহ (দঃ) তাহার উম্মতের জন্ত এই আদর্শই স্থাপন করিয়া গিয়াছেন। মুছা (আঃ) তাহার

বিশ্বাস্যকর মোজ্জেজার সাহায্যে নির্ধাতিত বনি ইছরাইলদিগকে ফেরাউনী যুলুমের অক্টোপাশ হইতে উদ্ধার করিয়া আনেন। কিন্তু বনি ইছরাইল মোজ্জেজার কল্যাণে বিপদের আবর্তে ঝাঁপাইয়া পড়ার সংসাহস অর্জন করিতে পারে না, দৈছা (আঃ) অলৌকিক ক্রিয়া কাণ্ডের সাহায্যে তাহার শিশুবৃন্দকে চমকিত করিয়া তোলেন, কিন্তু তাহাদের অন্তরে বিশ্বাসের অবিচল দৃঢ়তা ও অতল গভীরতা সৃষ্টি করিতে পারেন না। মানবতার পূর্ণ পরিণত আদর্শ, বাস্তবতার মূর্তিমান প্রতীক ছারগুয়ারে কায়েনাতে মোহাম্মদ মোস্তফা (দঃ) মদীনা রক্ষার জন্ত অলৌকিক ব্যবস্থা, অতীন্দ্রীয় আয়োজনের উপর নির্ভর করিয়া নিশ্চেষ্ট বসিয়া থাকেন না, তিনি তাহার ঈমান-বল-দৃঢ় জেহাদী ফৌজ বাহিনীকে যুদ্ধের সম্ভাব্য অন্তঃশস্ত্রে সজ্জিত করেন, যুদ্ধের প্রচলিত কলাকৌশল অহুসারে রক্ষাবাহ রচনা করেন, পরিখা খনন করেন। তাহার দ্বীনের সংরক্ষণে, আদর্শের প্রচার ও প্রসারকার্যে তাহার ফেদা-দ্বীন ছাহাবায়ে কেরাম বিপদের অগ্নিকুণ্ডে ঝাঁপাইয়া পড়িতে, শূলে চরিতে, যুদ্ধের বিভীষণ লীলাক্ষেত্রে লাফাইয়া পড়িয়া কলেক্সার তাজা রক্ত ঢালিতে ক্ষণিকের জন্তও দ্বিধা ও কুণ্ঠা বোধ করেন না।

সংসারের কারা-প্রাচীর হইতে মুক্তিলাভ এবং জীবনের সিদ্ধি অর্জনের জন্ত মোহাম্মদ মোস্তফা (দঃ) যুদ্ধের ছায় জ্ঞাপিত পরিবার ও গৃহ সংসার পরি-ত্যাগের আদর্শ তুলিয়া ধরেন নাই, মোক্ষলাভের জন্ত হিন্দুশাস্ত্রকারদের ছায় শেষজীবনে বনবাসের বিধান প্রদান করেন নাই, যিহুজীষ্টের ছায় চির-কুমারত্ব বরণের অবাস্তব পথ প্রদর্শন করেন নাই, বরং মানব সভ্যতার ক্রমবিকশিত ধারায় গড়িয়া উঠা মানুষের আবাসভূমি—গৃহক্ষেত্রে জ্ঞাপিত পরিবারসহ সুখসমৃদ্ধ-জীবন উপভোগের সহজাত বাসনাকে দলিত রাখিত না করিয়া তিনি উহারই ভিতর নিদ্রিষ্ট নিয়মে হুনিয়ার বিচিত্র খাদ-গন্ধ-মাধু্য উপভোগের মাধ্যমে জীবনকে সার্থক ও সুন্দর করার পথ বাংলাইয়া পরপারের অমর ও অনন্ত জীবন-লাভের



# ঐদে-মীলাদুননবী

ডক্টর মোহাম্মদ আবদুল্লাহাবাদী

এম, এ-ডি, ফিল (অক্সন)

প্রতিবারের মত এবারেও বেশ শান শওকতের সাথে পাকিস্তানের সর্বত্র ঐদে-মীলাদুননবী উল্লাসিত হোল। নজরুল দিবস, ইকবাল দিবস বা রবীন্দ্র জয়ন্তীর মত বারই রবিউল-আউয়ালও যেন শুধু একটি ‘দিবসেই’ পর্যাবসিত হ’তে চলেছে। নজরুল দিবসে আমরা যেমন নজরুলের জীবনী, কবিতা, রচনা বা গান ইত্যাদি নিয়ে আলোচনা, সভাসমিতি ও জলসা করে থাকি, নবী দিবসেও আমরা তেমনি বক্তৃতা ও মিলাদখানীর করি ইন্তিজাম এবং আর আর ‘দিবসের’ মত এ দিনটিও শেষ হয়ে যায়

প্রাণহীন অনুষ্ঠান শেষের ক্রান্তিতে। নবী দিবসের সার্থকতা শুধু কি সভা সমিতিতে?

মহানবী মুহাম্মাদ (দঃ) কে আমরা দু’ভাবে গ্রহণ করেছি। একদল তাঁর জীবনের বিভিন্ন বাস্তব-অবাস্তব এবং ঐতিহাসিক কাল্পনিক কেছাকাহিনী ও অলৌকিক ঘটনাবলী ভক্তিগদগদচিত্তে আউড়ে মনে করি যে আমরা তাঁর প্রতি সর্বোচ্চ সম্মান প্রদর্শন করছি। আমরা সম্পূর্ণ ভুলে যাই যে, নবী (দঃ) স্বয়ং এমনি অন্ধভক্তির প্রতি সতর্কবাণী উচ্চারণ করেছেন। কোরআন তাঁর সম্বন্ধে

## (২৩৮ পৃষ্ঠার পর)

নিভুল সন্ধান দিয়া গিয়াছেন।

শুধু সন্ধানই নয়, নিজের জীবনের বিভিন্নস্তরে বিচিত্র অভিজ্ঞতা ও শত সহস্র দৃষ্টান্তের ভিতর দিয়া, দাম্পত্য জীবনের ক্ষুদ্রতম খুঁটিনাটি হইতে আরম্ভ করিয়া রাষ্ট্রশাসনের মৌলিক নীতির অল্পপম আদর্শ উপস্থিত সময় এবং অনাগতকালের উন্নতে-মুছলিমার জগৎ তুলিয়া ধরিয়াছেন। ধর্মনেতা ও সমাজ সংস্কারক, শাসক ও রাজনৈতিক নেতা, সৈন্য ও সেনানী, অত্যাচারিত ও বিজয়ী বীর, আইন-প্রণেতা ও বিচারক, পিতা ও স্বামী, শিক্ষক ও ইমাম, সেবক ও প্রভু, ব্যবসায়ী ও শিল্পী প্রভৃতি জীবনের যে কোন শাখার ও যে কোন স্তরের মানুষের জগৎ তিনি শ্রেষ্ঠতম আদর্শ। তাঁহার বৈচিত্র্য-মণ্ডিত জীবনে প্রত্যেকের জগৎ উত্তম দৃষ্টান্ত এবং শ্রেষ্ঠতম আদর্শ রহিয়াছে। তিনি মুখে যাহা বলিয়াছেন, কাৰ্যে তাহাই পরিণত করিয়া দেখাইয়া গিয়াছেন, অপরকে যাহা উপদেশ দিয়াছেন, নিজে পূর্বেই তাহা পালন করিয়াছেন। অভাবের সময়ে যে নীতিকথা প্রচার করিয়াছেন, প্রাচুর্যের সময়ে তাহা তুলিয়া যান নাই। দুর্বল ও অসহায় মুহূর্তে তাঁহার পবিত্র ঘবান হইতে যে আদর্শ-বাণী উচ্চারিত হইয়াছে, ক্ষমতার অধিষ্ঠিত হইয়া তাহা হইতে

মুহূর্তের জন্তও বিচ্যুত হন নাই। যখন অর্থহীন ও সম্বলহীন তখন তিনি বলিয়াছেন, পাখিব ধন ও স্বর্ণ মাণিক্যে তাঁহার লোভ নাই, যখন ঈশ্বরের পসরা তাঁহার পদতলে লুটাইয়া পড়িয়াছে তখন উহা অকাতরে বিলাইয়া দিয়া নিজে তাঁহার চিরকাম্য দাখিল এবং সরল ও সহজ জীবনকেই বরণ করিয়া লইয়াছেন। যখন নিজে দুর্বল, দুঃস্থ, উৎপীড়িত ও নির্যাতিত তখন ঘোষণা করিয়াছেন, অত্যাচারীকে মার্জনা কর, দুশমনকে ক্ষমা কর। যখন তাহার নিষ্ঠুরতম অত্যাচারী, আজীবন দুশমন পরাজিত পর্যুদন্ত ভীত সন্ত্রস্ত অবস্থায় তাঁহার সামনে আসিয়া দাঁড়াইয়াছে, প্রতিশোধ গ্রহণের অপূর্ণ স্বযোগ হাতে পাইয়া এবং সেই স্বযোগকে কাৰ্যে পরিণত করার মত শক্তি রাখিয়াও বিনাশ্চিন্তায় তিনি অতীতের জঘন্য আচরণ ও তিক্ত অভিজ্ঞতার কথা দেল হইতে সম্পূর্ণ মুছিয়া ফেলিয়া তাহাদিগকে বিনাশতে মার্জনা করিয়াছেন। কথা ও কাৰ্যের এমন সঙ্গতি, প্রতি কাৰ্যে ও আচরণে মহত্ত্বের এমন স্নন্দরতম বাস্তব দৃষ্টান্ত রাখিয়া যাইতে পারিয়াছেন বলিয়াই তিনি সর্বদেশের সর্বকালের ও সর্ব বর্ণের মানুষের জগৎ শ্রেষ্ঠতম, স্নন্দরতম আদর্শ।

বোষণা করছে,

قل انما انا بشر مثلكم يوحى الى انما الهكم  
اله واحد -

“বল, হে মুহাম্মদ (দঃ)—আমি তোমাদের মতই একজন মানুষ মাত্র; (আমার বৈশিষ্ট্য) আমার প্রতি প্রত্যাদেশ হইয়াছে যে, তোমাদের উপাস্ত একক ও একমাত্র।” (আল্কাহফ, শেষ আয়ত) কবি বুসিরী এই ভাবটি অতি সুন্দরভাবে ফুটিয়ে তুলেছেন দু’টি অনবদ্য ছন্দে,

فمبلغ العلم فيه انه بشر \* وانه خير خلق الله كاهم  
“অতএব তাঁর (নবীজীর) সম্বন্ধে মোট কথা হচ্ছে যে তিনি মানুষ এবং তিনি আল্লাহর সকল সৃষ্টির সেরা।” অথচ আমরা মানুষ নবী, পিতা নবী, গৃহী নবী, চিন্তানায়ক, জননায়ক, রাষ্ট্রনায়ক ও সমরনায়ক নবী (দঃ) কে ভুলে মনের পাতায় সর্বদা আঁকছি এক কল্পনার নবী যাকে দূর থেকে আমরা সালামই জানাতে পারি কিন্তু পারিনা অনুসরণ করতে বা আমাদের জীবনদর্শ বলে গ্রহণ করতে। অতীতের অনেক জাতি নবীদের স্বাভাবিক ও সাধারণ জীবন যাপনে আশ্চর্যান্বিত হয়ে মন্তব্য করত,

مال هذا الرسول يا كل الطعام و يمشى في  
الاسواق -

“এ কেমন ধারা রসূল যে খাবার খায় এবং হাট-বাজারেও যায়!” (আল্ ফুরকান, ৮ম আয়ত) রসূলদের সম্বন্ধে এমনিধারা ভুল ধারণা থেকেই উত্তরকালে জন্ম নিয়েছিল নবী-চরিত্র-বিকৃতি যার শেষ পরিণতি আমরা দেখতে পাই ক্রশ ও হজরত জিসার পূজাতে। এ কথা কোন অবস্থাতেই ভুলা যেতে পারেনা যে নবীরা যদি মানুষ না হয়ে আর কিছু হ’তেন তবে নবুওতের কোন সার্থকতাই থাকতনা। নবীরা ধরাধামে নেমে এসেছেন اسوة حسنة বা সুন্দর আদর্শ হয়ে। তাঁরা স্বীয় দৃষ্টান্ত দিয়ে দেখিয়ে দিয়েছেন কেমন করে সত্যিকারের মুসলিমের জীবন যাপন করতে হয় যাতে করে তাঁদের দেখে ও তাঁদের আদর্শ অনুপ্রাণিত হয়ে আমরাও সফলতা, সার্থকতা ও তারাকীর পথে জোর কদমে এগিয়ে যেতে পারি। Example is better than precept—উপদেশের চেয়ে দৃষ্টান্ত ভাল। তাহিত যুগে যুগে দেশে দেশে অধঃপতিত ও

নিপেষিত মানবতার উদ্ধারকরে সত্য, শ্রায় ও সুন্দরের আলোকবর্তিকা হাতে এসেছেন দিশারী নবী।

আর একদল নবী (দঃ) কে সাধারণ মানুষের পর্যায়ে নামিয়ে এনেছি। তাই তাঁর যে কোন আদেশ নিষেধ ইচ্ছামত গ্রহণ বা বর্জন করবার পূর্ণ অধিকারী বলে নিজেদের আমরা মনে করছি। মুহাম্মদ (দঃ) শুধু যে মানুষই ছিলেননা বরং মানবশ্রেষ্ঠ নবী ছিলেন এ কথা বিস্মৃত হয়ে আমরা কোরআনের সে সতর্কবাণী ভুলে যাই যে,  
وما كان لمؤمن ولا مؤمنة اذا قضى الله ورسوله امرا ان يكون لهم الخيرة من امرهم -

“যখন আল্লাহ এবং তাঁহার রসূল কোন বিষয়ে আদেশ করেন তখন বিশ্বাসীদের সে বিষয়ে পসন্দ (অপসন্দের কোন অধিকার) থাকিতে পারেনা।” (আল্-আহযাব, ৩৬ আয়ত)

এবং এ কারণেই ইসলাম বলতে আমরা বুঝি শুধু এর সামাজিক দিকটি। ইসলামের আধ্যাত্মিক ও ব্যবহারিক দিকটি আমাদের ‘যুক্তিবাদী’ দৃষ্টিতে হয়ে পড়ে অর্থহীন শূন্য আচার অনুষ্ঠান।

মা আয়েশাকে একবার জিজ্ঞাসা করা হয়েছিল নবী চরিত সম্পর্কে। তিনি সাথে সাথে জওয়াব দিয়েছিলেন যে নবী জীবনের সম্যক পরিচয় রয়েছে কোরআনে। নবী দিবস আমরা উদ্দ্যাপন করে চলেছি খুব আড়ম্বরের সাথে কিন্তু নবী (দঃ) কে জানতে এবং চিনতে এবং কোরআন পড়তে, বুঝতে ও অনুসরণ করতে চেষ্টা করছি আমরা ক’ জন? কায়েদে আজমের প্রতি মৌখিক ভক্তি জানাতে আমরা তৎপর; তাঁর জন্ম দিবস পালন করতে আমরা উৎসাহী কিন্তু তাঁর উপদেশ মত unity, faith and discipline—একতা, বিশ্বাস ও শৃঙ্খলা—আমরা ক’ জন রক্ষা করি, তেমনি জাঁকজমকের সাথে নবী দিবস উদ্দ্যাপনের মধ্য দিয়ে আমরা শুধু এ সত্যকেই ঢেকে রাখতে চেষ্টা করি যে আমরা নবী জীবন ভুলে গিয়েছি।

নবী (দঃ) এর শিক্ষা গ্রহণ এবং তাঁর আদর্শ অনুযায়ী নিজেদের জীবনকে নিয়ন্ত্রিত করার মধ্য দিয়েই মাত্র আমরা তাঁর প্রতি যথার্থ ভক্তি প্রদর্শন

করতে পারি। এ জন্ত প্রয়োজন ইসলামকে সম্যক  
রূপে উপলব্ধি করা। আমাদের দেশে অনেকেই  
আজকাল নিজ নিজ খেয়াল খুশীমত ইসলামের  
ব্যাখ্যা দিতে শুরু করেছেন। পাকিস্তানী মাত্রই  
পাকিস্তান সাধারণতন্ত্রের সভাপতি হবার 'অধিকারী'  
হলেও 'যোগা' হবেন না। একথা যেমনি স্বীকার্য  
তেমনি এও অনস্বীকার্য যে ইসলাম ও কোরআন  
সম্বন্ধে মতামত প্রকাশ করার জন্মগত 'অধিকার'  
প্রতিটি মুসলমানের থাকলেও সে 'যোগ্যতা' তার  
নেই। 'যোগ্যতা' তাকে হাসিল করতে হ'বে।  
আইনের ব্যাপারে হুদরোগ বিশেষজ্ঞ ডাক্তার—  
সাহেবের দস্ত-আম্বাজী যেমন হাস্যকর হুদরোগে  
উকিল সাহেবের নোসখা দেবার প্রয়াসও তেমনি  
বাতুলতার পরিচায়ক। ওদিকে ল'র ডিগ্রি থাক-  
লেই কেউ রাতারাতি উকিল বনে যেতে পারে-  
না। প্রকৃত উকিল হ'তে হ'লে তাকে সাধনা করে  
আইনের বিভিন্ন ধারা ও দিক সম্বন্ধে প্রত্যক্ষ জ্ঞান  
অর্জন করতে হ'বে এবং সাথে সাথে আইনের  
বিভিন্ন ব্যাখ্যা ও রূপায়ন এবং সমাজের বিভিন্ন  
পরিবর্তন, বিবর্তন ও গতির সাথে তাকে হ'তে  
হ'বে সরাসরি পরিচিত। আমাদের ভুলে গেলে  
চলবেনা যে সাধারণ অর্থে ইসলাম মাত্র একটি  
ধর্ম নয়, ইসলাম একটি জীবন বিধান। মুসলমানের  
জীবনে ইসলামের প্রভাব তাই প্রত্যক্ষ, অন্তরঙ্গ  
ও স্ননিবিড়। অধ্যাপক গীব সাহেব ইসলামের  
এই বৈশিষ্ট্যের প্রতি ইঙ্গিত করেই বলেছেন,—

"Unlike the law which christendom inherited from Rome, therefore, Islamic Law takes into its purview relationships of all kinds, both toward God and toward men, including such things as the performance of religious duties and the giving of alms, as well as domestic, civil, economic and political institutions" অতএব রোম থেকে খৃষ্ট জগত  
যে আইন লাভ করেছিল, ইসলামী আইন তার  
পরিবর্তে খোদা এবং মানুষ উভয়ের সাথে সব রকমের  
সম্পর্ক যথা, ধর্মীয় কর্তব্য প্রতিপালন, যাকাত প্রদান

এবং সাথে সাথে পারিবারিক, নাগরিক, অর্থ—  
নৈতিক ও রাজনৈতিক অমুঠানাদিকেও স্বীয়গতির  
মধ্যে নিয়ে এনেছে।" আকসোস, আমাদের  
অনেকেই ইসলামের এই ব্যাখ্যার সাথে একমত  
নন। আর একমত নন বলেই তাঁদের যখন  
জিজ্ঞেস করা হয় : সব চেয়ে সুন্দর জীবন ব্যবস্থা  
দুন্ধ্যাতে কোনটি? তাঁরা স্বতঃস্ফূর্ত ভাবে বলতে  
পারেন না : ইসলাম। অথচ অমুরূপ প্রশ্নে যে কোন  
কণ্ঠ তৎক্ষণাতই জবাব দিতেন : কমুনিজম। আমা-  
দের রোগ এখানে। মুসলমান বলে দাবী করলেও  
ইসলামের প্রতি আমাদের দরদ কৃত্রিম। মুসলিম  
জগতের বর্তমান দুর্গতির জন্ত অনেকে ইসলামকে  
দায়ী করেন। কিন্তু প্রশ্ন হচ্ছে মুসলিম জাহানের  
অধিবাসীদের ক'জন ইসলামের সত্য অনুসারী।  
আমাদের সমাজ-জীবনে দুর্নীতি, কালোবাজারী,  
মুনাফাখোরী, স্বজনপ্রীতি প্রভৃতি অনাচারের জন্ত  
কি ইসলাম দায়ী? সেবার আদর্শ ত্যাগ করে—  
শোষণের নীতি গ্রহণ করতে মুসলিম জাহানের  
শাসক গোষ্ঠিকে কি ইসলাম শিক্ষা দিয়েছে? দুর্বল,  
দুঃস্থ ও এতীমদের ঘৃণা ও অবহেলা করার অন্তঃপ্রেরণা  
কি ইসলাম দিয়ে থাকে? শিক্ষা, যুক্তি ও তর্কের  
পথ ছেড়ে অশিক্ষা, গোড়ামি ও অন্ধ ভাবলীদের  
পূজারী হ'তে কি ইসলাম বলেছে? জাতীয় কর্ম-  
বিমুখতা ও ব্যক্তিগত উচ্ছৃঙ্খলতার সবকিছু কি ইসলাম  
পড়িয়েছে?

পাকিস্তানকে দুন্ধ্যার বৃহত্তম মুসলিম রাষ্ট্র বলে  
আমরা আত্মশ্লাঘা অনুভব করি কিন্তু বৃহত্তম মুসলিম  
রাষ্ট্রের কর্তব্যের প্রতি আমরা কতটুকু সজাগ?  
আজও কি গ্রাণহীন অমুঠানের মধ্য দিয়েই আমরা  
নবীদ্বসের কর্তব্য শেষ করব না নবীজীবী জীবন অনু-  
ধাবন করতে ও ইসলামকে স্বীয় জীবনে প্রতিফলিত  
করতে আমরা তৎপর হয়ে উঠব? নিজেরা মুসলিম  
হয়ে ও ইসলামী মতে জীবন নিয়ন্ত্রিত করেই  
আমরা বড়ো বড়ো করতে পারি। Chartistly begins  
at home.

# বিশ্ব-পত্রিকা

## ছুলতান ছউদের ভারত ভ্রমণ

বিগত ২৬শে নভেম্বর ছউদী আরবের ছুলতান ছউদ ১৭ দিন ব্যাপী সরকারী ছফরের উদ্দেশ্যে দুই শতাধিক লোকজন ও সঙ্গীসাথী সহ ভারতে তশরীফ আনয়ন করেন। ভারত ও ছউদী আরবের মধ্যে পুরাতন বন্ধুত্ব ও হৃদয়তার সম্পর্ক দৃঢ় করাই নাকি এই ছফরের প্রধানতম উদ্দেশ্য।

অন্তান্ত রাজা বাদশাহ এবং রাষ্ট্রপতিদের সঙ্গে ছউদী আরবের ছুলতানের একটি বড় পার্থক্য এই যে, তিনি ইচ্ছামের আদর্শ ও নীতি বিসর্জন দিয়া আধুনিক দুনিয়ার প্রচলিত রাষ্ট্রীয় নীতি এবং গতা-গুগতিক নিয়মকানুন অমুসরণ করেন না। তাঁহার সম্মানার্থে নাচ গান, ককটেইল পার্টি, ভোজসভায় মত্তপান প্রভৃতি দূরের কথা তাঁহার উপস্থিতিতে ধূম-পান পর্যন্ত না করার অমরোধ জানান হয়। প্রচলিত প্রথায় ছুলতান রাজঘাটে গান্ধীর স্মৃতি মন্দির দর্শন ও পুষ্পমাল্য অর্পণ করিতে যান নাই। পূর্বে প্রচারিত হইয়াছিল যে, তিনি ভারত অধিকৃত কাশ্মীর ভ্রমণেও যাইবেন, কিন্তু সম্ভবতঃ পাক-ছউদী-আরব বন্ধুত্বের কথা স্মরণ রাখিয়া এবং কাশ্মীর সম্পর্কে পাকিস্তানী মনোভাবের প্রতি শ্রদ্ধা ও সহানুভূতি প্রদর্শন করিয়া তিনি শেষ পর্যন্ত ভারত অধিকৃত কাশ্মীর ভ্রমণেও যান নাই।

ছুলতান ছউদের ভারত ভ্রমণের রাজনৈতিক গুরুত্ব খুব বেশী নয় বলিয়াই অনেকের ধারণা। ছউদী আরব সরকারের উন্নয়নমূলক পরিকল্পনা এবং ভারত-ছউদীআরব বাণিজ্যিক সম্পর্কের উন্নতি-বিধান সম্পর্কে আলাপ আলোচনা উক্ত ছফরের অত্যন্ত উদ্দেশ্য বলিয়া প্রকাশ।

## বাংলা একাডেমী

বিগত ৩রা ডিসেম্বর ঢাকার বর্ধমান হাউসে সরকারী ভাবে 'বাংলা একাডেমী'র উদ্বোধন অনুষ্ঠান সম্পন্ন হইয়া গিয়াছে। বাংলা ভাষা ও সাহিত্যের উন্নতি বিধান এই একাডেমীর প্রধানতম উদ্দেশ্য। প্রধান মন্ত্রী আবু হসেন সরকারের উদ্বোধনী বক্তৃতা

এবং শিক্ষামন্ত্রী আশরাফুদ্দীন আহমদ চৌধুরীর— অভিভাষণে এই আশা প্রকাশ করা হইয়াছে যে, বাংলা ভাষা ও সাহিত্য জাতীয় সভ্যতা ও তমদ্দুনের সার্থক বাহন রূপে দুনিয়ার দরবাবে মর্যাদার আসনে সুপ্রতিষ্ঠিত হইবে। বাংলা একাডেমীর প্রধান উদ্দেশ্য হইবে জাতীয় ঐতিহ্যের বাহন আরবী, ফারসী ও উর্দু ভাষায় লিখিত প্রসিদ্ধ গ্রন্থসমূহের অনুবাদ-প্রকাশ।

দুঃখের বিষয় উদ্বোধনী সভায় একপক্ষে মন্ত্রী, এম, এল, এ ও সরকারী কর্মচারীর আধিক্য ও মামুলি আমলাতান্ত্রিক পরিবেশ এবং আড়ম্বর পূর্ণ থানা পিনা, অল্পপক্ষে সাহিত্যিক, সংস্কৃতি-সেবী সাংবাদিক, ছাত্র এবং ইচ্ছামী ভাষাপন্ন নেতৃবৃন্দের অনাহুতি এবং তাঁহাদের প্রতি ওঁদাসীয়া বাংলা একাডেমীর ভবিষ্যৎ সম্ভাবনা সম্বন্ধে আশাষিত ব্যক্তিদিগকে হতাশ ও ক্ষুব্ধ করিয়া তুলিয়াছে।

## আওয়ামী লীগ বনান আওয়ামী মুছলিম লীগ

সাবেক আওয়ামী মুছলিম লীগের এক অংশ পূর্ব পাকিস্তান যুক্ত ফ্রন্ট সরকার গঠন কালেই উক্ত প্রতিষ্ঠানের সহিত সম্পর্ক ছিন্ন করিয়া নূতন সরকার গঠনে অংশ গ্রহণ করেন। সম্প্রতি আওয়ামী লীগ কর্তৃক যুক্ত নির্বাচন সমর্থন এবং অমুছলিমদের জগত ও প্রতিষ্ঠানের দ্বার উন্মুক্ত করার ফলে উহাতে নূতন করিয়া ভাগন শুরু হইয়াছে। কতিপয় বিশিষ্ট নেতা প্রতিষ্ঠানের সদস্য পদ ত্যাগ করিয়াছেন। আওয়ামী মুছলিম লীগ পালার্মেন্টারী পার্টির বহু সংখক এম, এল, এ, ১১ই নভেম্বরের সভায় যুক্ত নির্বাচন এবং 'মুছলিম' বর্জনের প্রতিবাদ জ্ঞাপন করিয়াছেন। ১৭ জন আওয়ামী লীগ এম, এল, এ, স্বাক্ষরিত মিঃ শহীদ ছোহরাওয়ার্দীর নিকট প্রেরিত এক স্মারক-লিপিতে বলা হইয়াছে যে, মুছলমানগণের পৃথক ও স্বতন্ত্র জাতীয়তার ভিত্তিতে পাকিস্তান প্রতিষ্ঠিত হইয়াছে। যুক্ত নির্বাচন মানিয়া লইলে জাতীয়তার কংগ্রেসী ব্যাখ্যা স্বীকার করা হইবে এবং

উহাতে পাকিস্তানের ভিত্তিমূল ধ্বংস হইয়া যাইবে। তাহাদের মতে কম্যুনিষ্ট ও অকম্যুনিষ্ট সমর্থক যুব-লীগের অল্পগত লোকদের প্রভাবেই মুছলিম জাতীয়তা বিরোধী উপরিউক্ত সিদ্ধান্ত গৃহীত হইয়াছে। এই ব্যবস্থার ফলে নাশকতা মূলক কাজে লিপ্ত পাকিস্তানের আভ্যন্তরীন দুশমনগণ আওয়ামী লীগে অহু-প্রবেশ করিবে। আওয়ামী মুছলিম লীগের টিকিটে এবং পৃথক নির্বাচনী প্রথায় নির্বাচিত এম, এল, এ, গণ মুছলিম বর্জিত ও যুক্ত নির্বাচনের সমর্থক আওয়ামী লীগের আত্মগত্য স্বীকার করিতে বাধ্য নহেন।

শুধু পূর্ব পাকিস্তানেই নহে, পশ্চিম পাকিস্তান আওয়ামী লীগেও ভাংগন শুরু হইয়াছে। ইতিমধ্যেই ১২ জন বিশিষ্ট আওয়ামী লীগ নেতা প্রতিষ্ঠানের সহিত সম্পর্ক ছিন্ন করিয়াছেন। তাহাদের অভিযোগে বলা হইয়াছে যে, পাকিস্তানের সার্ব-ভৌমত্ব ও অখণ্ডতা, ইচ্ছামূলক পদ্ধতিতে জীবন যাপন, ভৌগলিক, শ্রেণী ও ভাষাগত বৈষম্য দূরীকরণ, দেশের দুশমনদের ধ্বংসাত্মক কার্যকলাপ ও শ্রেণী-বিষেয রোধ প্রভৃতি উদ্দেশ্য সাধনের কার্যসূচীকেই আওয়ামী মুছলিম লীগ উহার মেনিফেস্টো রূপে গ্রহণ করিয়াছিল কিন্তু বর্তমানে যুক্ত নির্বাচন ও অমুছলিমের প্রবেশাধিকারের স্বীকৃতি দ্বারা উক্ত প্রতিষ্ঠান এই মৌলিক নীতি ও প্রধান উদ্দেশ্য হইতে বিচ্যুত হইয়া পড়িয়াছে।

সর্বশেষ সংবাদে প্রকাশ জাঁকোরী শরীফের পীর ছাহেবকে আহ্বায়ক করিয়া পশ্চিম পাকিস্তান আওয়ামী মুছলিম লীগের সংগঠন কার্য শুরু হইয়া গিয়াছে। শীঘ্রই পূর্ব পাকিস্তানের জগুও একজন—আহ্বায়ক নির্বাচিত হইবেন এবং উভয় প্রতিষ্ঠান মিলিত ভাবে নিখিল পাকিস্তান ভিত্তিতে আওয়ামী মুছলিম লীগের লাহোর মেনিফেস্টো অমুসারে কার্য শুরু করিয়া দিবেন। পৃথক নির্বাচনের সমর্থন এই প্রতিষ্ঠানের অগ্রতম প্রধান কার্যসূচী রূপে গৃহীত—হইয়াছে। আগামী ৬, ৭ ও ৮ই জানুয়ারী পূর্ব পাকিস্তান আওয়ামী মুছলিম লীগের এক গুরুত্বপূর্ণ

সম্মেলন ঢাকায় অনুষ্ঠিত হইবে।

### পুলিস ধর্মঘট

নভেম্বরের শেষের দিকে ঢাকা ও নারায়ণগঞ্জের পুলিশের এক অংশ এবং মফঃস্বলের দুই একটি জায়গায় কয়েকজন পুলিশ তাহাদের কতিপয় দাবী অপরিপূরণের ওজুহাতে কর্তব্য পালনে অস্বীকৃতি জ্ঞাপন করিয়া বসে। সরকারের দ্রুত ব্যবস্থা অবলম্বনের ফলে অবস্থা মারাত্মক আকার ধারণ করিতে পারে নাই। ধর্মঘটী পুলিশদিগকে সঙ্গে সঙ্গে রাজারবাগ ব্যারাকে আটক রাখা হয় এবং পরে তাহাদিগকে জেলে স্থানান্তরিত করা হয়। আনছার ও স্পেশাল পুলিশ অফিসারগণ ঢাকা ও নারায়ণগঞ্জে পুলিশের কাজ চালাইয়া যান। শান্তি ও শৃঙ্খলা রক্ষার দায়িত্বপূর্ণ কাজে নিযুক্ত পুলিশের এই মারাত্মক ধর্মঘট পাকিস্তানে এই প্রথম। প্রকাশ দেশে বিশৃঙ্খলা সৃষ্টি প্রয়াসী আভ্যন্তরীন দুশমনদের প্ররোরচনার এই নাশকতামূলক চর্যটনা সংঘটিত হয়।

সতর্কতামূলক ব্যবস্থা হিসাবে সরকার কম্যুনিষ্ট এবং অগাথ কতিপয় রাজনৈতিক দলের সহিত সংযুক্ত ব্যক্তি ও নেতাকে গ্রেফতার করেন। বিশেষ অমুসন্ধানের পর ইহাদের কয়েকজনকে ছাড়িয়া দেওয়া হইয়াছে। ধর্মঘটের কারণ অমুসন্ধানের জগু একটি তদন্ত কমিটি এবং ধর্মঘটী পুলিশদের বিচারের জগু একজন স্পেশাল ম্যাজিস্ট্রেট নিয়োজিত হইয়াছেন।

### শিক্ষা ব্যবস্থার পুনর্গঠন

২৯শে নভেম্বরের সংবাদে প্রকাশ পূর্ব পাকিস্তানের প্রাথমিক ও মাধ্যমিক শিক্ষাব্যবস্থার পুনর্গঠন সম্পর্কে তথ্য সংগ্রহ এবং সূক্ষ্মাংশ পেশের জগু পূর্বপাক সরকার একটি উপদেষ্টা কমিটি নিয়োগ করিয়াছেন। তাহারা প্রচলিত প্রাথমিক শিক্ষা, মাধ্যমিক শিক্ষার বিভিন্ন প্রকরণ—মিডল ইংলিশ স্কুল, জুনিয়ার হাইস্কুল, জুনিয়ার ও সিনিয়র মাদ্রাসা, হাই মাদ্রাসা ও হাই-স্কুলের অবস্থা ও পুনর্গঠনের প্রয়োজনীয়তা, রাষ্ট্রীয় আদর্শের ভিত্তিতে পাঠ্য তালিকার পরিবর্তন, ধর্মীয় শিক্ষা, পরীক্ষা ব্যবস্থা প্রভৃতি সম্বন্ধে ব্যাপক অমুসন্ধান

ও জনমত সংগ্রহপূর্বক তাঁহাদের চুফারিশ সহ রিপোর্ট দাখিল করিবেন। শিক্ষা ব্যবস্থার সংস্কার এবং পাঠ্য তালিকার পরিবর্তন পাকিস্তানের বহুবিধ অসমাপ্য সমস্যার একটি বিশেষ গুরুত্বপূর্ণ সমস্যা। গতানুগতিক পথে স্বাধীনকার্য পরিচালিত এবং রিপোর্ট উপস্থাপিত না হইয়া ক্রটিমুক্ত স্বাধীনকার্য পরিচালিত এবং জাতীয় আশা আকাঙ্ক্ষা অমুযায়ী প্রকৃত কাজ হইতে দেখিলেই জনগণ সন্তুষ্ট হইবে।

### বাংলাদেয় চুক্তি সম্মেলন

২১ ও ২২শে নভেম্বর বাংলাদেয় পঞ্চজাতি বাংলাদেয় চুক্তি প্রতিষ্ঠানের প্রথম বৈঠক অচলিত হইয়া গিয়াছে। রুটেন, তুরস্ক, ইরাক, ইরান এবং পাকিস্তান উহার সদস্য। ইরাক ভিন্ন আরবলীগের অগ্র কোন সদস্য দেশ উহাতে যোগদান করে নাই। মার্কিনের দুই জন প্রতিনিধি সম্মেলনে পূর্ববেক্ষকরূপে যোগদান করেন। যুক্তরাষ্ট্র এই প্রতিষ্ঠানে সরাসরি যোগদান না করিয়া উহার সহিত সামরিক ও রাজনৈতিক সংযোগ প্রতিষ্ঠার সিদ্ধান্ত করে। প্রধানমন্ত্রী মোহাম্মদ আলী পাকিস্তানের প্রতিনিধিদলের নেতৃত্ব করেন।

উত্তর দিক হইতে সম্ভাব্য কম্যুনিষ্ট আক্রমণের বিরুদ্ধে মধ্যপ্রাচ্যে যৌথ নিরাপত্তা ব্যবস্থা গড়িয়া তোলাই নাকি এই প্রতিষ্ঠানের প্রধান কাজ এবং ইতিমধ্যে এই কাজে যথেষ্ট অগ্রগতি সাধিত হইয়াছে। প্রকাশ্য বিশ্বব্যাপী যে অকম্যুনিষ্ট নিরাপত্তা ফ্রন্ট গড়িয়া উঠিয়াছে, উহার সহিত সংযোগ রক্ষা করিয়া বাংলাদেয় চুক্তি প্রতিষ্ঠান হিমালয় হইতে কৃষ্ণসাগর পর্যন্ত সোভিয়েট ইউনিয়নের দক্ষিণ সীমান্ত বরাবর তুরস্ক, ইরাক, ইরান ও পাকিস্তানকে একই জোটের মধ্যে আনিয়াছে।

বাংলাদেয় চুক্তির অন্তর্ভুক্ত দেশগুলির নিরাপত্তার জন্ত সম্মেলনে একটি সামরিক প্রতিষ্ঠানের ভিত্তি রচিত হয়। নেতৃস্থানীয় অর্থনীতিবিদগণকে লইয়া একটি অর্থনৈতিক কমিটি এবং বৈদেশিক আক্রমণ প্রতিরোধ ও কারিগরি সাহায্য ব্যবস্থার উন্নয়নের জন্ত স্থায়ী সামরিক ও রাজনৈতিক কমিটি গঠিত

হয়। গৃহীত সিদ্ধান্তে সম্মেলনে অংশ গ্রহণকারী সকল সদস্যই সন্তোষপ্রকাশ করেন।

যুক্ত-রাষ্ট্রের সংশ্লিষ্ট অফিসারগণের মতে ইহার ফলে যে সামরিক গুরুত্বপূর্ণ ইলাকার সৃষ্টি হইল— পাশ্চাত্য শক্তির পক্ষে তাহাই বড় লাভ। রুটিশ মহলের মতে ইহা দ্বারা প্রাচ্য ও পাশ্চাত্যের মধ্যে সামরিক, রাজনৈতিক ও অর্থনৈতিক সহযোগিতার নূতন পথ প্রশস্ত হইল। তুরস্কের প্রধানমন্ত্রী বলেন, সম্মেলনে প্রধান দুইটি সিদ্ধান্ত গৃহীত হইয়াছে— সম্ভাব্য কম্যুনিষ্ট আক্রমণ প্রতিরোধ এবং ফেলিস্তিন সমস্যার মীমাংসার চেষ্টা। কিন্তু আরবলীগের অন্তরভুক্ত প্রায় সমস্ত রাষ্ট্রই এই চুক্তির বাহিরে রহিয়াছেন। সিরিয়ার প্রধানমন্ত্রী ফেলিস্তিন সমস্যাকে উক্ত সম্মেলনের অধিকার বহির্ভূত বিষয় বলিয়া উল্লেখ করেন। বাংলাদেয় চুক্তিতে ইরানের যোগদানকে সোভিয়েট বিপজ্জনক বলিয়া অভিহিত করিয়াছেন। নেহেরু হইতে আরম্ভ করিয়া ভারতের বিভিন্ন পত্র পত্রিকার ক্ষুদ্র সম্পাদক ও সাংবাদিকগণ বাংলাদেয় সম্মেলনের প্রসঙ্গে পাকিস্তানকে খোঁচা দিতেছেন।

### আরব রাষ্ট্রসমূহে প্রতিক্রিয়া

ইরাক ভিন্ন আরব লীগের অগ্রাণ্য রাষ্ট্রগুলি এই সম্মেলনকে মোটেই স্বনজরে দেখিতে পারে নাই। তাহারা মনে করে ফেলিস্তিন সমস্যার জন্য পাশ্চাত্য শক্তিবর্গই দায়ী। এই সমস্যার বীজ নিক্ষেপ করে তাহারা, উহা জিয়াইয়া ও রাখিতেছে তাহারা। তাহারা বিশ্বাস করে ১৯৪৮ সাল হইতে আরব রাষ্ট্রগুলিকে অর্থনৈতিক ও সামরিক দিক দিয়া দুর্বল করিয়া রাখিয়া পাশ্চাত্য শক্তিবর্গ ইছরাইলকে প্রভূত পরিমাণে অর্থনৈতিক সাহায্য দিয়াছে, ইংরাজ এবং মার্কিন উভয়েই গোপনে গোলাবারুদ এবং অন্যান্য সামরিক সাহায্য প্রদান করিয়াছে। ১৯৪৮ সালে ইছরাইলকে পরাজিত করার ব্যর্থতার জন্ত মূলতঃ পাশ্চাত্য কারসাজিই দায়ী।

পাশ্চাত্য বিরোধী মনোভাব এখন আরব জাহানে অত্যন্ত প্রবল। এই মনোভাবের জন্তই

জর্দান সরকার অর্থনৈতিক উন্নয়ন পরিকল্পনায় ২০ কোটি ডলার মার্কিন সাহায্য গ্রহণের সিদ্ধান্ত পরি-  
ত্যাগ করিয়াছে। এই জন্তই তুরস্ক-ইরাক চুক্তি এবং  
উহাতে ইরানের অন্তরভুক্তির বিরুদ্ধে বিক্ষোভ  
প্রদর্শিত হয় অথচ মিসর কর্তৃক কম্যুনিষ্ট অস্ত্রক্রয়ে  
কোথাও কোন আপত্তির রব শোনা যায় নাই।

‘ইছরাইল’কে অধিকতর অস্ত্রদানের আবেদন  
ব্রিটিশ সরকার বিবেচনা করিতেছেন। মিসর কর্তৃক  
কম্যুনিষ্ট অস্ত্রক্রয়ে অসন্তুষ্ট আমেরিকার বিভিন্ন রাজ-  
নৈতিক নেতা ‘ইছরাইল’কে অস্ত্র সাহায্য দানের  
ছুকারিশ করিয়াছেন এবং প্রেসিডেন্ট আইসেন হাওয়ার  
‘ইছরাইল’কে “তার সঙ্গত” দেশ রক্ষার জন্ত ‘প্রয়ো-  
জনীয়’ অস্ত্র সরবরাহর কথা বিবেচনার প্রতিশ্রুতি  
দিয়াছেন। অপর পক্ষে মিসর-‘ইছরাইল’ সীমান্তে  
উত্তেজনা হ্রাসের জন্ত জাতিসংঘের যুদ্ধ বিরতির পর্য-  
বেক্ষক আবেদন জানাইয়াছেন। ইহার উত্তরে  
কায়রো বেতারে ঘোষণা করা হইয়াছে, “জাতিসংঘের  
সিদ্ধান্ত ও আবেদনের উপর মিসরের আস্থা নাই।  
মিসর এখন দেশ রক্ষার জন্য তার সৈন্যদের শৌর্যের  
উপরই ভরসা করিবে।”

ইছরাইলকে ইঙ্গ মার্কিন অস্ত্রসরবরাহর বিরুদ্ধে  
মধ্য প্রাচ্যের সর্বত্র প্রবল উত্তেজনা বিद्यমান। এই  
অবস্থায় বাগদাদ চুক্তিভুক্ত দেশগুলির অবলম্বিত  
মধ্যপ্রাচ্য ষোঁধ নিরাপত্তা ব্যবস্থা কতদূর সাফল্য-  
মণ্ডিত হইবে তাহা বলা দুষ্কর।

### ভারত-সোভিয়েট মিতালী

১৮ই নভেম্বর সোভিয়েট প্রধান মন্ত্রী মি:  
বুলগেনীন ও রুশ কম্যুনিষ্ট পার্টির জেনারেল সেক্রে-  
টারী জুশেভকে দিল্লীতে ১২ মাইল দীর্ঘপথের উভয়  
পার্শ্বে দশ লক্ষাধিক লোক বিপুল সন্মিলন জ্ঞাপন করে।  
একপ বিপুল জাঁকজমকপূর্ণ সন্মিলনের দৃশ্য ইতিপূর্বে  
কমই দেখা গিয়াছে। এক পালাম বিমান ঘাটিতেই  
ত্রিশ খুড়ি ফুল জড় করা হইয়াছিল। ফুলে ও মালায়

পথঘাট সজ্জা হইয়া যায়। সোভাইতেও অল্পরূপ  
সন্মিলন জ্ঞাপন করা হয়। কলিকাতার জনসভায়  
নাকি ৩০ লক্ষ লোকের সমাগম হয়। ভারতের  
আজাদী লাভের প্রথমদিনেও এত আনন্দ ক্ষুণ্ণির  
অভিব্যক্তি দেখা যায় নাই—জাতির জনক গান্ধিজীর  
ভাগ্যেও এমন সন্মিলন জোটে নাই। জনতা এবং  
রুশীয় ও ভারতীয় নেতাদের মধ্যে বার বার “রুশী  
হিন্দী ভাই ভাই” রব ধ্বনিত প্রতিধ্বনিত হইয়াছে।  
মি: বুলগেনিন ও জুশেভ বার বার বলিয়াছেন,  
আন্তর্জাতিক রাজনীতিতে ভারত ও রাশিয়া  
একযোগে এক দেহ ও এক আত্মা হইয়া কাজ  
করিতেছে ও করিয়া বাইবে। এতদ্ব্যতীত বিশ্বের  
জনমতকে বিভ্রান্ত করার জন্ত এবং পশ্চিমী গণতান্ত্রিক  
দেশগুলির নিকট হইতে তাহাদের বড় বড় উন্নয়ন  
পরিকল্পনায় আর্থিক সাহায্য গ্রহণের অপরিহার্যতার  
তাকিদে পণ্ডিত নেতৃবৃন্দে ঘোষণা করিতে হইয়াছে,  
“ভারতের কম্যুনিষ্ট রাষ্ট্র-জোটে যোগদান করার  
সম্ভাবনা নাই, ভারত কোন ‘শিবিরে’ই যোগদান না  
করার মূলনীতি অম্লসরণ করিয়া চলিবে।” অথচ  
২০শে নভেম্বরের এক অসম্মিত সংবাদে প্রকাশ  
রাশিয়া ভারতকে ৮৫ কোটি ৭০ লক্ষ ডলারেরও অধিক  
অর্থনৈতিক সাহায্যদানের প্রস্তাব করিয়াছে। ভারতের  
দ্বিতীয় পঞ্চবার্ষিকী পরিকল্পনা কার্যকরী করার জন্ত  
উক্ত অর্থ ব্যয়িত হইবে।

সোভিয়েট নেতৃবৃন্দ ভারত ভ্রমণের পর বর্মী  
গিয়াছেন। তথা হইতে ফিরিয়া পুন: ভারত হইয়া  
তাহারা আফগানিস্তানে বাইবেন। কাবুল সরকারকে  
রাশিয়া পূর্ব হইতেই নানারূপ সাহায্য দেওয়ার পরি-  
কল্পনা গ্রহণ করিয়াছেন। বাগদাদ চুক্তি সম্মেলন  
এবং আফগান সরকারের পাক-বিরোধী প্রচারণা ও  
তৎপরতার পরিপ্রেক্ষিতে এই সোভিয়েট প্রধানদের  
ভারত-আফগান ভ্রমণ খুবই তাৎপর্যপূর্ণ।

# ইছলামী শাসন-সংবিধান

সম্পর্কে

পূর্বপাক জমঈয়তে আহলেহাদীছের আধুনিক কর্মতৎপরতা

গণপরিষদের অধিবেশন আরম্ভ হওয়ার সংগে সংগে পূর্ব-পাক জমঈয়তে-আহলেহাদীছের সভাপতি ইছলামী শাসনতন্ত্রের প্রতিষ্ঠার দাবী করিয়া ৫ই জুলাই তারীখে পাক-গণপরিষদের সদস্যবৃন্দের খিদমতে বাংলা, উর্দু ও ইংরাজী ভাষায় 'আবেদনপত্র' পুস্তিকাকারে ও 'তর্জুমানের' মাধ্যমে প্রকাশ করেন। অতঃপর ১৫ই জুলাই তারীখে পূর্বপাক জমঈয়তে-আহলেহাদীছের লোকাল অর্গানাইজিং কমিটি ও উহার কার্যকরী সংসদের এক যুক্ত সভায় কোরআন ও ছুন্নাহ ভিত্তিক ইছলামী শাসনতন্ত্রের দাবী করিয়া প্রস্তাব গৃহীত হয় এবং সর্বদলীয় মুছলিম জনগণের এক বিরাট জলচ্ছায় উক্ত প্রস্তাব পুনরালোচিত এবং পাবনা তরকারী বাজারে সন্ধ্যায় সর্বসম্মতিক্রমে পরিগৃহীত হয়। ইতিমধ্যে ইছলাম-বিরোধীদল পাকিস্তানের মৌলিক আদর্শের অবসান ঘটাইয়া ইছলামী শাসনতন্ত্র রহিত করার এবং শাসনসংবিধানে যুক্ত-নির্বাচন ব্যবস্থা প্রবর্তিত এবং পূর্বপাকিস্তানের পূর্ববাংলা নামকরণের ষড়যন্ত্র তুমুলভাবে আরম্ভ করিয়া দেওয়ায় পূর্বপাক জমঈয়তে আহলেহাদীছের সভাপতি উল্লিখিত বিষয়গুলি সম্পর্কে ৩০শে অক্টোবর তারীখে পুনরায় এক সুদীর্ঘ বিবৃতি প্রদান করেন। এই বিবৃতিটিও পুস্তিকাকারে বহুল পরিমাণে প্রচারিত হয় এবং ইহার কতকাংশ 'দৈনিক আজাদের' ৪ঠা নভেম্বর তারীখে প্রকাশলাভ করে।

পূর্বপাক নিয়ামে-ইছলাম পার্টির পক্ষ হইতে ঢাকায় সর্বদলীয় উলামা কনভেনশনে যোগদান করার জন্য আমন্ত্রিত হওয়ায় পূর্বপাক জমঈয়তে-আহলে হাদীছের সভাপতি শারীরিক এবং দফতর সম্পর্কিত বহুয়পী অসুবিধা সত্ত্বেও জমঈয়তের যুগ্মগির্গে আমূমি মওলানা আবদুল হক হক্কানী এবং আরও কতিপয় সহচর সমভিত্যারে ২রা নভেম্বর

তারীখের দ্বিপ্রহর রাত্রে ঢাকা ষ্টেশনে অবতরণ করেন। নিয়ামে-ইছলাম পার্টির পক্ষ হইতে মওলানা মুছলেহুদ্দীন এবং শহরের আত্মীয়স্বজন, বন্ধুবান্ধব বিশেষতঃ বংশাল আহলেহাদীছ জামাআতের নেতৃবৃন্দ সেই গভীর রাত্রে জমঈয়ত-প্রেসিডেন্টকে বিপুল ভাবে সমর্থিত করেন। বংশালের বন্ধুগণের আগ্রহাতিশয্যে শেষ পর্যন্ত জমঈয়ত প্রেসিডেন্ট বংশাল জামেমছজিদেই সদলবলে আড্ডা গাড়িতে বাধ্য হন। প্রায় দুই সপ্তাহকাল ধরিয়া মওলানা শামচুল হক, মওলানা আরিফ, মওলবী মোহাম্মদ আকীল, জনাব মৃতওয়ালী আবদুল্লাহ, জনাব ছরদার আনিছুর রহমান, ইমাম মওলানা মোহাম্মদ আলী ছাহেবান এবং বংশালের অগ্রাঙ্ক বন্ধুবান্ধব যেকোন অল্পবয়স্ক ও আগ্রহের সহিত জমঈয়ত-প্রেসিডেন্টের পবন সমাদরে মেহমানদারী করিয়াছেন তাহা বাস্তবিক ভুলিয়া যাওয়ার কথা নয়। আল্লাহতাআলা আমাদের বংশালের ভ্রাতৃবৃন্দকে তাহাদের এই দ্বীনী মহব্বতের অফুরন্ত পুরস্কার দান করুন। ৩রা নভেম্বর হইতে বিভিন্ন দলের ও মহলের বিশিষ্ট ব্যক্তিগণের যাতায়াত আরম্ভ হইয়া যায়। ঢাকায় যাহাদের সন্দর্শন ও সান্নিধ্যের সুযোগ এই ব্যাপারে জমঈয়ত-প্রেসিডেন্ট লাভ করিয়াছিলেন তন্মধ্যে জনাব মওলানা আতহার আলী, শয়িগার মাননীয় পীর মওলানা আবজা'ফব, মওলানা আবীযুর রহমান, আল্লামা রাগিব আহছান, মওলানা মুছলেহুদ্দীন, মওলানা আশরাফ আলী, মওলানা আবদুল্লাহ নদভী, মওলানা কবীরুদ্দীন, ডক্টর ছানাতুল্লাহ পি. এইচ, ডি (ব্যারিষ্টার), ডক্টর মোহাম্মদ আবদুল বারী এম-এ, ডি, ফিল (অক্সন), বিচার বিভাগের মন্ত্রী জনাব নাছিরুদ্দীন, মওলানা আবদুল আযীয (তবলীগী জামাআত), শামচুল উলামা মওলানা বেলায়েত হুসেন ও মওলবী জমশেদ আলী ছাহেবান সমধিক উল্লেখ



যোগ্য।

সর্বদলীয় উলামা কনভেনশন রূপে আহূত হইলেও দুর্ভাগ্যবশতঃ বিভিন্ন কারণে সমুদয় দলের ও মতের নেতৃস্থানীয় আলিমগণ এই কনভেনশনে যোগদান করেন নাই, এমন কি যথাযথভাবে সকলে আমন্ত্রিতও হন নাই। নিষামে ইছলাম পার্টির সভাপতি জনাব মওলানা আত্‌হার আলী ছাহেব এই ক্ষুণ্ণের জন্ত বিশেষভাবে দুঃখ প্রকাশ করেন এবং যাহাতে অন্ততঃ শহরের বিভিন্ন দলীয় উলামায়ে কিরাম কনভেনশনে যোগদান করেন তাহার সমুচিত ব্যবস্থা অবলম্বনের জন্ত প্রতিশ্রুত হন। ৪টা নভেম্বর শুক্রবার বেলা ৮টা হইতে পুরাতন ঢাকা কলেজ বিল্ডিং কনভেনশনের অধিবেশন শুরু হয়। যে কয়েক শত উলামা এই কনভেনশনে যোগদান করিয়াছিলেন, তাঁহাদের মধ্যে নিষামে-ইছলাম পার্টির উলামায়ে কিরাম ব্যতীত জমঈয়তে আহলে হাদীছের স্থানীয় ও বহিরাগত আলিমবৃন্দ এবং স্থানীয় প্রবীণ আলিম ও বিখ্যাত রাজনীতি বিশারদ জনাব মওলানা মোহাম্মদ আকরম খান ছাহেব উল্লেখযোগ্য। শিক্ষামন্ত্রী জনাব আশরাফুদ্দীন চৌধুরী ও বিচারসচিব জনাব নাছিরাউদ্দীন খান ছাহেবও কনভেনশনে যোগদান করিয়াছিলেন। কনভেনশনের বিবোধিত সভাপতি জনাব মওলানা আত্‌হার আলী খান ছাহেব পূর্বপাক জমঈয়তে আহলে হাদীছের সভাপতি জনাব মওলানা মোহাম্মদ আবদুল্লাহেলকাফী আলকোরায়শী ছাহেবকে কনভেনশনের সভাপতিত্ব করিতে অনুরোধ করেন, তাহার প্রস্তাব যথারীতির সমর্থিত হওয়ায় জমঈয়ত প্রেসিডেন্ট সভাপতির আসন গ্রহণ করিয়া একটি নাতিদীর্ঘ বক্তৃতা প্রদান করেন। তিনি তাহার বক্তৃতায় মোটামুটিভাবে দুইটি প্রধান বিষয়ের প্রতি বিশেষভাবে ঘোর দেন। তিনি বলেন :—

“শুধু দল বিশেষকে পরাস্ত করার জন্ত ইছলাম বিরোধী বিভিন্ন দলের সহিত গোষ্ঠী বাঁধিয়া আলিমগণ যে অমিশ্র যোগসাধনের অপরাধে অপরাধী হইয়াছেন বর্তমান রাজনৈতিক জটিল পরিস্থিতি তাহারই

অনিবার্য পরিণতি মাত্র।” জনাব ফয়লুল হক ছাহেব যুক্ত নির্বাচন বিরোধীদিগকে দুষ্কৃতিপরায়ণ বলিয়া যে গালিগালাজ করিয়াছেন, প্রেসিডেন্ট তাহার প্রতিবাদ করেন। তিনি বলেন, “ইছলামের নামে উলামায়ে-কেরামকে প্রলুব্ধ করিয়াই জনাব হক ছাহেব তাহার নষ্ট আসন পুনরুদ্ধার করিতে পারিয়াছেন। কোরআন মজিদ গলায় ঝুলাইয়া যে ইছলামের নামে তিনি ভোট ভিক্ষা করিয়াছিলেন সেই ইছলাম পন্থীদিগকে দুষ্কৃতিপরায়ণ বলিয়া অভিহিত করা এবং ইছলামী শাসনতন্ত্রের বিরোধ করা সর্বাপেক্ষা জঘন্য দুষ্কৃতি।” প্রেসিডেন্ট ছাহেব জনাব শহীদ ছুহরাওয়ার্দী ছাহেবের চ্যালেঞ্জ গ্রহণ করিয়া কোরআনের বিভিন্ন আয়ত ও ছুরতের নির্দেশ উদ্ধৃত করিয়া বলেন যে, “মুছলিম ও কুফরের ভিন্ন ভিন্ন মিলনের তথ্য জাতীয়তার অন্তরভুক্ত হওয়া একরূপ হুপরিচিত ও সর্বজনবিদিত কথা যে, ইছলামী আকীদার প্রাথমিক শ্রেণীর ছাত্রদেরও তাহা অবদিত নাই।” তিনি বলেন, “ইউরোপীয় জাতীয়তার সংজ্ঞা ইছলামী দৃষ্টিভঙ্গীর সর্বতোভাবে পরিপন্থী। মুছলমানগণের জাতীয়তা ইছলামের ভিত্তির উপরেই প্রতিষ্ঠিত। সুতরাং ইছলাম ও কুফরকে একই জাতীয়তার অন্তরভুক্ত করিলে মুছলিম নামের অবলুপ্তি সাধন সর্ব প্রথম কর্তব্য হইবে। যাহারা এই অপবিত্র কর্তব্য সাধনে অগ্রসর হইয়াছে, মুছলমানগণের পক্ষে কোনক্রমেই তাহাদের দিকে আপোষের হস্ত প্রসারিত করা সম্ভবপর হইবেনা।” যে মওলানা পুংগব দ্বিজাতিতত্ত্বকে চতুষ্পদে পরিণত হওয়ার নামাস্তর বলিয়া গলাবায়ী করিয়াছেন, তাহার উক্তির প্রতিবাদ করিয়া সভাপতি ছাহেব বলেন যে, যে সকল অংগ প্রত্যংগ দেহের অন্তরভুক্ত নয় সেগুলিকে কৃত্রিম অঙ্গোপচারের সাহায্যে দেহের অংগরূপে পরিণত করার অপচেষ্টা দেহের মৃত্যুরই নামাস্তর। কুফর ইছলামী দেহের অংগ নয়। যাহারা জবরদস্তী উহাকে ইছলামী দেহের অন্তরভুক্ত করিতে সচেষ্ট হইতেছে, তাহার প্রকৃতপক্ষে ইছলামের শত্রু ব্যতীত আর কিছুই নয়।”

অতঃপর যে সকল নেতৃস্থানীয় উলামা কনভেনশনে

যোগদান করেননাই তাঁহাদের কনভেনশনে যোগ দেওয়াইবার সমুচিত ব্যবস্থা অবলম্বন করার জন্ত সভাপতি কনভেনশনের উদ্যোক্তাদিগকে সনির্বন্ধ অনুরোধ জ্ঞাপন করেন। তিনি বলেন, “বর্তমানে রাজনীতি ক্ষেত্রে দুইটি মাত্র দল ব্যতীত তৃতীয় কোন দল নাই। একটি দল হইতেছে তাঁহাদের, যাহারা পাকিস্তানে ইছলামী আদর্শের প্রতিষ্ঠা কামনা করেন আর দ্বিতীয় দলটি হইতেছে তাঁহাদের, যাহারা ইউরোপ ও আমেরিকার আদর্শে বিভ্রান্ত হইয়া অথবা ইছলামবৈরী-গণের চক্রান্তজালে পতিত হইয়া পাকিস্তান হইতে ইছলামকে নির্বাসিত করিতে চাহিতেছেন! সুতরাং যাহারা ইছলামপন্থী, তাঁহাদিগকে রাজনৈতিক দল, মসহবী ফিকান্দী এবং দলীয় সকল প্রকার স্বার্থ কোন্দল কিছুকালের জন্ত স্থগিত রাখিয়া এক ও অখণ্ড ইছলামী ফ্রন্টে সম্মিলিত হইতে হইবে এবং ইছলাম বিরোধীগণের সংগে জিহাদে অবতীর্ণ হইতে হইবে।”

কনভেনশনে যে সকল প্রস্তাব উপস্থিত করা হইবে তাহার খসড়া প্রস্তুত করার জন্ত সভাপতি সমভিব্যাহারে একটি সাব কমিটি গঠিত হয় এবং সভাপতির প্রস্তাব অনুসারে শয়িনার পীর ছাহেব ও মওলানা মুফতী দীন মোহাম্মদ ছাহেবকেও সাব কমিটির সদস্য তালিকার অন্তর্ভুক্ত করা হয়। মওলানা মোহাম্মদ আকরম খান ছাহেব এবং আরো কতিপয় বক্তার বক্তৃতার পর কনভেনশনের প্রাভাতিক অধিবেশন সমাপ্ত হয়।

বৈকালিক অধিবেশনে যোগ দেওয়াইবার জন্ত জমঈয়ত-প্রেসিডেন্ট মওলানা মোহাম্মদ আবদুল্লাহেল কাফী ছাহেব, শূঁণ্ণার পীর জনাব মওলানা আবু জাফর মোহাম্মদ ছালিহ ও মওলানা মুফতী দীন মোহাম্মদ ছাহেবানের দ্বারস্থ হন এবং তাঁহাদিগকে কনভেনশনে যোগদান করিবার জন্ত রাযী করেন এবং তাঁহাদের সমভিব্যাহারে সভাস্থলে উপস্থিত হন, ইহাতে কনভেনশনের গুরুত্ব বহুলাংশে বর্ধিত হয়। বৈকালিক অধিবেশনও বিশেষ সমারোহের সহিত সাক্ষ্যমণ্ডিত হয়। সর্বদলীয় উলামা কনভেনশনে যে সকল প্রস্তাব পরিগৃহীত হইয়াছিল তন্মধ্যে কোরআন ও ছুন্নাহ ভিত্তিক

ইছলামী শাসনতন্ত্র প্রণয়ন ও প্রবর্তনের দাবী সমধিক উল্লেখ যোগ্য। এই প্রস্তাবে দ্ব্যর্থহীন ভাষায় বলা হয় যে, যদি বর্তমান গণপরিষদ কোরআন ও ছুন্নাহ ভিত্তিক শাসনতন্ত্রের পরিবর্তে অত্র কোন ধরনের সংবিধান প্রণয়নে প্রবৃত্ত হন, তাহাহইলে জাগ্রত জনগণ তাহা কিছুতেই বরদাশত করিবেনা। দ্বিতীয় প্রস্তাবে যুক্ত নির্বাচন পদ্ধতিকে ইছলাম ও পাকিস্তানী আদর্শের পরিপন্থী বলিয়া ঘোষণা করা হয় এবং এই ব্যবস্থা দ্বারা ইছলামী শাসনতন্ত্র প্রণয়নের অবিলম্বে এবং পাক-নাগরিকদের স্বার্থ ব্যাহত হইবার আশংকা প্রকাশ করা হয়। যুক্তনির্বাচন ব্যবস্থাকে পাকিস্তানের মৌলিক আদর্শের প্রতি বিশ্বাসঘাতকতা বলিয়া অভিহিত করা হয় এবং স্বতন্ত্র নির্বাচনের ব্যবস্থা বহাল রাখিতে বলা হয়। অত্র আর একটি প্রস্তাবে পাকিস্তানের সংহতি এবং উভয় বাহুর মধ্যে সামঞ্জস্য রক্ষাকল্পে পশ্চিম পাকিস্তানের ত্রায় পূর্ববাহকে পূর্বপাকিস্তান নামে অভিহিত করার দাবী করা হয়। পূর্বপাক জমঈয়তে আহলে-হাদীছের সভাপতি ছাহেবের চেষ্টায় তাঁহার বিরচিত নিম্নলিখিত প্রস্তাবটি বিশেষ উৎসাহ সহকারে সর্বসম্মতিক্রমে গৃহীত হয় :—

“পূর্বপাকিস্তানের সকল ইছলামী, রাজনৈতিক তামাদুনিক এবং সামাজিক প্রতিষ্ঠানগুলিকে তাহাদের পারস্পরিক মসহবী ও দলগত সংকীর্ণতা সম্পূর্ণরূপে বিন্মৃত হইয়া পাকিস্তানে ইছলামী আদর্শের প্রতিষ্ঠাকল্পে তাহাদের সমুদয় শক্তি কেন্দ্রীভূত করিবার জন্ত এই সম্মেলন বিশেষভাবে অনুরোধ জানাইতেছে।”

“মুছলমানদের ধর্মীয় দলসমূহ যাহাতে পরস্পরের বিরুদ্ধে তাহাদের মনোভাব বিস্মৃত করিয়া তুলিতে প্রয়াস না পায় তৎপ্রতি তীক্ষ্ণদৃষ্টি রাখার জন্ত এই সম্মেলন উলামা সমাজকে সনির্বন্ধ অনুরোধ জানাইতেছে।”

এই প্রস্তাবগুলি বিভিন্ন দলের প্রতিনিধিগণ কর্তৃক উত্থাপিত ও সমর্থিত হইয়া সর্বসম্মতিক্রমে পরিগৃহীত হইয়াছিল।

১১ই নভেম্বর শুক্রবার বংশাল এবং অত্যাগ মহল্লার আহলে-হাদীছ জুমা মছজিদ সমূহে শহরের অত্যাগ মছজিদ সমূহের ত্রায় ইছলামী শাসনতন্ত্রের দাবী করিয়া প্রস্তাবাবলী পরিগৃহীত হয়। বৈকালে নিষামে ইছলাম পার্টির উদ্যোগে পণ্টন ময়দানে যে বিরাট জনসভার অধিবেশন হয়, তাহাতেও

জমঈয়ত প্রেসিডেন্ট সভাপতিত্ব করেন। এই সভায় অন্যান্য ১৫ হাজার শ্রোতার সমাবেশ হইয়াছিল। সভাপতি এই সভাতেও বিভিন্ন রাজনৈতিক ও ধর্মীয় দলসমূহকে জাতীয় স্বার্থে উদ্বুদ্ধ হইয়া সকল মতভেদ পরিহার পূর্বক ইছলামী—শাসনতন্ত্রের ভিত্তিতে একটি মিলিত ফ্রন্টে সম্মিলিত হইবার উদাত্ত আহ্বান জ্ঞাপন করেন। এই বিরাট জনসভাতেও পাকিস্তানে ইছলামী শাসনতন্ত্র প্রতিষ্ঠার দাবী জনগণের মিলিত কণ্ঠ হইতে উচ্চারিত হয়।

উলামা কনভেনশনে ইছলামী আদর্শের প্রতিষ্ঠাকল্পে যে ইছলামী যুক্ত ফ্রন্ট গঠন করার প্রস্তাব গৃহীত হইয়াছিল, উক্ত প্রস্তাবে অনুপ্রাণিত হইয়া ১১ই নভেম্বর তারীখে পূর্বপাক জমঈয়তে আহলে হাদীছ, পাবনা নিয়ামে-ইছলাম পার্টি, পাবনা সদর মহকুমা মুছলিম লীগ প্রভৃতি প্রতিষ্ঠানের সমবায়ে পাবনা শহরে ইছলামী শাসনতন্ত্রের দাবীতে একটি বিরাট শোভাযাত্রা বাহির করা হয় এবং অপরাহ্নে শান-শওকতের সহিত পাবনা তরকারী বাযারে একটি সর্বদলীয় মহতী সভার অধিবেশন হয়। এই সভামঞ্চ হইতেও উলামা কনভেনশনের প্রস্তাবগুলি প্রতিধ্বনিত হয়।

১৪ই নভেম্বর তারীখে পূর্বপাক জমঈয়তে আহলে-হাদীছের কার্যকরী সংসদ ও লোকাল অর্গানাইজিং কমিটির যুক্ত অধিবেশন অনুষ্ঠিত হয়। এই সভায় ইছলামী শাসনতন্ত্র প্রতিষ্ঠার সমর্থন এবং যুক্ত নির্বাচনের প্রতিবাদকল্পে প্রস্তাব গৃহীত হয়। সংগে সংগে ইহাও বলা হয় যে, কাশ্মীর সমস্যার সমাধানকল্পে পূর্ব ও পশ্চিম পাকিস্তানের আহলে-হাদীছগণ অত্র কোন রাষ্ট্রিক বা সামাজিক দল অপেক্ষা কম সমুদ্রায়ক নহেন এবং এই উদ্দেশ্যে আবশ্যক মত ত্যাগ এবং কোরবানী প্রদান করার জন্ত তাঁহাদের আগ্রহ ও উৎসাহও কম নয় অথচ কাশ্মীর সমস্যার সমাধানকল্পে পাক প্রধানমন্ত্রী যে সর্বদলীয় বৈঠক আহ্বান করিয়াছেন তাহাতে আহলে হাদীছদিগকে সম্পূর্ণ উপেক্ষা করা হইয়াছে। ইহার জন্ত পূর্বপাক জমঈয়তে আহলে হাদীছের কার্যকরী সংসদ দুঃখিত হইয়াছেন। এই সভায় আরো বলা হয় যে,—ঢাকার এক কথ্যাত বাংলা দৈনিকে পূর্বপাক জমঈয়তে আহলে হাদীছের সভাপতি জনাব মওলানা মোহাম্মদ আবদুল্লাহেল কাফী আলকোরায়শী ছাহেবকে “আজীবন কংগ্রেসী মওলানা” নিখিলবঙ্গ ও আসাম উলামা সংগঠনের সভাপতি” এবং তাঁহাকে ও তাঁহার দলকে মুছলিমলীগের দুষ্কৃতির মর্থক

প্রভৃতি যে সব মিথ্যা ও অশোভন উক্তি করা হইয়াছে তাহার তীব্রপ্রতিবাদ করিয়া বলা হয় যে, জনাব মওলানা ছাহেব প্রায় দুইয়ুগ পূর্বে কংগ্রেস ও উহার এক জাতীয়তার আদর্শের সহিত সম্পর্ক ছিন্ন করিয়া এবং সক্রিয় রাজনীতির দ্বিত আবেহাওয়া হইতে নিজেকে দূরে সরাইয়া রাখিয়া তবলিগী এবং সাহিত্যিক প্রচারণার মাধ্যমে ইছলামের খিদমত করিয়া চলিয়াছেন তিনি কল্পিত নিখিলবঙ্গ ও আসাম উলামা সংগঠনে নয়, দীর্ঘদিন হইতে পূর্বপাক জমঈয়তে আহলে হাদীছের সভাপতি পদে বরিত রহিয়াছেন। তিনি বা তাঁহার দল কশ্মিরকালে মুছলিম লীগের অগ্রায় কাজের সমর্থক সাজেননাই, বরং বক্তৃতা ও লেখনীর মারফত উহার ভ্রান্ত পলিসি ও কার্যক্রমের তীব্র সমালোচনা করিয়াছেন, কিন্তু এই সব সমালোচনা কোন ধ্বংসাত্মক মতলবে নয়, গঠনমূলক উদ্দেশ্যেই করা হইয়াছে।

ঢাকার বিভিন্ন সভা সমিতি ও তবলীগী কার্য শেষ করিয়া ১৩ই নভেম্বর তারীখে জমঈয়ত প্রেসিডেন্ট নারায়ণ-গঞ্জের অন্তরগত পাঁচগাঁও, নগুগাঁও প্রভৃতি ইলাকায় মুছল-মানগণের দীর্ঘদিনের আহ্বানে সাড়া দিবার জন্ত সদলবলে যাত্রা করেন এবং ১৪ই নভেম্বর তারীখে তথায় স্থানীয় স্বনামধন্য পীর জনাব মওলানা আবদুর রায়, যাক ছাহেবের সহিত রংপুর বাযার নামক স্থানে মিলিত হন এবং তাঁহার সহিত ধর্মীয় ও রাজনৈতিক বহু গুরুতর বিষয়ের আলোচনা চলিতে থাকে। ১৫ই নভেম্বর তারীখে উক্ত বাযারে প্রায় ১০ হাজার লোকের সমবায়ে একটি ধর্মীয় জল্লাহ অনুষ্ঠিত হয়। জনাব পীরছাহেব, স্থানীয় গণ্যমান্য উলামা ও নেতৃবৃন্দ এবং ঢাকা ও ত্রিপুরা হইতে সমাগত বহু বিশিষ্ট ব্যক্তি এই সভায় যোগদান করিয়াছিলেন। জমঈয়তে আহলেহাদীছের মুবাল্লিগে আশুমী মওলানা আবদুল হক হক্কানী এবং পীরছাহেব জনাব মওলানা আবদুররয়, যাক এই সভায় বক্তৃতা দান করেন। জমঈয়ত-প্রেসিডেন্ট সভার সভাপতিরূপে তাঁহার স্মদীর্ঘ ভাষণে জাতির নৈতিক, রাষ্ট্রিক ও ধর্মীয় অবস্থার পর্যালোচনা করিয়া সকলকে মিলিত ভাবে ইছলামের দিকে প্রত্যাভ্রতনের জন্ত অনুপ্রাণিত করেন। ত্রিগ্রহর রাতে সভার কার্য শেষ হয়। এই সভায় প্রধানতঃ মওমবী রঈছুদ্দীন ছাহেবের উত্তোগ আয়োজনের ফলেই জমঈয়ত প্রেসিডেন্টের যোগদান করা সম্ভবপর হইয়াছিল। কিন্তু স্থানীয় ব্যক্তিগণ যেরূপ বিপুলভাবে

জম্জিয়তের কর্মীবৃন্দকে সম্বোধিত করিয়াছিলেন এবং যেরূপ যত্নের হিত অতিথিসংকার করিয়াছিলেন তাহাতে জম্জিয়তের খাদিমগণ সত্য সত্যই মুগ্ধ হইয়াছেন। ১৭ই নভেম্বর তারীখে পাঁচগাও অঞ্চল হইতে বিদায় হইয়া সন্ধ্যায় জম্জিয়ত-প্রেসিডেন্ট সদলবলে ঢাকায় প্রত্যাবর্তন করেন এবং ১৮ই তারীখে বংশালে জুমার নামায আদা' করেন। পূর্বপাক মুছলিমলীগ সভাপতি জনাব মওলবী তমীযুদ্দীন খান ছাহেবের আহ্বানে ২০শে নভেম্বর তারীখে তাঁহার বাসভবনে জম্জিয়ত প্রেসিডেন্ট তাঁহার সহিত মিলিত হন এবং দীর্ঘ ভিন ঘণ্টাব্যাপী নানারূপ আলোচনা চলিতে থাকে। লীগ প্রেসিডেন্টকে জম্জিয়ত প্রেসিডেন্ট একটি বসদলীয় ইছলামী ফ্রন্ট গঠন করিবার জ্ঞাত সনির্বন্ধ অনুরোধ জানান। তিনি বলেন, বর্তমানের পারিপ্ৰেক্ষিতে পৃথক পৃথক ভাবে ইছলামী শাসনতন্ত্র প্রতিষ্ঠা কল্পে সচেষ্ট হইলে সাফল্য লাভ করা সহজসাধ্য হইবে না। লীগের বর্তমান উর্ধ্বতন নেতাদের নীতি বিচ্যুতি এবং ইছলাম বিরোধী কার্যকলাপের দরুণ অত্যন্ত দলের নেতাদের হ্রায় তাঁহারাও জনগণের বিশ্বাস হারািয়া ফেলিয়াছেন। মুছলিম লীগকে শুদ্ধ করিয়া নূতন ভাবে সজীবিত করার সাধ্যসাধনায় যে সময় অতিবাহিত হইবে, তাহার পর পাকিস্তানের মূলনীতির পুনঃ প্রতিষ্ঠাকল্পে সংগ্রাম করার অবসর থাকিবে না। জনাব মওলবী তমীযুদ্দীন ছাহেব তদীয় আদর্শনিষ্ঠার জ্ঞাত এখনও জনগণের শ্রদ্ধাপদ রহিয়াছেন। বর্তমান সংকট মুহূর্তে জাতীয় সংহতির পুনরুদ্ধারকল্পে অবিমিশ্র ইছলামী আদর্শের অনুসারীদের কেন্দ্র প্রতিষ্ঠাকল্পে অগ্রসর হইলে আল্লাহর ফযলে সাফল্য লাভের বিশেষ সম্ভাবনা রহিয়াছে। মওলবী ছাহেব জম্জিয়ত প্রেসিডেন্টের প্রস্তাবক্রমে আগামী বড়দিনের মধ্যে একটি সর্বদলীয় মুছলিম কনফারেন্স আহ্বান করার আশ্বাস প্রদান করেন।

২১শে নভেম্বর তারীখে জম্জিয়ত প্রেসিডেন্ট ঢাকা হইতে বিদায় হন। স্টেশন প্ল্যাটফর্মে বহু বন্ধুবান্ধব তাঁহাকে বিদায় সম্বর্ধনা জ্ঞাপন করেন।

পাবনায় পৌছিয়া ইছলামী শাসনতন্ত্রের দাবীকে যোরদার করার উদ্দেশ্যে জম্জিয়ত-প্রেসিডেন্ট তাঁহার সহ-কর্মী এবং বন্ধুবান্ধব সমভিব্যাহারে ২৫শে নভেম্বর তারীখে পাবনা শহরের অন্তঃপাতী আঁটুয়া নামক মহল্লার এক মহতী জনসভায় সভাপতিত্ব করেন এবং ২৭শে নভেম্বর তারীখে তাঁহার চেষ্টায় পূর্বপাক জম্জিয়ত-আহলে হাদীছ, সদর

মহকুমা মুছলিম লীগ, যিলা জম্জিয়তে উলামায়ে-ইছলাম এবং যিলা আজ্জুমানে মহাজেরীণ প্রভৃতি প্রতিষ্ঠান সমূহের বিশিষ্ট সভ্যগণ পূর্বপাক জম্জিয়তে আহলে হাদীছের সদর দফতর সন্নিহিত জামে-মছজিদে সমবেত হন এবং সর্ব-সম্মতিক্রমে সর্বদলীয় ইছলামী ফ্রন্টের একটি অস্থায়ী অ্যাড-হক কমিটি গঠন করেন। জম্জিয়ত-আহলেহাদীছের সেক্রেটারী মওলবী মোহাম্মদ আবদুর রহমান বি-এ, বি-টি, কমিটির আহ্বায়ক মনোনীত হন। এই কমিটি পাকিস্তানে ইছলামী শাসনতন্ত্র প্রতিষ্ঠা করার দাবী যোরদার করিবার ব্যবস্থা অবলম্বন করিবেন এবং এই উদ্দেশ্যে অল্পদিনের মধ্যেই পাবনায় এক সর্বদলীয় ইছলামী কনফারেন্স আহ্বান করার আয়োজন করিবেন। ২রা ডিসেম্বর তারীখে পাবনা সদর মহকুমা মুছলিম লীগের উত্তোগে স্থানীয় টাউনহলে একটি সর্বদলীয় বিরাট জলছার অধিবেশন হয়। এই মহতী সভাতেও জম্জিয়ত প্রেসিডেন্ট সভাপতিত্ব করেন এবং মওলানা মুহীউল-ইছলাম, মওলানা হাছান আলী, মওলবী তোরাব আলী বি, এল, মওলবী আবদুররহমান, মওলানা যিল্লুর রহমান আনছারী, মিস্টার খোদাদাদ খান ছাহেবান ইছলামী শাসনতন্ত্র প্রতিষ্ঠার দাবী জানাইয়া উত্তেজনাপূর্ণ বক্তৃতা প্রদান করেন। এই সভাতেও সর্বদলীয় ইছলামী ফ্রন্ট গঠন করার, ইছলামী শাসনতন্ত্র প্রতিষ্ঠা করার, যুক্ত নির্বাচন প্রথা প্রবর্তিত হইতে না দেওয়ার এবং পাকিস্তান ইছলামী গণ-তন্ত্রের সর্বাধিনায়কের পদ মুছলমানের জন্য নির্ধারিত রাখার প্রস্তাবগুলি প্রায় চারি সহস্র জনতা বিপুল উৎসাহে ও মূহুর্মূহ তকবীর ধ্বনির ভিতর দিয়া সমর্থন করেন।

৬ই ও ৭ই ডিসেম্বর তারীখদ্বয়ে কুষ্টিয়া যিলার অন্তর্গত কুমারখালী ও পাথরবাড়ীয়ায় পর্যায়ক্রমে দুইটি বিরাট সভার অধিবেশন হয়। জম্জিয়তের মুবাল্লিগ মওলানা যিল্লুর রহমান আনছারী, মওলানা আবদুল হক হক্কানী, ডাক্তার আছীর ছিদ্দীকী, মওলবী আযীযুল ইছলাম, মওলবী কাবী আবদুল খালেক প্রভৃতি উভয় সভাতেই ইছলামের শিক্ষা ও সৌন্দর্য এবং বর্তমান রাজনৈতিক অবস্থা সম্বন্ধে বক্তৃতা প্রদান করেন। এই সভাগুলিতেও জম্জিয়ত প্রেসিডেন্ট সভাপতিত্ব করিয়াছিলেন। প্রধানতঃ স্থানীয় মার্চেন্ট জনাব আবদুল কুদ্দুছ বিশ্বাস ও পাথরবাড়ীয়া এবং দুর্গাপুরের আহলে-হাদীছ জামাআতের ঐকান্তিক চেষ্টা ও যত্নের ফলেই এই সভাগুলি সাফল্যসম্পন্ন হইয়াছিল।

ভাষানীর চ্যালেঞ্জের জওয়াব

সংবাদপত্রে প্রকাশ, জনাব ভাষানী ১৫ ডিসেম্বরে

অস্থিতি চট্টগ্রামের জনসভায় সমস্ত উলামায় কিরামের সম্মেলন আহ্বান করিয়া যুক্তনির্বাচন প্রথা ইচ্ছাম বিরোধী বলিয়া প্রতিপন্ন করার জন্ত জনাব মুওলানা আতহার আলী চাহেবকে চ্যালেঞ্জ করিয়াছেন।

আমি জনাব মুওলানা আতহার আলী চাহেবের পক্ষ হইতে ইচ্ছামের নামে জনাব ভাষানীর এই চ্যালেঞ্জ স্বীকার করিয়া লইতেছি। সমস্ত উলামায়ে কিরামকে সম্মিলিত করার কোনই প্রয়োজন নাই। জনাব ভাষানী আগামী কল্য ১০ই ডিসেম্বরের পর হইতে যে কোন দিবসে পাবনা অথবা রাজসাহী অথবা ঢাকা অথবা চট্টগ্রাম শহরের যে কোন মছজিদ বা মাদ্রাসা প্রাঙ্গণে যুক্ত নির্বাচন প্রথা যে ইচ্ছাম বিরোধী, আমার নিকট হইতে তাহার কোরআনী ও হাদীছী প্রমাণ গ্রহণ করিতে পারেন, কিন্তু সংগে সংগে কাকের যে মুমিনের অভিভাবক ও প্রতিনিধি হইতে পারে, তাঁহাকেও ইহার প্রমাণ কোরআন ও ছুয়াহ হইতে প্রদর্শন করিতে হইবে। ইউরোপীয় গণতন্ত্র বা কৃশীষ সমূহবাদের দলীল গ্রাহ্য হইবেনা।

সমগ্র উলামা সমাজকে সম্মিলিত করায় প্রস্তাব প্রবন্ধনামূলক, কারণ এরূপ সম্মেলনের ব্যবস্থা করা অসাধ্য না হইলেও দুঃসাধ্য বটে এবং এরূপ একটি সাধারণ ও সর্বজনবিদিত বিষয়ের জন্ত সমস্ত আলেম সমাজকে কষ্ট দেওয়া নিরর্থক। অবশ্য শরীঅতের প্রামাণিকতা-পদ্ধতি যাহা, জনাব ভাষানী যে তাহা প্রমাণিত করার জন্ত যে স্থানে আমাকে আমার দাবী সাব্যস্ত করিতে হইবে, সেই স্থানের কলেজ বা বিশ্ববিদ্যালয়ের সিনিয়র আরাবী প্রফেসর এবং আমার সম্মুখে জনাব ভাষানীকে যে কোন হাদীছ বা ফিকহ শাস্ত্রের মৌলিক গ্রন্থের (অনুবাদ নয়) অথবা আরাবী সাহিত্য গ্রন্থের তিনটি মাত্র পংক্তি বিগুহরূপে পাঠ

করিয়া শুনাইতে হইবে। ওরাচ্ছালামো আল মানিত তাবআল হুদা।

سنبھل کے رکھنا قدم دشت خار پر مجنوں  
کہ اس نواح میں سودا برہنہ پا بھی ہے !

ইচ্ছাম-পন্থীদের খিদ-অতে

পাকিস্তানে বর্তমানে যে পরিস্থিতির উদ্ভব ঘটিয়াছে, তাহার ফলে ইহা চরমভাবে মীমাংসা করিয়া ফেলার সময় উপনীত হইয়াছে যে, পাকিস্তানে ইচ্ছামের অস্তিত্ব বিদ্যমান থাকিবে কিনা, আর যদি ইচ্ছাম টিকিয়াও যায়, তাহাহইলে সে ইচ্ছাম রহুল্লাহর (দঃ) প্রচারিত ও প্রতিষ্ঠিত ইচ্ছাম হইবে, না ইউরোপ ও আমেরিকার গণতন্ত্র অথবা সোভিয়েট রুশের সমূহবাদকেই ইচ্ছামের নামে এই রাষ্ট্রে চালাইয়া দেওয়া হইবে? আমাদের একথার তাৎপৰ্য এই যে, পাকিস্তানে বর্তমানে ইচ্ছামী জীবনাদর্শ সম্পর্কে মাত্র দুইটি দল বিদ্যমান রহিয়াছে, অগ্নাশ্ব দলগুলি বত নামেই অভিহিত হউন না কেন, প্রকৃতপ্রস্তাবে তাহারা ইচ্ছাম ও ইচ্ছামী আদর্শ সম্পর্কে উপরিউক্ত দুইটি দলের অন্তরভুক্ত যে কোন একটি দলের সংগেই সংশ্লিষ্ট রহিয়াছেন। যাহারা ইচ্ছামী আদর্শের প্রতি আস্থাশীল বলিয়া দাবী করিয়া থাকেন, অথচ কাষতঃ ইচ্ছাম-বিরোধী দলকে পরিপুষ্ট করা এবং ইচ্ছামী জীবনাদর্শকে অবজ্ঞা ও উপহাস করার কার্যকে তাহাদের বিশিষ্ট আচরণরূপে গ্রহণ করিয়াছেন, তাহারা প্রকৃতপক্ষে ইচ্ছাম-বিরোধী দলেরই অন্তরভুক্ত। যাহারা অনৈচ্ছামিক শিক্ষা দীক্ষা ও নীতি নৈতিকতার কবলে পতিত হইয়া তাহাদের কুফটি ও চুষ্ট দৃষ্টিভঙ্গীর চরিতার্থতা সাধনকল্পে ইচ্ছামের প্রকাজভাবে শত্রুতাসাধনে কোমর বাঁধিয়াছেন এবং যাহারা খোলাখুলি ভাবে ইচ্ছামের শত্রুতাসাধনে প্রবৃত্ত না হইলেও তাহাদের মনগড়া আদর্শ ও ধার করা জীবনব্যবস্থাকে ইচ্ছামী জীবন ব্যবস্থারূপে প্রবর্তিত করিবার চেষ্টায় আত্মনিয়োগ করিয়াছেন, তাহারা উভয় দলই সম-পর্যায়ভুক্ত। তাহারা সকলেই ইচ্ছাম-বিরোধী শিবিরের সেনানী ও সৈনিক।

রহুল্লাহর (দঃ) মাধ্যমে আধ্যাত্মিক, রাজ-নৈতিক, সামাজিক, অর্থনৈতিক ও চারিত্রিক যে জীবন-ব্যবস্থা পৃথিবীতে প্রচারিত হইয়াছে তাহারই নাম ইছলামী জীবন-ব্যবস্থা। যাহারা হযরত মোহাম্মদ মুহতফা (দঃ) কে সত্যবাদী ও সত্যজীবী বলিয়া বিশ্বাস করেন, তাহাদের পক্ষে ইউরোপীয়, মার্কিনী, রুশীয় অথবা ভারতীয় জাতীয়তা, গণ-তান্ত্রিকতা ও সামাজিক ব্যবস্থার আস্থা স্থাপন করা কোনক্রমেই সম্ভবপর নয়, যাহারা বলিতেছেন, পাকিস্তানে কোরআন ও ছুন্নাহ ভিত্তিক ইছলামী শাসনতন্ত্র প্রবর্তন সফল হইবার নয় তাহারা প্রকৃত-প্রস্তাবে ইছলামের শত্রু ব্যতীত অল্প কিছুই নহেন। কিন্তু যাহারা ইউরোপীয় গণতন্ত্র ও সমাজ ব্যবস্থার গায়ে ইছলামের লেবেল আঁটিয়া পাকিস্তানের ঘাড়ে চাপাইবার অপচেষ্টায় মত্ত হইয়া উঠিয়াছেন, তাহাদের ইছলাম-দুশ্মনী প্রথমোক্ত দল অপেক্ষা কোন দিক দিয়াই কম নয়। রাজনৈতিক দৃষ্টিভঙ্গী ও কার্যক্রমের দিক দিয়া মুছলিম লীগ, 'মুছলিম' সহ ও 'মুছলিম' বর্জিত আওয়ামী লীগ, যুক্তফ্রন্ট, নেজামে ইছলাম পার্টি, কৃষক প্রজাপার্টি প্রভৃতি যতই বিভিন্ন দলে ও নামে বিভক্ত হউন না কেন, প্রত্যেকটি দলেই জ্ঞাত-সারে অথবা অজ্ঞাতসারে ইছলামপন্থী ও বিরোধী উভয় দলের লোকই মওজুদ রহিয়াছেন। কম্যুনিষ্ট ও ডেমোক্রাটদের উপরেও একথা তুল্যভাবে প্রযোজ্য, কারণ উভয় দলেই এরূপ বহু মুছলমান রহিয়াছেন যাহাদিগকে প্রবঞ্চনামূলক উপায়ে বকান হইয়াছে যে, ডেমোক্রেসী ও কম্যুনিজম ইছলামের বিপরীত বস্তু নয়।

বস্তুতঃ আজ পৃথিবীতে যে দুইটি জীবন-ব্যবস্থা ইউরোপীয় গণতন্ত্রবাদ ও রুশীয় সমুহবাদ নামে আখ্যাত, উহাদের প্রত্যেকটিই ইছলামী জীবনব্যবস্থার প্রতিকূল, ইছলামী জীবনব্যবস্থার প্রতিষ্ঠাকল্পেই পাকিস্তান অজিত হইয়াছে। সুতরাং আজ পাক-রাষ্ট্রে কোরআন ও ছুন্নাহ ভিত্তিক শাসনতন্ত্র প্রবর্তিত করিতে না পারিলে পাকিস্তানের উদ্দেশ্যই পণ্ড হইয়া যাইবে এবং আন্তর্জাতিকভাবে ইহার কোন মূল্যই অবশিষ্ট রহিবেনা। বর্তমানে পাকিস্তানের জাতীয়তা, ধর্মনিরপেক্ষ রাজ্যশাসন বিধি, যুক্ত নির্বাচন প্রথা প্রভৃতির আন্দোলন ঘোরদার করিয়া তোলা হইতেছে, লক্ষ করিয়া দেখিলে বুঝিতে পারা যাইবে যে,

মুছলিম লীগ হইতে আরম্ভ করিয়া কম্যুনিষ্ট পার্টি পর্যন্ত সকল দল ও প্রতিষ্ঠানের সদস্যগণ নানাধিক ভাবে এইসকল ইছলামবিরোধী আন্দোলনে মওজুদ রহিয়াছেন এবং ইহার নামের দিক দিয়া ভিন্ন ভিন্ন হইলেও ইছলামের বিরুদ্ধাচরণ ব্যাপারে সকলেই একমত হইয়াছেন। জাতির সহিত বিশ্বাসঘাতকতা এবং পাকিস্তান আন্দোলনের শত্রুদলের সহিত মিত্রতা রক্ষা করার ব্যাপারে ইহার সকলেই সংঘবদ্ধ।

সুতরাং ইছলামী আদর্শকে নাস্তিকতার হস্ত হইতে রক্ষা করিতে হইলে এবং পাকিস্তানকে পৃথিবীর বৃক টিকাইয়া রাখিতে হইলে রাজনৈতিক, তমদুনী, সামাজিক, ধর্মীয় ও অর্থনৈতিক, সমস্তদলের ইছলামপন্থীদিগকে অনতিবিলম্বে একটি ফ্রন্টে সমবেত হইতে হইবে।

পূর্বপাক জম্মুয়তে আহলে হাদীছের সভাপতি এই পন্থা অবলম্বন করার জন্তই নেযামে ইসলাম পার্টি ও পূর্বপাক মুছলিম লীগের সভাপতিকে অম্বোধ করিয়াছিলেন। সৌভাগ্যবশতঃ তাহারা এই প্রস্তাবের সমীচীনতাকে স্বীকার করিয়া লইয়াছেন এবং তাহারাও মুছলমানদিগকে দল ও পার্টি নির্বিশেষে একটি ইছলামী ফ্রন্টে মিলিত হইবার আহ্বান জানাইয়াছেন।

ইছলাম ও পাকিস্তানকে শত্রুদের কবল হইতে রক্ষা করিতে হইলে, যাহারা হযরত মোহাম্মদ মুহতফার (দঃ) নেতৃত্বে আত্মাশীল, তাহাদিগকে শুধু এই উপায় অবলম্বন করিয়াই ইছলাম বিরোধী দলের সহিত সংগ্রামের জন্ত অগ্রসর হইতে হইবে।

وما توفيقي الا بالله عليه توكلت واليه انيب -

### ক্রটি স্মিকার

পূর্বপাক জম্মুয়তে আহলে হাদীছের সভাপতির বিভিন্নরূপ কর্মতৎপরতা নিবন্ধন তাহাকে কয়েক সপ্তাহ পর্যন্ত দফতর হইতে অনুপস্থিত থাকিতে হইয়াছে এবং তজ্জন্ত তজ্জমানুল হাদীছের পঞ্চম সংখ্যা ঠিক সময়ে প্রকাশলাভ করিতে পারে নাই এবং সম্পাদনা ব্যাপারেও ক্রটি বিচ্যুতি রহিয়া গিয়াছে। আশাকরি সহস্রয় পাঠক ও গ্রাহকগণ কর্মীগণের অবস্থা বিবেচনা করিয়া আমাদের এই ক্রটি উপেক্ষা করিবেন।

## রুশ নেতার ধুষ্ট উক্তির বিরুদ্ধে জম্মু-সভাপতির বিবৃতি

পূর্ব পাকিস্তান জম্মুতে আহলে-হাদীছের সভাপতি জনাব মওলানা মোহাম্মদ আবদুল্লাহেল কাফী আলকোরায়শী ছাহেব রুশ প্রধান-মন্ত্রী ও কম্যুনিষ্ট পার্টির ফার্স্ট সেক্রেটারীর সাম্প্রতিক কাশ্মীর সম্পর্কীয় অশোভন উক্তির প্রতিবাদে সংবাদ পত্রে প্রকাশার্থে নিম্নলিখিত বিবৃতি প্রদান করিয়াছেন :—

‘কাশ্মীর ভারতেরই অন্তরভুক্ত’ বলিয়া রুশ প্রধান-মন্ত্রী মার্শাল বুলগেনিন এবং সোভিয়েট কম্যুনিষ্ট পার্টির প্রথম সেক্রেটারী নিকিতা ক্রুশেভ সম্প্রতি যে উক্তি করিয়াছেন তাহা অত্যন্ত বেদনাদায়ক ও পরিতাপের বিষয় হইলেও উহাতে বিশ্বস্ত হইবার কিছুই নাই। কম্যুনিষ্ট রাশিয়া সম্প্রতি ভারত এবং আফগানিস্তানকে উহার মিত্ররাষ্ট্ররূপে গ্রহণ করিয়াছে এবং উহার নেতা পাকিস্তানকে অ-মিত্র রাষ্ট্র এবং পাক-ভারতের বিভক্তি ও পাকিস্তানের প্রতিষ্ঠাকে সাম্রাজ্যবাদী ষড়যন্ত্রের পরিণতিরূপে ঘোষণা করিতে দ্বিধা বোধ করেন নাই।

রাশিয়া সম্মিলিত জাতিসংঘের সদস্য-রাষ্ট্র হইয়া এবং কাশ্মীরের ভবিষ্যৎ নির্ধারণের জন্য অবাধ ও নিরপেক্ষ গণভোটের সিদ্ধান্তকে সমর্থন করিয়া এখন ভারতের দালালরূপে উহার নেতৃত্ব কশ্মীরীদের নিজস্ব ইচ্ছানুসারে ভারত বা পাকিস্তানের অন্তরভুক্তির প্রশ্ন বিবেচনার জয়গত অধিকারকে পদদলিত করিয়া এবং পাকিস্তানের অন্তিমের মূলে আঘাত হানিয়া যে দস্তোজি করিয়াছেন পাক সরকারের পক্ষে উহার বিরুদ্ধে ব্যবস্থা অবলম্বনের সুস্পষ্ট সিদ্ধান্ত অবিলম্বে গ্রহণ করা উচিত। পাক সরকারের উপর রুশ নেতাদের ধুষ্টতা ও অশোভন উক্তির কি প্রতিক্রিয়া দেখা দেয় তাহা পাকিস্তানের মুছলিম জনবৃন্দ ব্যাকুল আগ্রহে লক্ষ করিবেন।

## বন্যাতদের খেদমতে পূর্ব-পাক জম্মুতে আহলে-হাদীছ

পূর্ব-পাক জম্মুতে আহলে-হাদীছের বন্যাসাহায্য সমিতির পক্ষ হইতে বিভিন্ন ঘিলার বন্যাতদের সহায়তাকল্পে যে খেদমত আনয়ান দেওয়া হইয়াছে নিম্নে উহার ঘিলা ও গ্রামওয়ারী তালিকার অংশ বিশেষ প্রদত্ত হইল :—

### ঘিলা আম্বমনসিংহ

#### সদর মহকুমা

বিনামূল্যে ধান্য বিতরণ : গুয়াডাক্সা ১০ সের, বাবেধরা ১০ সের। মাত্র ৩ টাকা মূল্যে চরনিয়ামত ২/ মণ, চরবসন্তি ২/ মণ, বাউগড়া ১/ মণ, রামভদ্রপুর ১/ মণ, গুয়াডাক্সা ২/ মণ।

### জামালপুর মহকুমা

৩ টাকা মূল্যে : জামালপুর ৩১০ মণ, বানিয়াবাজার ২/ মণ, শ্যামপুর ১০ সের, শরিফপুর ৩/ মণ, কেন্দুয়া কালিবাড়ী ১/ মণ, হাজিপুর ৩১০ মণ, ফুলারপাড়া ২১০ মণ, কৃষ্ণপুর ১১০ মণ, হরিপুর ৩১০ মণ, চান্দেহাওড়া মল্লিকপুর ২/ মণ, ছবিলাপুর ১/ মণ। বিনামূল্যে : হাজিপুর ১/৫ সের, হরিপুর-চান্দেহাওড়া ১/৫ সের।

মাদারগঞ্জ থানা : ৩ টাকা মূল্যে : চরনগর ৪/৫ সের, বীরপাকেরদহ ৫/২১ সের, চরবাউলা ২৬ মণ, চরপাকেরদহ ১১০ মণ, বাণীকুঞ্জ ১০ সের, ফাফিলপুর ১/ মণ, গাবেরগ্রাম ১০ সের, চরগোপালপুর, ৬০ সের, অগ্রাণ্ড স্থানে—৬২১ সের।

শরিষাবাড়ী অঞ্চল : বিনামূল্যে :—সাতপোয়া ১১০ সের, আরামনগর ১৫, পুটিয়ারপাড়া ১০, ভোরারবাড়ী ১৫, সোনাকান্দর ১০ সের। ৩ টাকা মূল্যে :—সাতপোয়া ৬৫ সের, চরহাটবাড়ী ৬০ সের, পুটিয়ারপাড়া ১৬০ সের, পাটাবুগা ১০ সের, সামর্থবাড়ী ২/৫ সের, কোণাবাড়ী ১/ মণ, মাইজবাড়ী ১০ সের, বগাড়াপাড় ১০ সের, আরামনগর ৩/ মণ, মোনারপাড়া ১০ সের, ভোরারবাড়ী ২১০ সের, সাঞ্চার-পাড়া ১/ মণ, বলাইরদিয়ার ২৬৫ সের, ধানাটা ১৫, সিঙ্গুয়া ১০, খাণ্ডুরিয়া ১০, বড়শরা ১০ সের, বিলবালািয়া ১০ সের, করগ্রাম ২৬০ সের, পটল ১০ সের, উচ্চগ্রাম ১/ মণ, দিঘপাইত ১০ সের, বলদিআটা ১০ সের, জাঙ্গালিয়া ১০ সের।

ক্রমশঃ।